

FIFTH SITTING OF THE TWELFTH SESSION

PRESENT

PU R. LALAWIA, Speaker at the Chair, Chief Minister, Deputy Speaker, 13 Ministers and 21 Members were present.

QUESTIONS

1. QUESTIONS entered in separate list to be asked and oral answers given.

PRIVATE MEMBERS' BUSINESS

2. * Resolution.

S P E A K E R : "Lehlama tangte zinga miin kan chung ah thu tha lo reng sawitur an neih loh avanga an zah theih nan, engkim ah thil tha tih kawngah tihmuhtu ah intilang la, i zirtirna-ah chuan i takzia te, i zahawmzia te i thusawi dik zia sawisel rual loh te chu ti-lang rawh " Tita 2:7-8.

Zawhna kan la nghal dawn ang a, mahse nimin lama ka zawhna lo chhan ani tih Pu Zakhu Hlychho an a sawi a kha sawifiah ka duh a, Revenue Department hotute ka hnenah an lo kal a, ngaihdamte pawh an rawn dil a. Mahse, Session hmasa khan a lo zawt tawh a, eng Party mi nge anih tuna an pek hi tih hi chu chu Unstarred Question ah leh sak ani a, 418-na a ni. Chu chu Revenue Department hian zawhna file khat ami an lo ching kawp a, tun tumah hianin Unstarred Question a a hmasa a chhan tawh tho kha an rawn ti tel leh palh a lo ni a, chuvangin tun tum ah khanin a zawh tawh si loh an lo tih tel kawngah khanin Pu Zakhu chungah pawh ngaihdam an dil a, tin, Sorkarin a tihsual palh ani tih pawh an sawi a, mahse lehlamah chuan Session hmasa a ama lo zawh ngei kha ani hei a kutziakte pawh a awm a, chu chu kan sawi chiang hmasa duh a ni.

Starred Question No.39-na zawt turin
Pu N.K.Chakma i lo sawm ang.

PU N.K.CHAKMA : Pu Speaker, ka lawm e. Ka zawhna
Starred Question No.39-na School
Education Minister zahawmtak chhan
atan ka zawt e.

S P E A K E R : Chhang turin Dr.R.Lalthangliana,
Minister for School Education Depart-
ment i lo sawm ang.

Dr.R.LALTHANGLIANA : Pu Speaker, kan member zahawmtak Pu
MINISTER N.K.Chakma zawhna Starred Question
No.39 na 'Is there any Primary
School where there is no Teacher
within 6 - Tlabung Assembly Constituency ? If so, why ? tih a
ni a, a chhanna chu - Tlabung Constituency chhungah Primary
School zirtirtu awmlohna awmin Sorkarin a hre lo.

PU N.K. CHAKMA : Pu Speaker, Supplementary, Niminah
ah pawh General Discussion-ah ka
hrilh a, ka bial chhungah Sumasumi
khua School awm bawk si, Zirtirtu an awm lo, a mak lutuk hei
tunah Minister in min chhang a, an hre tawh a, niminah pawh kan
hrilh a. Engtikahnge zirtirtu hi an dah theih ang ?

PU ZAKHU HLYCHHO ; Pu Speaker, Supplementary Question
kan siam lawk duh a. Hei, khaw-
thling lam bial hi keimah ngei
pawhin zawhna ka siam tawh a, School neih lohna khua a awm em
tih te ka zawt tawh a, min chhanna ah pawh khawilai emaw ah
chuan School awm lohna te pawh a awm niin a lang a. Hemi ni-
mina kan MLA-zahawmtakin a bial chhunga School neilo khua,
Zirtirtu awm lohna khua te hi Primary Education kher hi chu
compulsory Education ah hian India ram pumpuiah a dah dan hi
kan Sorkar, kan Minister hian a hre thei hram lawm ni tih kha
kan zawt duh a ni.

PU Z.H. ROPUIA : Pu Speaker, zawhbelhna, Sumosumi
khua khawng Medium School nge tih
a kha kan zawhbelh teh ang.

PU VANLALHLANA : Naupang kum 14 hnuailam chin. a kha
free education an nei tur ani tih
kha India Dan pui ah te kan hmu a
ni a, Tunh hian khaw thenkhat khaw ding thar In 20/30 ang
dawn dawn, amaherawhchu, Sorkar ten a la recognised chih lem
loh School neilo hi an awm nual mai a. Heng anga hi Sorkar
hian School pek thuai a tum ang em ? Constitution a an chanvo
ang hian in Sorkar hian in ruahmanna a neih sak thuai thei
ang em ? tih kha kan zawhbelh teh ang.

Dr.R.LALTHANGLIANA : Pu Speaker, Sorkar anga kan chhanna
MINISTER ah chuan Tlabung Constituency chhung
ah hian a awmzia chu a Sorkar anga
kan run Govt.School bikah chuan
Zirtirtu awmlohna kha kan hre tlat lo ani. Hei hi kan S.D.O.
Lunglei lam atanga information kan dawn ani a, amaherawhchu,
chutih lai chuan kan ngaih pawh palh te pawh ani mai thei a,
kan hriat atana ka duh chu Govt.Primary School ni velo khua
5 Mauzam, Hmaundo, Mausuri, Varawkhai, Zehet hengah hianin
Sorkar ang chuan School kan run lo a ni. Amaherawhchu, heng
hi Kohhran School kan han tih Mission School ang chi ah te
kalpui a niin ka hria a. Tin, Vairawkhai hi kan han hriatsa
Mission School ang ani a, a bak hi private anga School awm
niawmtak ani a, Sorkar School anga Zirtirtu kan neih lohna ang
kha chuan report kan dawng tlat lova. Engpawhnise, kan zawhna
kha Sorkar School bik zawt ah ka ngai a. Chumi anih si chuan
in report kan dawn ah khan a awm tlat lo mai a, engpawhnise
thil Chiang zawk la hriat zel kan duh anih chuanin kan lo en
ang a, ziak pawhin kan hriattir ang a. Tin, hetiang awmlohna
kha kan ngai pawimawh a, hma kan la chho mek a. Kan member
zahawmtak tak Pu Zakhu a te, Pu Hlana te zawhna pawh kha kan
filru ah a awm reng a. Mizoram ah hian khua thar a lo piang
chhuak neuh neuh recognised Village te pawh tunhnaiah kan nei
chho turah kan ngai a. Tin, recognised Village lo ni tawh sa
khua engemaw zat Mizoramah kan nei a, School Sorkar anga kan
run theih lohna, kha kha kan ngai pawimawh a. Hei hi SSA an
ti a, Education movement lian tak mai, India Sorkarin a buat-
saih a awm chho dawn a. A bul kan tan chho dawn a. Hemi
hian a thil tum ber pawh hi Education-a beihpuithlak ani a,
chu chu pawisa te kan hmuh hunah chuan a ram pumpui huapa
zirna beihpui thlak kan tum rual hian tuna kan Member zahawm-
tak tak rawn sawi kha covered theih kan beisei dawn a ni.

S P E A K E R : Starred Question No.40-na ah kan
kal leh ang a, Nihar Kanti Chakma
bawkw zawt turin i lo sawm leh ang.

- PU NIHAR KANTI CHAKMA : Pu Speaker, ka zawhna Starred Question No.40-na Food & Civil Supplies Minister zahawmtak chhan atan ka zawt e.
- S P E A K E R : Chhang turin Pu C.Lalrinsanga, Minister Food & Civil Supplies i lo sawm ang.
- PU C.LALRINSANGA MINISTER : Pu Speaker, Member Pu N.K.Chakma zawhna Starred Question No.40-na Tlabung biala mithenkhat India khua leh tui dik tak ni si, engvangin nge Ration Card pek an nih loh ? tih ani a. A chhanna chu Tlabung bial ah hian India khua leh tui mi dik tak Ration Card pek loh an awm kan hre lo.
- PU N.K.CHAKMA : Pu Speaker, Nimina General Discussion ah kan sawi tawh a, kan khua Nunsuri ah pawh Electoral Roll a chuang tam tak Ration Card dawng lo an la awm a ni. Hei hi engnge a chhan ka hre duh a ni.
- PU ZAKHU HLYCHHO : Pu Speaker, zawhna pakhat, hei kan Member zahawmtak Tlabung bialtu hian Session-ah hian zawhna te a sawi fo a, kan Sorkar lam chhanna leh Minister chhanna hi a bung thei ang reng khawp mai, kan hre lo tih hi ani fo mai a. Electoral Roll ah pawh awm ngei vote pawh thlak ngei, mahse helaia Ration Card lo pek duh lo tlat mai kha a awm tlat in kan MLA zahawmtak hian a bial chhungah a awm tlat a ti a ni. Engpawhnisela, kan Sorkar hian min enfiah sak thei ang em ? Chutianga India ram khua leh tui ngei Roll ah pawh awm ngei kha engemaw thil avangin Y.M.A., M.Z.P. emaw hlahh avangin lo pekloh leh lo hmah palh te a awm thei mai lo maw, kan Sorkar hian kha kha an lo en tha thei mai lawm ni, tih kha kan zawt duh a ni. Vawi tam tak hei hi a bialtu hian a sawi tawh a, mahse kan Sorkar lam chhanna hi a bung thei hlo mai, Pu Speaker kan zawt ani..
- PU L.N.TLUANGA : Pu Speaker, Roll a chuang dik tak Ration Card nei lo an awm lo tih kha chu kan rin loh sak deuhva an awm ngei ang. A hnai zawk Tlungvel bialah khian Roll a chuang ngei Ration Card neilo an tam em em a, nimin maiah pawh khan Sesawng khua bik atang pawhin sawmthum lai siam sak turin ka thelut a ni. Pu Speaker, helaiah hian in kan Sorkar hi thilphal deuhhleik se ka duh a. Heng Ration Card neilo kan tih te

hi Mizo diktak khua leh tui khawkhata rei tak tak lo awm, hmunda In leh Lo neilo an tam viau a ni. An mawl deuh avang khan an hmun hlui lama Roll a an chuanna te pawh la hlei thei lo te an la awa nual mai a. Buhfai hi a pumpuiah India ramah a harsa tawh lova, Mizoramah pawh kan harsat pui lova. Amah-erawhchu, khawkhata Ration Card neilo awm tam hi chuan ni a tibuni viau mai a. Chuvangin, tunhma-a Buhfai harsat lai a fet thin ang khan fet tawh lo sela, Ration Card mamawh zo hnahthlak Mizoram chhunga awnte chu pe ve mai sela, Roll a an chuan loh hi chhuanlamah hmang tawh lo sela ka duh khawp mai.

PU J. LALTHANGLIANA : Electoral Roll hi chi hnih a awm a, V.C. Roll leh M.L.A. Roll hi ka bial ah khuan V.C. Roll a awm si M.L.A. Roll a awm si lo te an awm bawk a nia, chuvang chuan Roll han tih ngawt kha a in anglo thei a. Chuvang chuan V.C. Roll a chuang chu pek ni ta sela, Tin, chulo lehah chuan kan Member zahawmtakin a sawi kha kabialah khuan a bik takin Bru te khu Dampa-rengpuiah in tam tak Lunglei District atanga lo pem mahsela, pem dan thiamlo sawlama Roll a awm vek tawh si helama kan dah theih tak loh chhungkaw engemaw zah an awm a ni. Chungte chu Ration Card an nei thei ta lo ringawt mai a. Roll a insuan dan kha an thiam loh avangin. Chuvang chuan Ration Card neih loh avangin khawthlangah chuan kan buai em em a, kan tam kumtin si a, nimirah pawh ka sawi tawh ang khan Silsury te, Hruiduk te, Hnahva ah te chuan chhungkaw zat ve Card nei, zatve card neilo an ni a. Sorkar hian an liberal thei deuh lawmni tih ngen pahin kan zawt a nih chu.

PU K.T. ROKHAW : Pu Speaker, hei Food & Civil Supplies ani a, a relevant tho in ka hria a, carrying bill ni 6.6.2002 a Unstarred Question a kan zawhna, Pu Zakhu a zawhna, Question 39-na ah hian Carrying Bill hi, Chhintuipui, Saiha ah chuan 1.98 crore anih lain Aizawl ah chuan nuai 32 vel anih lain

S P E A K E R : Tukin a kan Question chu, Ration Card a awm si, Electoral Roll a awm lo ani a, hemi piahlam chu tum man zawh tum suh u. Demand discussion lamah khan sawi tawh a nih kha, chhan tur a subject a kha chhang turin Minister i sawm ang.

PU C. LALRINSANGA MINISTER : Pu Speaker, hei kan zawhna neitu Pu N.K. Chakma hian ka hnenah pawh a sawi zing khawp mai a, amah-erawhchu, hei ration card chungchangah hian, Ration Card hi thil serious tak a ni a. Khua leh tui nihna dik tak kengtu anih avang hian Pass-port siamnan pawh Ration Card hi demand

a ni a. Chutiang hial chuan pawimawhna role a play a. Hei engemaw hunlai khan Mizoram hmun hrang hrangah Bogus Ration Card kan tih mai kha a tam hle a, Tiang chuan kan Minister hmasa thahnemngaihna avangin theihtawp chhuahin Family Ration Card intensive revision kum 2000 khan neih a ni a. He hmalak na atan hian inkaihhruaina Guidelines uluk tak siam a niin Govt. Notification pawh chhuah ani nghe nghe a. He hmalakna atan hian Sorkar in Department mai a he ration card siam leh intensive revision atana hmalakna hi a tawh zo a a hriat loh avangin NGO, YMA, MHIP, YLA, YCA thlengin he hmalakna atan hian pheikhai rual taka thawh a ni a. Tiangchuan Sorkar Notification chhuah ah hian Guideline pawimawh tak tak point hrang hrang duan a niin, a bik takin ram leilung fate dik tak hriat na hmanrua a tehfung kan neih awmchhun anih tlat avangin Electoral Roll hman ani a. Tlabung bialah pawh hian in Electoral Roll ah pawh chuangghin na na na chu kan pek pawh ka ring a. Tuna Family Ration Card neilote hi Roll a chung lo an nih ka ring a. Chuvang chuan kan zawhna neitu kan MLA zahawmtak pawh hi tuna request a rawn siam ang khan he a tehfung kan neih hmanga ration card la neilo Electoral Roll a chuang ngei an awm anih chuan hei hi chu kan ennawn thei a. Amaherawhchu, Electoral Roll a chuang lo na na na chu tehfunga kan hman - awmchhun a nih avangin chuti maiin kan ngaihtuah thei lem lova, khatiang ang case a awm a nih kha chuan hei hi chu kan lo ennawn ang tih kha kan tarlang tel duh bawh a.

Tin, kan Tlungvel bialtu zahawmtak khan a bial chhunga chhungkaw thenkhat Electoral Roll neilo an awm thu department ah pawh a rawn sawi thin a. Dilna siam in chhungkaw 38 lai Family Ration Card nei lo te tan dilna a rawn siam a. Chumi bawhzui chuang kan DCSO te kan intir a, mahse, heng chhungkaw 38 te hi an awmna hmun an lo awm tawhna hmun atanga a Certificate pawh nei lem lo an nih avang leh Electoral Roll ah pawh chuang lo an nih avangin Family Ration Card hi kan siam sak thei ta rih lova.

Tin, Phuldungsei bialtu zahawmtak in V.C. Roll leh Electoral Roll chungchang a rawn zawhbelhna ah khan hei V.C. Roll hi kan hman a ni lova, tehfunga kan hman a nih loh avangin V.C. Roll a chuang kha Family Ration Card siamsak theih tur an nih kan hre lova. Mahse Electoral Roll a chuang an nih erawh chuan kan siamsak thei a. Tin, Tuipang bialtu zahawmtak zawhna kha kan Speaker in (Speaker: chhan a tul lo kha kha chu) chhan a remti lo na a -

S P E A K E R

: A subject lo kha chu i ti tawh lovang. Minister pawhin tichuang lo ula. Member pawhin tichuang lo ula. A leh lam leh lama in tih

kan phal leh si kha chuan a dik bik chuang lova. Nilo, a theih na zawng kha chu a theih vek ang chu. A zawhna ni lo pui helaia kan chai kan chai hian min tibuai. Minister nih vanga kha kha thuneihna nei in ni lo, hemi House ah sawi ka remti tawh lo a ni. A tiangpuiin kan kalpui tawh dawn.

PU LALRINZUALA : Kan hriatehian duh tak riau chu Electoral Roll-ah khan M.L.A. Electoral Roll leh V/C Electoral Roll kha a awm a. V/C Roll a awm hrampa in ka hre lova. E/V Electoral Roll tho a ni a, Electoral Roll pahnih kan nei a, khata chuang chhungkua a kha Family Ration Card hi pek theih an ni ta em ? tih chauh chu kan zawt ang e. R pakhat zawk zawkah khan lo siam ta sela, V/C ah khan India khua leh tui lo te hi kan dah chuang em ni ? Eng a tinge V/C Electoral Roll-ah khan kha kha kan pawm loh bik ? kan pawm lo em ni ? tih hi ka zawt ani. A chhan khawngaih takin Pu Speaker, khua leh tuiah kan pawma, Electoral Roll-ah kan dah lut tawh anih si chuan engatinge kha kha kan pek theih loh bi ? a chhan engemaw tak chu a awm ka ring ani.

S P E A K E R : Nakinah Motion rawn pulut rawh u, tih ve nisela tiin rawtna rawn ti rawh u. Chu chu House-in a la ngaihtuah dawn a nia. Starred Question No.41-na zawt turin Pu H.Laltanpuia. a authorised khan rawn zawt mai rawh u.

PU VANLALHLANA : Minister zahawm tak Printing & Stationery Department chhan atan zawhna - (a) Printing & Stationery Department hian 2000-2001 leh 2001-2002 chhung hian hnathawktu Staff te hlawh tiam lovin expenditure engzat nge a neih ? (b) Income profit engzat nge a neih tih kha ka zawt e.

S P E A K E R : Chhang turin Pu Rualchhina, Minister Printing & Stationery Department i lo sawm ang.

PU RUALCHHINA
MINISTER : Pu Speaker, Lungpho bialtu zahawm tak in a rawn zawhna kha tiang hi ani a, Printing & Stationery Department hian kum 2000-2001 leh 2001-2002 chhung khan a hnathawktu Staff te hlawh tiam lovin a expenditure chu engzat nge a nih tih chhanna chu - Printing & Stationery Department hian 2002-2001 leh 2001-2002 chhung khan in hnathawktute hlawh tiam lovin cheng nuai 396 leh sing 4 leh sang leh 775 expenditure a nei ani. Tin, 6-na ah chuan Income emaw Profit engzat nge a neih chhanna chu Printing & Stationery Income leh Profit a neih zat hi chhut

chian a la ni lova, suspense Head atanga a recoveries hmuh leh Revenue leh Receipt te, Small Saving leh a deposit zat total chu hetiang ang hi a ni. Suspense Account ah chuan nuai 216 leh sing 4 leh sang 4 leh 19 ani a, tin, Revenue Receipt ah chuan nuai 95 leh sing 5 leh sang 8 leh zanga sawmli pathum ani a. Tin, Small Saving ah hian in Rs.19,58,335/- ani e.

PU J.LAWMZUALA : Tuna zawhna chhanna ah khanin expenditure leh Revenue han hmuh khan a hlahn nasa hle in a hriat a, Rs.496,45,775/- (nuai 496 singli sangnga zasarih sawmsarih panga) expenditure anih lai khan a dang income kha a tlem em em a. A hlahn niin alang a, chuvang chuan Text Book chhut te hi a hlawk viau in alang a, Printing & Stationery Department hian Text Book hi engtizia nge a chhut ve loh a tlin lo nge Department lamin chhut tur an pe lo tih hi Pu Speaker ka zawhbelh duh a, Pu Speaker, tuna chhanna kan han dawn ah hian a expenditure leh a income han en khan a hlahn viau in a lang a, engnge ni Printing & Stationery Department ah hianin Printing bik ah tak hian engngeni an thawh ber hemi Sorkar thil pawimawh Text Book ani emaw, thil dang kawng hrang hrang ah hian helai ah hian chhut anih avanga hlahn nge an nih, chhut anih loh avanga hlahn chhut tur hi an hmu tha lovang a, hlahn nge a lo nih zawk tih kha kan zawt tel duh bawk a ni.

PU VANLALHLANA : Pu Speaker, zawhbelhna kan neih chu Printing & Stationery Department hian in Office Stationery mamawh zawng zawng te lakhawm a, chu chu Department dangte hnenah pe chhuak tur ani a. A tawi zawngin sundawng Department te pawh an ni thei awm e. Chuti anih lai chuan Mizoram-ah Department tam tak 100 ah 60 vel hian Printing & Stationery Item hi an lei a ni. Hei hi Sorkarin a hria em? Hemi chungchangah hian Office Memorandum pawh 1997 ah te, kum 1998 ah te, Chief Secretary in a chhuah tawh a. Chung ang chu Department tam tak hian an zawn lova, an zawn loh avangin hetiang zat a hi Printing & Stationery Department hianin lost a nei ni pawhin a lang a. Chuvangin, kan Minister zahawmtak hianin heng Office memorandum awmsa department ten Printing & Stationery atang chauhin Stationery Item an lei tur anih lain an lei si lo hi eng angin nge kalpui a tum? He order awm sa hi Printing & Stationery Department pawh lam atanga lei angte hi engtia tih nge ni a tum? Eng zat nge ni anmahni record atangin anmahni dawr lo tute hi department engzat nge a hriat tih kha kan zawhbelh teh ang.

S P E A K E R : Chhang turin Pu Rualchhina i lo sawm leh ang aw.

PU RUALCHHINA
MINISTER

: Pu Speaker, kan MLA zahawmtak Pu J.Lawmzuala zawhna kha kan chhang hmasa ang a. Khawlte pawh kan nei tha viau tawh a. Text Bu te hi engtizia a la chhut loh nge tih kha kan zawhna awm tak pawh ani a. Tunah hian keimahni dinhmun kan khawl neih dante kan han ngaihtuah phei chuanin Text Bu te pawh chhut kan inhuama em em tawh a. Hei hi Sorkar lam atanga ruahmanna a la awm loh vang te pawh ani ang a. Hei hi tunah kan la chhu lo mai mai ani a. Tunah hian in chhut ve tawh pawh nise tiin rawtna te pawh hi thlen kan tum mek a ni.

Tin, hmanni ah pawh ka sawi tawh in ka hria a. Multi-Colour Printer te pawh kan neih ve tak ah chuanin tuna kan Mizoram Calendar ang te pawh hi chhut theih kan inbeisei viau tawh nghe nghe a ni.

Tin, Buarpui bialtu zahawm tak zawh na kha tuna Printing & Stationery Department a hnathawktute hianin engemaw an thawh ber le tih ang thu ah kha chuanin an thawh hi a tam ang reng khawp a, hei, tulzual lai phei chuanin zanah pawh tlaivar thak a, inbanlet a, duty ngai khawpa Electoral Roll te leh Ballot paper te leh thil pawimawh Secret lampang thil te pawh chhut ani thin a, chumi bakah chuanin hei order leh engemaw Sorkar atanga chhut tur awm chi reng reng form chi hrang hrangte heng hi chhut ani a, chung chhu tur chuan in hei, khawl-haremete leh a remthiam mi leh a siam thiam te, chutianga chuan thawhtur chu kan ngah em em a ni, an thawk map map reng mai.

Tin, Lungpho bialtu in 60% vel hi pawnlam ah Department hian Stationery an lei niin hriat ani a, a tih kha a dik a, hei hi tunah pawh action engtingge kan lak ang tih te kan ngaihtuah lai mek ani a. Defaulter kan ti dawn emawni, Department hrang hrangah hian an awm a, tunhma pawhin heng ho hi chu a hranga pawhin hriattirna a awm tawh nghe nghe a. Engpawhnise, harsatna chi hrang hrang avang ani mai thei a, heng hi chu kan control a ngai hle in kan hria a ni. Tunah tak phei hi chuan hemi kan kalphung leh a dan te pawh siam a tha awm mange tiin tunah hian draft pawh kan buatsaih mek a. Hemi Printing leh Press Control na leh hmandan chungchang reng reng pawh hi dan nei a kan in Control a tha lawm ni tih te kan ngaihtuah mek a, chutianga zawhna te an rawn siam hi a lawmawm hle in ka hria a. Hemi atang ringawt pawh hian department tin pawh hian kan tih tur kan hriat a pawimawh hle a ni.

PU VANLALHLANA

: Pu Speaker, ngaihtuah mek ani a ti a. Ngaihtuah mek ni lovin, a ma tawngkam takin department defaulter armahni ...lova Stationery leitu kha tunhnu ah te action khauh zawk in emaw ngaihtuah mek lovin a tumdan lai tak kha min hrih se a va tha awm ve.

S P E A K E R : Pu Rualchhina lo sawm leh ang.

PU RUALCHHINA
MINISTER : Pu Speaker, khang kha chu a tul ang
in action lak kan lo tum ang e. Tih
mek han tih khang ngaihtuahna kha a
kal mai loh avang khang a mek lo thei
lova, chu chu kan hriat a tha in ka hria a. Tih tawh te chu
nise kan tih tawh kha kan sawi mai tur ani. A mek chauh kha a
la nih avangin a definite tak khang kan la chhang thei lo ani
chauh zawk e.

S P E A K E R : Starred Question No.42-na zawt tur
in Pu R.Lalzirliana i lo sawm ang.

PU R.LALZIRLIANA : Pu Speaker, ka lawm e. Starred
Question 42-na Minister zahawmtak
School Education chhan a tan.

(a) Kumina Zirlai naupangte lehkhabu a
thlawna sem atan khang Sorkarin eng
zat nge a sen ?

(b) Heng lehkhabu hi tunge supply ?

(c) Zirlai naupangte hian Sorkar tum ang
hian heng Zirlaibu-te hi an hmu ngai
em ? tih a ni.

S P E A K E R : Chhang turin Dr.R.Lalthangliana i
lo sawm ang.

DR.R.LALTHANGLIANA
MINISTER : Pu Speaker, kan member zahawmtak
-Pu R.Lalzirliana zawhna -

(a) Kumina Zirlai naupangte lehkhabu a
thlawna sem atan khang Sorkarin engzatnge a sen ?
A chhanna chu Zirlai naupangte lehkhabu a thlawna sem atan
Sorkar in kumin 2002 hi kan hman mek a, hetah hian
Rs.59,16,000/- a seng.

(b) Heng lehkhabu hi tunge supply ?

A supply tute chu -

1. Lunglei Book House, Lunglei
2. Zomi Book Agency, Aizawl
3. ELPEE Book Store, Aizawl
4. Lianchhungi Book Depot, Aizawl
5. Kolasib Book Depot, Kolasib
6. Madinga Book Store, Serchhip
7. Beulah Book Store, Champhai

(c)-na chhanna chu hmu ngei e tih a ni.

PU J. LAWMZUALA : School zir lai naupang engzat hnenah nge zir laibu leh Uniform hi a thlawna a pek anih tih hi ka zawh belh e.

PU LALRINZUALA : Pu Speaker, zir laibu Supply thu a ni a, a in relevant ang tih ka ring a. Kan hla ah pawh lei Bethlehem leh Van a lallukhum pawh a inzawm kan ti a. Hei Chanchinbu ah kan chhiar a, tunhnaiah hian zir laibu Supply thu ah School Education Department a Director leh Jt. Director te ni 10/15 te hun pekin Explanation call anih thu te an rawn ziak a. Tun ah khan Minister chhanna ah khan kha kha a lo lang ta hauh lova, nasataka ziah kha a awm bawh si a. Khang mite khan supply hi an lo dawng ve em ? An fate leh an chhungte hian. Ngeni, thuthang diklo Chanchinbu-ah an ziak ? Tin, Chanchinbu dangah khan hemi Supply chungchang hi a der pawh la tih chhuah bh ani tih te kha a lo awm leh ta a. Zoram a ti chia hle in ka hria a. Chu chu kan Minister hian min hrilh fiah thei sela tih kan zawt a ni.

PU C. THANGHLUNA : Pu Speaker, zawh belhna, hei kan Minister khan zir laite naupangte leh khabu a thlawna semna tur atan khan pawisa tam tak sorkarin a sem tawh tih min hrilh a, District Council Area ah hian hetianga zir laite hnenah a thlawna sem leh khabu hi a awmve miah lova, engnge hei hi a chhan ? District Council Area ah hian zir laite tana zir laibu a thlawna sem ve theihna tur pawisa hi pek ve a awmlo em ni ? Nge an pe si in, zir laibu a thlawna sem nan an hmang lo nge, engnge ni a awmzia hei hi min hrilh thei em ? tih ka zawh belh e.

PU VANLALHLANA : Pu Speaker, zawh belhna kan neih chu, pakhatna, hemi leh khabu a thlawna sem hi tunge ni a dawngtu tur thlang tute ? Zirtirtute nge ni a, a thlangtute kan Criteria emaw tehfung deuh an nei em ? tih kha pakhatna ani a. A dawt leh ah chuan a dawngtute hi tutenge an nih ? An khaw hming nen hian kan Minister hian min pe thei em ? tih kha ka zawt duh a. Tin, khang leh khabute kha firm engemaw zatin an supply a, khang supply tute kha tenderte kovin an supply tir nge ni a, Department hian supply turin an va ti ringawt mai, tih kha ka zawh belh duh a. Tin, leh khabu chauh hi em ni a thlawna an pek ? Uniform a tel ve em ? tih kha kan zawh belh teh ang.

PU R.LALZIRLIANA : Pu Speaker, sawrkar hnathawkte an chhungte tunah khan kan ngaithla zo chauh a, Quotation an chhanin kan thik thu a chhe hle a, sorkarin Show Cause Notice te kan pe a, chutiang chuan heng lehkhabu supply tute hi vawin nia Minister zahawmtakin a rawn sawite hi Minister chhung khat hnaivai tak an tel ve nia hriat ani a, heng hi Sorkar hian a enzui ve dawn em ? Minister chhungkhat hnaivai takte hi Dan hian a lo phal bik em ni ? Sorkar hnathawkte a phalloh lai hian, tih kha kan zawhbelh ve e.

S P E A K E R : Awle, chhang turin Pu R.Lalthangliana ilo sawm leh ang.

Dr.R.LALTHANGLIANA : Pu Speaker, kan chhang chho ang a. MINISTER Pakhatna atan chuan a tawp lam a tang khan kan chhang a, hemi a supply tute zingah hian Minister chhungte ti lai a awm kei chuan ka hre lova, chuang chuan ti lai kharchu ka chhang thei mai lova. Tin, chmi rual chuan hei tenderngai lem lova tih theih tur ang chin Zoram Board of School Education MBSE-in kan lehkhabute hi rate approve sa a nei dian avang khan khami rate hmanh khan supplier te hi approve dealer a nihna ang hianin Department lamin an pe ani a, chu chu hriat a tha in ka hria a.

Tin, chulo lehah chuan in Text Book dawngtura te hi kan MLA zahawmtak Pu Hiana han zawhna kha tun tuma mi kan pawisa pekna hi kan hriatchian a tha a. PMGY pawisa bik tlem lai deuh khan cheng nuai 327 kan hmu a. Chumi atanga kan pek chu a ni a, kha PMGY nuai 327 ah khanin hemi Text Bu bik pek theihna tur ang component a awm a, chumi atang a pe chu kan ni a. Chumi avang chuan tun tumah hian PMGY a mi bik anih avang khan Sikul naupang zawng zawng kan cover thei lova, tin, Sikul zawng zawng pawh kan cover thei lo in ka ring a, kan pekna khua-te kha chu nakinah kan la furnish thein ka ring a naupang hmingte nen, a harsa lovin ka ring a. Tin, tun tumah hian zirlai naupang 16002 hnenah pek tura ruahman an ni a, chu chu Primary School bik naupang a ni. Tichuan, Middle School naupang hi 11637 an ni a, a vai hian 27637 kan pe niin a lang a ni. Tah chuanin hei School Uniform pawh hi SDEO atang in pek theih kan inbeisei leh dawn a. Amaherawhchu, tun tum a a zawhna bik a hi Text Bu bik a nih avangin Text Bu bika chhanna kan hmuh chin laia kan sawichiang maiah ngai ila a tha awm e.

Tin, kan Lawngtlai bialtu MLA zahawmtak in a rawn sawi kha a District chhungah in cover ve nange ? a tih laia kha District Council hi kan hriat angin mahmi inenkawl na bik nei an ni a. A bik Primary School & Middle School erawhchu, anmahni kut liau liau a ni a. High School erawhchu, helam pang atang pawhin kan enkawl ani a. Tunah chuan tuna PMGY bik fund atang erawh hi chuanin an tel thei

lo a. Mahrawhchu, hei vanneihthlak takin kan Official kan Education Officer-te theihtawpin District tinah tan an la a, Directorate atangin monitoring an bei bawk a. SSA kan ti a. Surva Sigsa Arya chumi Education beihpui thlakna ah chuan Project lian tak mai Rs.300/- crores vel tunah hian kum 5 chhung atan ruahmanna kan siam a. Hei Pu Speaker, Aizawl District phei chu kan zo tawh a. Tiang hliir hi Project pariat kan Directorate lamin min buatsaih saka, a lawmawm hle a. Helaiah hi chuan Saiha, Lawngtlai kha District Council vel kha kan cover dawn a. Tin, pawisa pawh hi annexing share te kan ti thei ngai dawn anih chuan Mizoram chhunga Middle School te Primary School khanga zirlai awm zawng zawng kha Uniform pawh pek theih kan beisei dawn a. Text Bu te pawh pek theih kan beisei dawn a. Tin, tul bik thilah chuanin Private School te pawh kha engemawzat chu cover theih kan beisei dawn a. Chu chu Pu Speaker, vawiinah hian thil thar Education Department a kan hmalakna a ni a. India ram Hmarchhak State ah hian a Project pawh a siam peih hmasa ber helam hian kan Department hi ani a. Ka chhuang viau a ni. Chu chu kan sawi duh a.

Tin, chu lo chu nichina zawhna pakhat a thlan dan chungchanga kha an zawt in ka hria a. Hei tun tuma PMGY atanga kan hman duh hi a limit em avangin School Zirlai naupang zawng zawng kan pe thei lova, a thlan danah pawh hian uluk takin thlang ila kan ti a, tahchuan an chhungte nu leh pa te emaw Sorkar hnathawk emaw hi chu ti lo ta phawt ila. Tin, BPL Family atang pawh hian a BPL leh em em bik, a rethei harsa em em a kha kan thlan chhuah a ngai a ni. Chutilo chuan he pawisa hian a daih dawn lo a, tiang chuan kan han ruahman chho a. A thlangtu tur ah pawh sikul tin a Zirtirtu zawng zawng te leh N.G.O. kan tih YMA, MUP, MHIP leh kang pawl hrang hrang a te kha inhmukhawmin fair tak a thlang chhuak ah chuan kan ngai a, Instruction khauh takin kan pe ve a, kan ti tha thawkhat turah ka beisei a ni.

Tin, Pu Rinzuala zawhna kha Director leh kan Jt. Director te chanchinbu a lo lang chungchangah Text Book Supply na lam thil kha ani lo ani tih inhriat ka duh a. Mahse, chanchinbu ah te a lo lan tak ah chuan he thil hi thildang ani a, Non-lapseable Central Pool of Resources kan tih atanga heng Science equipment kan tih ah hian nikum lam atanga kan Minister hmasa atang khan engemawzat an hmu a. Nikum lamah khan tender Quotation chhanna kalchho zel ah khan hei tunhnaiah engemawzatin an chhang a, chumian chhanna ah chuan kan Official chhungte in an lo chhang ve ani tih kha Report a lo lut a, chumichungchangah chuan Department lamin a Sorkar: lamin enfiah nise a tha ang a ti khanin Sorkarin a han kal tir a. Kawng leh lamah chuan he thil hi chanchinbu ah te an tichhuak mai theih tak na a, a work order emaw supply order emaw pawh pek an ni lova, SPAB sitting minute pawh approve ala ni lova. Amaherawhchu, tunah hian enfel mek ani a. Chutiang tak a thil engemaw corruption tih ang zawng a han sawi theih tur ang chi kha ani lo hrim hrim a. Chhungte hnaivai chhangtu an awm tiin, engemaw chhangtute atanga complaint a awm avangin en mai kan ni a. Education Department hi kawng lehlam ah chuan khati zawng a thil engemaw han sawi

ah khan kan awm lak lawh a, kawng leh lam ah chuan thil eng-emaw han sawi ah hian kan awm laklawh a, paw ka ti a. Mahse thil serious tak phe chu ani lo a, tunah tak phe chu an Quo-tation kha enthat leh turin kan ti hñim hrim a, engmah work order/supply order pek hma kha ani tih ka sawi duh a ni. Chu chuan a chhang maiin ka hria. Text Book lam phe chu a ni lo na a, an-zawh kai takah chuan ka sawifiahna ni mai sela, Zawh na te kha ka chhang kim em aw, Uniform kha chu SSA atangte in kan han ti chho dawn a, PMGY atang pawh hian tih hram chu kan tum a. Engemaw zat chu pe thei tur chuan kan inbeisei dawn a. Primary School ah mi 10,000 emaw bawr vel, Middle School ah 7760 bawr vel - PMGY bik atan hian a ni. Tin, Rs.250.00 pek tur an ni dawn a. Uniform ang hian a rawng School hrang hrang ah a in an loh avangin a pawisa in kan pe mai dawn a. S.S.A. Scheme lian tak mai tuna kan kalpui tur hi min pek hunah chuan ram pum huapa zir lai zawng zawngte private school thenkhat harsa zual pui thleng pawh a pek theih kan inbeisei ani tih kha min lo hñiat sak ka duh a ni.

S P E A K E R : Starred Question No.43-na ah kan kal leh ang a. Pu R.Lalzirliana leh Pu H.Laltanpuia te zawhna ani a. Pu R.Lalzirliana hi zawt turin i lo sawm ang.

PU R.LALZIRLIANA : Pu Speaker, Starred Question No.43 na - Education and Human Resources Development Department changu

Minister chhan a tan -

- a) Education Minister hova 'Education Revival Crusade' neih nan hian sorkarin sum engzatnge a hman ?
- b) Hemi hun chhunga Minister leh a tawiawmtu Officer te Travelling leh Daily Allowances atana senso zat hi engzat nge ni tawh ?
- c) Hetia zin kual a vak vak lo hian mahni Office atanga Minister thuneihna hmangin Mizoram Education a lo that theihnan hian kan Minister hian hma a la thiam em ?
- d) Chutiang ber chu a thiamlo anih chuan Minister hna tur hi engnge ni ta ang le ?

S P E A K E R : Chhang turin Dr.R.Lalthangliana i lo sawm leh ang.

Dr.R.LALTHANGLIANA MINISTER : Pu Speaker, kan MLA zahawmtak tak te pahnih Pu R.Lalzirliana leh Pu Tanpuia te zawhna -

a) Education Minister hova Education Revival Crusade nei hnan hian Sorkarin sum engzatnge a hman tih chhanna chu Education Minister hova Education Revival Crusade nei hana Sorkarin sum a sen zat chu Rs.2,86,263/- a ni.

b) Hemi hun chhunga Minister leh a tawiawmtu Officer te Travelling leh Daily Allowances atana senso zat hi engzatnge ni tawh tih chhanna chu hemi hun chhunga Minister leh a tawiawmtu Officer te Travelling leh Daily Allowances atana senso hi bill siam a la nih loh avangin hriat theih a la ni lo.

c) Hetia zin kuala vak vak lo hian mahni Office atanga Minister thuneihna hmangin Mizoram Education a lo that theihnan hian kan Minister hian hma a la thiam em tih chhanna chu Education a lo that theihnan Education Minister hian a Office atangin theihtawp a chhuah reng a. Amaherawhchu, chak zawk a hma la tur hian kal chhuah ve fo a ngai a ni. Zin han tih hian Pu Speaker, zan riak pheih chuan ka zin lova, Mamit te pheih chu lehlengin ani, Kolasib pawh lehleng bawh in a nia, Ser-chhip kha ka kal theih lova, amaherawhchu, riaka ka kalna chu Champhai District bik kha ni a, zan khat emaw riak a kan han kal zawk kha ani a, ka Office ka chhuahsan tam lova, chu chu min lo hriatsak ka duh a.

(d) chutiang ber chu a thiamlo anih chuan Minister hna tur hi engage ni ta ang le tih chhanna chu Mizoram Education siamthat nan Education Minister hian hma a la mek a. A hmalakna rah tha pawh Department in leh Zoram mipuiin a tel mek zel a. Zin chhuah bakah hmalakna tam tak hmuh theihin kan nei ani tih kha chhanna a ni e.

PU R.LALZIRLIANA : Pu Speaker, a lawmawm khawp mai a hei, a lehlamah Education hi kan ram Budget a inngat mang lova Centrally Sponsor Scheme ah hian kan inngat tam hle a, chutih lai chuan kan Minister hi a fakawm khawp mai a. Tun kumah te hian Kerela ah te chuan a Budget zawng zawng atanga 32% kha Education atan hian an dah a. Keini hian 12% chauh kan dah a, mahse kan Minister hian Central lam atangin sum a hailut hnem a, kan mawi ani mai a. Tahchuan, matching scheme turte pawh hi kan neilo zaw mah mah a, a zahthlak viau va, chuta Minister leh a tawiawmtute hian TA/DA hi an bill dawn em ? An bill dawn a, an la siam lo tih niin ka hria a, an bill dawn em ? tih a ni a.

A pahnihna-ah chuan hetiang anga an ni pawhin an Bill si chuan April thla chhung khan nihnih, Aizawl District huamchhunga Zirtirtute an ko khawm a, Bus te Motor te hire in an lo kal a, khang kha kan Zirtirtute kha TA/DA te an pe ve dawn em ? tih kan zawt e.

DR.R.LALTHANGLIANA : Pu Speaker, TA/DA Bill dawn leh MINISTER : Pu Speaker, TA/DA Bill dawn leh Minister leh a tawiawmtute hian TA/DA hi an bill dawn em ? An bill dawn a, an la siam lo tih niin ka hria a, an bill dawn em ? tih a ni a.

Amahni te ka zawh lah chuan Bill thei tur anga Official-a chhuak an nih avang khan Bill theihna chu an nei ngeiin ka ring a. (R.Lalzirliana - Official chauh nilo kan Minister hian a Bill dawn em.) kei chuanin ka bill ngai lo niin ka hria a. Ka Bill lo turch lo ngai ila. Amaherawhchu, kan Official tak te erawh chu official a he programme hi siam Sorkarin kan nih a vangin an bill dawn leh dawn loh erawhchu, ka hre lova, kei chuanin hemi bikah hianin ka bill ka ring lem lova. Engpawhnise (Official in Zirtirtute kha kohkhawm an nia, chuvangin, bill tir ve ngei tur an ni dawn lawm ni - R.Lalzirliana) Nia, kha kha chu a hma pawh khan kan hriattir tawh kha. Sum harsat na avang khan tlawngaia he thil hi kan in tawiawa tian a ngai a ni. Education ah hian siamthatna hnathawh a ngai a, Nikhat lek tal kan han ti a, amaherawhchu, an tan chuan kan MLA zahawm takrawn sawi kha a dikna lai tak a awm a, an lo kalna khaw hla tak tak kha ani lo thei lova. Champhai te pawh khawchhak lam hmundang dang atanga lo kal an nihna laiah khan inhriat-thiamna nen anni kha khatiang kha a tih theih dawn lo ani tih hriattir khan kan han ti a. Engpawhnise, helai chu keimahni zingah pawh kan lo sawiho ang a, entawn tlak taka a chang hi chuan keimahni lampang ralna a ngai ve ani tih example set tu ah te pawh kan official te pawh hi an tang thei mai thei a ni. Khatiang zawng khan hmalak kan lo tum dawn nia.

S P E A K E R : Kan Question hour a tawp ani mai a. Tunah chuanin Private Member Resolution lamah kan kal ang a. Resolution kan la ang a, Bulletin Part-II Serial No.166 ni 29.5.2002 a kan hmuh tawh ang khan kan kal ang a.

P U R . L A L Z I R L I A N A : Pathianni zan thil thleng Vairengte bula thil thleng kha kan Home Minister in statement a pe dawn lawm ni ?

(Speaker - A chutiang statement pekna tur engmah ka hmu lo) E khai, engatinge kan Sorkar hi a va beng hawng lo em em ve mawle. Bus pakhat leh Sumo 2 leh Truck 3 a vavain pasarih misual ten an rawk nasa em em mai a. Hengte hi mipui tan thil pawl tham tak ani a, hei hi pe teh se. Hei hi misual tih nge khulalaia Sipai tih tih te pawh hi vavain niah hian kan Home Minister mai pawh nilo, kan Chief Minister te hian High Level ah lo chhui teh se. Khulalaia Sipai Training-na bulah kuan khatiang kha thil thleng a awm ani a. Sipai kha niin an hria a, Rs.25,000/- lai an chhuhsak ani. Mi tam tak kut an thlak a, an hnek a, tiang khanin Pu Speaker thil diklo tak a thleng a, kha kha AK 47 vek an nei lehngal a. Sipai thuan in an inthuan a, chutiang chuanin mi 12 lai ni a hriat an ni. Pu Speaker, hun ka hmang tawh si a, ka hmang leh thei lovang tih ka hlau va, Home Minister hian a pe ngei ngei turah ka ngai a. Vavain niah hianin engtizia nge a pek duh loh ?

S P E A K E R : Kan mawhpurhna vek ani a, in thahnemngaihna kha a lawmawm a. In ti lo tlang ani a, inhrethiam rawh u. Engpawhnise, dan ang thlap a tih a ngai tawh si a, engkim a copy te siam a sem theih a ngai a. Tin, a hun te pawh dar 9 hma a tih a ngai a, khatiangte te kha ani a, in hrethiam ula in mawhpurhna in ti lo vek hi a pawh khawp mai. Hun reomchang hmasa ah in la ti dawn nia. Pu J. Lalthangliana Resolution kan la ang a, a Resolution chu, Mipuite awlsam zawk nan heng khua te, Bawngthah, Darlung, S. Sabual, Bawngte, Kanmun, Lungphun, Hreichuk, Khawrihnim, W. Lungdar, Reiek leh Ailawng hi Mamit District hnuah a awm lovin Aizawl District hnuah dah ni rawh se tih ani a, hei hi Pu Lalthangliana moved turin kan sawm ang a, minute-15 hun kan pe ang a, member dangte erawhchu, minute 10 zel kan pe dawn nia. Tunah i lo sawm nghal ang.

PU J. LALTHANGLIANA : Pu Speaker, ka lawm e, he Resolution pawimawh tak hi Session apiangin ka thehlut ve thin a, sawi a hlawh hman ngai lova, a hmasa berah a lo awm ta a, ka lawm hle mai. Thil pakhat kan sawi hmasak duh chu, hemi khua, Bawngthah, Darlung, S. Sabual, Bungmun tih a hi, Bungmun a hi Lungphun tih tur a ni. Hei hi Original ah chuan Lungphun tiin ka ziak a, Office Yamah engemaw typing mistake a awm a ni. Bungmun hi tunah chuan Buarpu bial a awm dah ani a. Siamthat a ngai ani, a chhan chu Bungmun hian an duh leh duh loh hi ka zawt lo. Hei hi chu typing mistake ani, Pu Speaker, A original pawh entheih in a awm a ni. Kei pawn ka en tawh a, original office ah khian hei hi Lungphun tiin min pawsak thei se ka lawm khawp ang.

PU Z. H. ROPUIA : Pu Speaker, enfiah chhung kha reilo te adjourn ila, chuan enfiah ila, a original a sawi ang kha anih ka ring a, reilote adjourn ila chuan sawi leh ila a tha mai lawm ni, kan hmuh ve loh chuan chai vak thu a awm dawn em ni.

S P E A K E R : Engpawhnise, chutiang anih chuan keimahni office kan han in check thuai thuai ang a.

PU TAWNLUIA
MINISTER : Pu Speaker, Dan a awm a, a correct duh anih chuanin Dan angin a submit tur ani a. Helahia House a chawp leh chilh a khatia tih kha chu a kawngkal tlat lo. Dan angin a ti tur a ni. Tihdik loh tih a kha, a copy hi hmanni a rawn sem tawh ani a, Resolution hi Balloting tih fel vek hnuah khan a copy kan hmu vek a ni. Chutah chuan correction a tih dawn chuan Dan angin a rawn ti tur a ni. Dan a awm, Correction dan a awm.

PU J.LALTHANGLIANA : Ka tih dik loh ani lo.

PU K.L.LIANCHIA : A thehluttu hian a thehlut dik, Sorkar in a ti dik lo a ni. Sorkar dik loh hi chu a mawh kan phur thei lo. Sorkarin in ti dik lova, a man a ti dik si a, chu chu engahnge thiamloh chantir in tum.

S P E A K E R : Keimahni Office lam kha a rang thei ang berin in check thuai thuai teh u aw.

Dr.LALZAMA : Hun kha an pe a ni. A hma ni.....

PU TAWNLUIA : Pu Speaker, put luhna hun chu a awm
MINISTER a ni. Vawiin a a copy nei chauh kan ni lova, hmanni atangin a copy kan nei vek tawh a, chumi ah chuan a dik lo anih chuan Resolution neitu in a dik lohna rawn tarlan a, correction chu siam tur niawm tak a ni. Amaherawhchu, Pu Speaker, nangma thu thu ani e.

S P E A K E R : Ngawi ru, tha tak a thil sawi theih chi ani a, keima Office lamin kan tisial palh, Typing mistake emaw a ni thei tlat a ni. Kan fiah ang a, kan tihsual anih chuan Resolution neitu in tih danglam a dil kha a ngai lovang a, kan tih dik loh anih tlat chuan, amah kha keimahni zawkin kan phur a ni. A tih ang anih chuan he Resolution Amendment hi a rawn dil a ngai lo. Adjourned lo in kan ko mek a, a tih theih ang a, a sawi angin Resolution neitu hian a original ah hian a sawi ang chiah kha ani khawp mai. Lungphun chu ani khawp mai. Keimahni hian kan tisial a ni, min ngaidam mai rawh u. Kan Office lamin kan tihsual palh a ni. A nih leh ti hi chuan kan kaltlang thei ani mai a lawm. Pu J.Lalthangliana a Resolution move turin i lo sawm ang. Bunghmun tih niah Lungphun a nih chu.

PU J. LALTHANGLIANA : Pu Speaker, ka lawm e, kan chhiarchhuak nawn leh ang e, he resolution pawimawh tak hi "Mipuite awlsam zawkna atan heng khua te - Bawngthah, Darlung, South Sabual, Bawlte, Kanghmun, Lungphun, Hreichuk, Khawrihnim, W. Lungdar, Reiek leh Ailawng, heng hi Mamit District hnuaia aww lovin, Aizawl District hnuaiah dah ni rawh se'tih a ni ta a ni. Hei hi Pu Speaker, kan putluh duh nachhan chu mipuite awlsam zawkna atan Mizoram hi District thuma aww thin kha, District thar engemaw zah siambelh a ni ta a. Hengte hi mipui awlsam zawk nan leh administration a fel zawk nan le ni a. Chuti ni chung si chuan hemi kan sawi tak khaw 11 te hian awlsam zawkna nei lovin harsat zawkna an tawk ta tlat a. Chuvang chuan, Mamit District aww a tha e, amaherawh chu, heng khaw 11 te erawh hi chu Aizawl atanga a then phei chu Km 15 lek te a ni a. Aizawl nena inhnai tak Mamit nena communication neih dawn chuan Aizawl kaltlanga kal ngaite a ni a. Entirnan, a hla ber hi kan sawi ang a. Bawngthah hi Sateek piahlamah sawn a aww a. Chu chu Mamit District Administration hnuaiah dah a ni a. Mamit District a kal tur chuan, Bawngthah atangin Sateek ah an lo kal a, Aizawlah an lo lut a, Aizawl atangin Mamit ah an kal leh thin a ni. An tan hian a harsa em em a. Sorkar pawhin an harsa a ni tih hria hian khung tlangdung khu a bikin police lamah phei chuan tun thleng hian ka hriat sual loh chuan Kulikawn police station hnuaiah dah an ni a. Chuti khawp chuan kan harsa a. Tunah chuan District thuneihna hi kan Sorkar te hian an pe tam tial tial a. Engkim ah District a kal a ngai ta vek a. School Educationahte pawh Mamit District, Mamit a kal a ngai ta zel a. Chutiang zel chuan Department tinte hi District-ah hian an kal a ngai ta a ni. Entirnan, kan sawi leh dub chu Darlung, Bawngthah dawt ami Darlung hi a khaw lian pawl tak a ni a. Hengte hian harsatna an tawh chu sub-town-ah kan puangve a, Darlung hi. Tichuan Sub-Town anih chuan kawng engkimah Mamit a aww a ngai dawn si a. LSC leh kawng engkimah Mamit-ah vek an kal a ngai dawn ta a ni. Chutiang zel chuan khaw hrang hrang Sabualte pawh a ni ang a. Chutiang zelin Kanghmunte pawh a ni a, khaw lian pawla hi, Kanghmunte pawh Sorkar hmunpui kan neihve nate alo ni a. Damdawi inte kan neive a. Chu chu District hnuaiah a beh vek kha chuan harsatna tam tak kan tawk a. Chuloah chuan supply te pawh hi District hnuaiah hian abet zel ang a. Supply chungchang thua pawh harsatna kan tawk dawn a ni. Pu Speaker, Sorkar hian a duh chuan Aizawl District hnuaiah hian khaw khat lek village Council pakhat lek a dah thei a. Entirnan kan sawi ang a, Sorkar tana awlsam zawk theih nan tiin Lengpui, Mamit District hnuaia aww thin Aizawl District hnuaia dah hi Sorkarin dah teh ang a tih chuan a dah theih mai ang em? Chulo lehah chuan entirnan - Ailawng in ti teh ang. Aizawl atanga hnaita mai te khu Mamit District-ah dah a ni a. Reiek BDO hmunte pawh chu Mamit District-ah dah a ni daih mai a. BDO te hian harsatna an tawk nasa em em a.

Aizawl an lo kal a, Mamitah an kal leh a ngai a. Chuvang chuan Sorkar tan pawh insenso na tam tak a ni mipui kan mangan zia chu, Mipui te hian lantir vawihnih an tum tawh a. V/C Election kha Boycott an tum a. Mamit District-ah awm an duhloh lan tir nan eng tin tin emaw an ti a, an boycott lo hram a ni. Tin, khutilaia khaw hrang hrang V/C te khu intiam rualin Sorkar ah hian representation tepawh an siam tawh a, an harsatna hi keimah ngei pawhin Chief Minister kiangah hianin ka sawi a. District ramri te siamfel hunah mawle, tikhan min chhang a, Mahse hei kum thum a ral tawh a, ramri siamfel a awm hleitheh bawk silova.

Chuvang chuan harsatna namenlo hi kan tawh reng a. Hmannia ka zu kal khan zirtirtute phei chuan Association te siamin, representation te siamin SDEO Mamit hnuaia awm lo hian Aizawl hnuaia awm i dil teh ang u, an ti an lo dil a.

Chutiang bawk chuan a thlang pawh khuan an dil ta fova. Phuldungcei tlangdung tepawh, tlangdung tepawh khuan. Chutiang chuan kan Mamit District hnuaia awm hi mipuite awlsam zawk nana ti si hi harsat zawkna kan tawh mek reng a. Kan la tawh zel dawn nge ni a, a hnai thut hleitheh si lova. Communication lah chu a harsa khawp mai si a. Mamit pan tur khuan a kual nasa a. Chuvang chuan hei hi vawiin niah Sorkar hian min ngaihtuah sak ngei se, House pawhin min pass pui ngei se ka duh khawp mai, Pu Speaker.

Chumi avang chuan vawiin ni te hi a chei pawh ka inchei deuh nia mawle, nidang aini. Kan thusawite Member ten min ngaihthlak sak that duh deuh takin ka ti a. Chuti khawp chuan vawiin a ka resolution rawn putluh hi ka ti tak a. Tin, thil tul tak tu tan maha hlauhna awm reng renglo, mipui tana hlawkna nisi, Sorkar tan pawh a hlawkna ni bawk, mipui tana awlsamna ni bawk.

Chulo leha kan sawi leh duh chu Pu Speaker, Silpoulin hi kan mamawh em em theuh mai a, Mizoram hmuntin hian. Silpoulin hi Aizawlah heng khua te hian Lungphun leh Hreichuk phei chu March ni 1 khan Rial nasa tak khan in 72 a deng chhe vek mai a. Sorkar-ah tanpuina kan dil a, Silpoulin te min han pe a. Mamit District atangin kan la a. Silpoulin 72 lai min pe a, kan lawm em em mai a. Chubakah chuan Silpouline pakhat Aizawlah hian han dil ve ila, Aizawl D.C. ah hian. Mamit District in ni alawm, Mamit-ah kal rawh in tih hi min chhanna a ni a. Silpoulin pakhat mamawh a Mamit a zuk kal chu kan tan hian a harsa em em a. Chuvang chuan Silpoulin tepawh hi mimal ang hian an dawng ve thei lo a ni. A hlawpa pek anih erawh chuan Hreichuk leh Lungphun te chu a hlawpin a lak theih a. Chuvang chuan Silpoulin tepawh hi kan mamawh hi kan dawn theih loh phah nasa em em a ni tih kha kan sawi duh a. Te hle mahsela hengte hi kan nitin khawsak a kan mamawh a ni a.

A bik takin ka bial te chuan kan mamawh tam lehzuala. Kawng kan lai thar a, khua te a paltlang nghe nghe a nia kawnglah tekhuon. Kan PWD Minister te an fel a, Bulldozer in an lai min veng vung mai a, a min belh zel a. Tukin pawh khan Sabual khua an lo kal a, kan khuaah sawn in 17 a min chhia a ni, kawnglah avangin. Amaherawh chu kan sawi tha ngam vak lova, i kiangah pawh hian zawi deuhin kan sawi a, kan pawiti lovang kan ti deuh hlek a, min pe mahselá a min chhiat takah chuan kan mangang em em a, kan rawn sawi anih hi an ti a. D.C. a la awm alawm Aizawlah, han sawi beh u, nizan pawh khan ka phone tawh alawm ka ti a. Engang takmaw. Hmu mahsela Mamit-ah an lak a ngai leh tho dawn a ni. Chutiang chuan harsatna kan tawk a.

Tin hetiang zel hian Sport chungchang thua pawh hian District Sport han tih hian Mamitah te kan kal a ngai a, thalai te tan Mamit kal alo harsa a. Chhungtin reng a ni mai, zirna lamah kan hnu-fual phah dawnin kan hria. Tunah hian SDEO (W) Office Mamit-ah a insawn a, kan tan pawh a harsa khawp mai. Sikul lama kan mamawh han sawi dawnin, Mamitah kal a ngai ta a. Telephone te a awmlo leh ta nghal a. Tin, Mamit-ah khuan Telephone hi ka zu kala min hrih dan chuan khua a chhiata tek a tlak hian an off thin a ni an ti mai a. Achhan chu tek kawng deuh a ni a, vawihnih lai a den-chhiat lai hian an biak theih lohva, Mamit khu. Chuvang chuan Telephone a hmanfo theih bawk si loh. Sorkar pawhin harsatna an tawkin ka hria. Manganna kan han thlen chang pawhin Sorkar pawhin an be hlei theilo. Chungte chu Telephone chungchang thua pawh kan harsa em em a ni tih kha, kan sawi leh duh bawk a.

Chulo lelah pawimawh deuh kan sawi leh duh chu hei engemaw Revenue chungchang thua D.C. te enquiry ngai alo awm a. Revenue Department te enquiry ngai alo awm a. Chungte chu Mamit District-ah vek tih alo ngai ta a. Entir nan- Marpara-ah chuan BRTF-in kawng an lai a, mi ramahan lai phei vak mai a, tunah pawh hian kalkawng te an tichhia a, an ngaipawimawh lo deuh hlek ni-awm tak a ni. Field tepawh an paltlang phei vek mai a, an rawn complaint thin a. Mamit D.C. in a certified a ngai a ni an ti a. Mamitah an zuk kal thin a. Mamit-ah chuan thil tih vek alo harsa a, Aizawla kal leh tho a ngai thin a. Tichuan an kual an kual a, tun thleng hian chungte pawh chu harsatna an tawk a. Mamit District Headquarter a awm tha ka ti em em. Amaherawh chu, hei District penhleht lutuk, hetiang angte chu a tih dan hi awm em emin kan ring a. He House-a kan sawi duh a chu hei vawin niah heng khuate hian House a sawi turin vawi tam tak min ti a. Resolution ka pulut a. Election boycott an tumte pawh hi kan in dang tang tang a. Haw rawh u, kan dil dawn hia. House-ah a remchan hunah theih tawkin tawngkam thiam vak lo pawn ka la sawi ve ang a. Kan ngen ang a, kan rem tih loh tak chuan a tihden dante pawh kan ngaih-tuah ang chu kan ti a. Chutiang chuan kan indang hram hram a.

Tin, min ngaihthah deuh reng
reng a. Sorkar hian bawkina, Sub-Divisiön kan han neihve
tur Phaileng amite pawh S.D.O. kan ngen a. Kha kan hria
ang a. Total bandneihthe an tum a, an ti thur thur reng a.
Sorkar nen engtin tin emaw an inrem ta a. Tunah hian
Mamit Civil SDO nen kan intawm dawn niawm tak a ni. Chu-
vang chuan administration-ah pawh entirnan SDO kan han nei
leh ang a. West Phailengah an awm dawn a ni. West Phai-
leng chuan a chung hi min han bial leh dawn ta niawm phawt
hian kan han ngai a. Chuvang chuan harsatna tam tak helai
khaw 11 anih chu ka bial tak phei chu khaw kua kan ni a,
Reiek leh Ailawng tel hian. Anni hian min telh ve rawh an
ti a. Reiek leh Ailawng ka bial pawna mite kan han tel a.
A hming chuan khaw 11 vel kan ni e. Khaw te tak te te
kan ni a. Mahnia Motor leina nei manglo, turah phei chuan
communication hi a harsa khawp a. Jeep neiin an han kal
tum hian tukin phei chu Bawlte atangin mi pakhat a lo kal
a Aizawl-ah. Hmeichhe pakhatin ka ruala kal a tum a. A
i kal chak awm em mai a ti a, min zui ngam lova, hei ka
lo kal a, ka lo thleng ve a ni a ti a. Kein sawtah Seteek
ah alo kal a. Sateek thleng kein alo kal a. Sateek atang-
in Busin ka lo kal a ni a ti a. Kawng lah chu engtingge
a awm ka ti a. Kawng ala ping e, Motor pawh ala kal thei
lo a ti a. Chutiang khawp chuan kan kilkhawr avang hian
kan harsa a ni.

Tichuan kawng chungchang thuah
pawh kan harsatna chu Mamit E.E. hnuaiah kan awm leh ta a.
Power chungchang thuah hian Mamit hnuaiah kan awm leh ta
a. Kan sawi a ngai a, chutiang chuan Mamit-ah harsatna
kan tawk a.

Tin, Forest chungchang thuah
pawh Mamitah bawk kan han awm leh ta a. Chuvang chuan
Mamit-a zuk kal zel a ngai a, forest chungchang pawh
hian engemaw harsatna tawk ila, chuvangin Mamit District
a kan awm hi helai tlangdung a awm te hian engemaw har-
satna tawk ila, chuvangin Mamit District-a kan awm hi he
lai tlangdung a awm te hian harsatna kan tawk a. Cham-
phai te, Kolasib te, Mamit khua tepawh an ni ang, Chuti-
ang zelin, Serchhip tepawh an ni ang. District thar an
nei a, an lawm em em lai hian ruai an theh a, khaw 11
District thar nei ve te khu chuan hreawm kan ti em em a,
Sorkar zar kan zo natur a hi kan zo ve hlei thei lova,
hengte hi thahnem ngai takin ka ngen a. Hemi then avang
hian Sorkar hian hloh tur engmah a neiin kahrelo. Mi-
puite awlsam zawkna tur a ni a, Sorkar tan pawh hlawkna
tur a ni. Chungte chu vawijnah hian ka sawi duh a, pawm-
mawh ka ti em em a ni tih ka sawi duh a. Bunghmun
typing mistake tih kha kan Member zahawm tak hian a co-
rrect vek tawhin ka hria a. Chuvangin Lungphun tiin min
hriat sak sela, a khua hi a indawta rawn ziak tur ka ni a.
Kawrthah hi a chhim ber a, Darlung, S.Sabual, Bawlte,
Kanghmun, Lungphun, Hreichuk, Khawrihnim, W.Lungdar,
Reiek, Ailawng, Aizawl helai thlang lawk a ni. Chumi
tlangdunga awm harsatna tihkianna tur a dang zawng zawng

tihkianna awlsam tak ani. Aizawl District hnuaiia kan awm hi kan harsatna tam ber nitin kan eizawnaah harsatna sutkian theihna atan hian thildang mamawh tam tak nei mahila, kan dil a chu District Aizawl-a awm hi a thain kan hria a. Chu resolution chu Pu Speaker, ka rawn pulut a. Ka duhdan tak phei chuan sawiho vaklo hian Member te hian a awm a-lawm, min tihpui thei mai sela, pass mai ila, a dawttu sawhthing te kan sawiho theih nan. Ka lawm e.

PU SANGHMINGTHANGA H. PAUTU: Pu Speaker, 1998 a general election constituency Phuldungseiah khan khaw 25 a awm a, Hruiduk tih a awm a, hetah hian Member zahawm tak rawn move-naah hian Hruiduk ati bawk si a, khawi hi nge dik zawk ?

S P E A K E R : A awm ve ve e. Awle, Dr Lalzama i sawm ang.

Dr LALZAMA : Pu Speaker, ka lawm e, vawiina kan thil ngaihtuah tur hi, ngun taka kan ngaihtuah pawh a tul viauin ka hria a. Party lam rilru hawi emaw nilova, thil tha taka hi rilru tak taka kan chhut pawh a thain ka hria a. A move tu khanin a sawithiam viau mai bawk a, a dik khawpin ka hria a. Hei khaw list te pawh kan zawt e ka ti a. Hemi Mamit District chhungah hianin khaw 67 lai mai alo awm a. Tichuan hemi zingah hian tuna Resolution neituin a rawn sawi ang khan mipui te awlsam zawkna atan heng khua Bawngthah, Darlung, South Sabual Bawlte, Kanghmun, Lungphun, Hreichuk, Khawrihnm, W. Lungdar, Reiek, Ailawng te hi Mamit District hnuaiia awm lovin Aizawl District hnuaiia dah ni rawhse tih kha a ni a. Helaiia hian South Sabual tih a ni a. North Sabual tihte a ni em aw tihte ka ngaihtuah a. Khelaiia khan North leh South tih a kha, a khawi tak ngeni a inziak chia lova. A engapawh chu nitasela Pu Speaker, khua an tarlan te kha 11 a ni a. Resclution neituin an tarlanah khan khaw 11 a ni ta a. Kha kha Aizawl District lamah rawn bet ta sela, an khua kha a tlem viau mai dawn a. A khawzat han ngaihtuah chuan a awm thoin ka hria a. Hei Serchhip District-ah pawh hian khaw 44 a awm niawmin a lang a. Champhaia khaw 65 a awm a, tin, Kolasib District khaw 44 a awm bawk niin a lang a. Chutiang chuan a khawzat han thlir hianin Mamit te hi chu a tam viau mai a, khaw 67 lai a ni a. Chuvang chuan a awm hlein a hriat theih a. Anaherawh chu thil han chhut chianin a mihring zat hi han chhut leh ta ila, mihring zat hi a awm ve vek mai a, kum 1998 General Election a voters awm zat te han chhut hianin voters 23794 Mamit District chhungah a awm a. Serchhip ah hian vote 31470 a awm a.

Kolasib District-ah hian vote 32647 a ni a. Champhaiah hian 57661 a ni. A population hrim hrim pawh hi han en la a tam hranlo khawp mai a. A lehlamah chuan mihring an tlem veleh thung tihna a ni. Kan ngaihtuah atana ka duh a awm a. Hei khuavang ri khamisa a awm a. Tlawng lui denchhenin Tlawng lui hian Aizawl District hi a phel remchang em em a. Kolasib leh Mamit inkar pawh hi chutiang chuan a then remchang khawp mai a. A lehlamah chuan hetiang Administrative convenience tuna a thendan hi a tha mange tih ngaihtuahnaah a awm a. Chubakah chuan, khatiang luipui ina a danchah dante leh ramri thendanah hian a Geographical Area han chhut hian hetia han awm hi a tha zawk mange tih ngaihtuahna min neih tir a. Hei District thara kan awm hian engemaw chanvo District wise a chan turah pawh hetiang develop ngai tak takte anih siah hian chanvo thate hi an chan theihna tur a ni zawk awm mange tihte ka ngaihtuah pui bawk a. Hei, khawpui lama beha khawpui tak tak la ni hlei thei silo hi channa a ni fo mai a. Entirnan, ka bial Chhungahte pawh khawpui area tiin Sihphir pawh an han ti thin tak na a. Town ang tak tak hian a enkawl a awm chuang lova. Chan angreng, a dawng tur lamah khawpui area tak tak ang kha ni chuang silovin laklawh deuh hian a chan zawng hianaawm theih that mai a. Curfew-ah chiah min khawpui tir a ni te anti mai mai a. Chutiang deuh hlek chu anih theihna lai hi a awm a. Ka sawi tum chu entirnan, V/C thar neihte hi an chak ve-em em a. V/C thar neih chakna chhan hi V/C chanvo kha zuk chanve an duh vang a ni a. Khami khaw khat chanvo zu chan ve theihna anih avang khan V/C thar neih kha veng thenkhat hian an chak thin a. Development pawh alo lut tam zel a ni. Tuna thlawhbawk emaw Sub-village emaw nih ngawt chuan tu V/C emaw te hmui veleh chhawn an ni dawn a. Chuvangin kha kha an duh thin a ni. Chutiang deuh hlek chuan tunah pawh Mamit District-a kha thenkhat han sawn chiah mai hi District wise Development thilah pawh an hmasawn chakna a ni dawn em ni tih kha ka ngaihtuahnaah a awm a. Tin, chubakah a khawhna deuh deuh nichina kan han ngaihthlak tak ang khan Aizawlah chakkhai te an lam a. Kumkhuan Aizawl an kal velna leh chakkhai lamna zelah danglam tak tak a awm a ni chuang lova. Chuvang chuan an tan hian a tha ber dawn em ni tih min ngaihtuah tir a ni. Tin, heng Kolasib District lama khaw thenkhat Mualkhang leh Lungdai te a ni awm e, khuate pawh hian Aizawl District lama behthe an duh leh a, a lehlamah chuan nichina ka sawi ang khan a District thara han awm kha chanvo tam zawk an chan theihna ni pawhin ka duhsak zawk a. Tunah hian Resolution hi lo pass ta ila, thil harsa deuh hlek awm lehzel thei a awm a, hei entirnan, Election te alo awm a, MLA election te, khamiah khan R.O. pakhat hnuaiiah, kha District R.O. pakhat hnuaiiah khan awm tur kha alo ni a, ballot paper an chhunfin vek a. Vote pawh tihian an chhiar ta a. Constituency pakhat zel kha, an chhunfin a chhiar alo ni ta a. A thenkha Aizawl District-ah, Entirnan Phuldungsei constituency amite pawh hi khawhnih, khawli, khawruk khawsarih bel chu Aizawl District a han chhun chhoh kha a ngai dawn tihna alo ni a. Tin, a dang hi Mamit District a chhun kha a ngai dawn tihna alo ni a, engtinge ni ang technical tak pawhin problem a awm, kha kha

thil buaithlak deuh mai awm a ni a, helai hi kan ngaihtuah-
chian chu a tul khawp mai. Tun hmate chuan a khaw hran
hrante kha an han chhiar a, tunah chuan a constituency
kha an chawhpawlh a. Khatianga han tih kha anih tak avang
khan R.O. pahnih hnuai a han awma kha Constituency khat tan
a remchang lo viau mai. dawnin a lang, Pu Speaker, Chu-
vang chuanin. hei hi han ngaihtuah chian hian tha viauin
lang mahse han tihpuitlin chi chu a ni dawn em ni tih min
ngaihtuahir a ni.

Tin, Pu Speaker, chulolehah
chuan hei tunah hianin Reiek tepawh hi R.D. Block neitu
alo ni ta a, a hnuai ahan khanin khaw engemaw zat alo awm
ta a. Hengahte hianin BAPD hnuai ahan chanvo neih tur awm-
te pawh kha a buaithlak thei viau lawngmaw? Hei Aizawl
District laili ve ang reng tak siah khatianga han tih khar
an chanphah zawk ang, nichina ka han sawi ang deuh bawh
kha a ni a. A District ang pawhin BAPD hnuai atanga
an dawn tur ang chiente pawh thil remchang lo tak a awm
thei tih kha ngaihtuahna a awm a ni. Tichuan nakinah a
Reiek kik block atanga a khua awmdan kan R.D. Minister zah-
awm takin chiang zawkin a hnamchin kha ala rawn sawifiah
pawhin ka ring a. Chutiang kawngah pawh chuan harsatna
kha awm thei a ni dawn a, an chan viau mai zawk ang tih
ka ngaihtuahnaah a awm zawk a ni. Chuvang chuan heng khua
dahchhuah hi tunah hianin a population hrim hrim han ngaiht-
tuah hian Aizawl-ah bet ta sela, Aizawlah hian nuai thum
chuang zet kan awm tawh a ni a, nuai thum singthum sang.
kua zariat sawm pahnih kan awm a ni a, a Mamit bik kha a
tlem viau mai dawn a, District khat velem si a population
a tlem viau si khanin anang lo, inkhairuallo a awm thei
dawn tih kha a chuang a ni. Khati anih dawn rau rau chuan
Kolasib lamte nen a pumpui zawka siamthat lehte anih loh
chuan tuna abika helai ahan rawtna maia hi chu a tih chi
awm mang e, kan ti a ni. Hei a khaw pan dan zu ngaihtuah
chuanin a awm khawp mai a, a hnaivai zawkte pawh a ni
thei a.

Tin, Pu Speaker, pakhat lehah
chuan kawng pawh hi rural connectivity kan ti a. Han
laih pawhna tur Truckable road alo ni tawh a. Nakin lawk-
ah chuan tuna kawng harsatna (inkal pawh harsatna) han
sawite pawh kha a inpawh vek mai dawn a, reiloteah, khaw-
thlang lamah pawh National Highway tepawh alo awm tawh a.
Tichuan tuna khaw hrang hrang Truckable road la awm lo
tepawh kha laih chhoh mek zel a ni a. Kum tinin hma
chho tur pawh kha a ni a. Hei programme ropui tak mai
Zoram kan nei a ni a. Chuvang chuanin tunlala harsatna
taka kha reiloteah sutkian mai theihin a awm dawn tho a
ni. Nakinah chuanin Mamit leh helai pawh hi hnaite tein
a kal thei vek dawn niin a lang, kan programme hi a ro-
pui khawp mai. Chung te chu kan tarlang a ni e, ka lawm e.

PU F. MALSAWMA
MINISTER

: Pu Speaker, hei kan Resolution hi a pawimawh hle a. Phuldung-sei bialtu zahawm takina mipuite awlsam zawkna atan hetiang khuate, Bawngthah, Darlung, S. Sabual, Bawlte, Kanghmun, Lungphun, Hreichuk, Khawrihnim, West Lungdar, Reiek leh Ailawng hi Mamit District hnuai ah awm lovin, Aizawl District hnuai ah awm rawh se, tih hi hetia han ngaihtuah mai pawh hian Aizawl District-a beh an chak hi a awmin tih awm tak pawh niin a lang a. Tin, hetiang hian Lungdai te, Mualkhang te pawhin Aizawl lama beh remchang zawk tiin dil tepawh an awm ve mek bawk a.

Engpawh nise, kan ram leilung piandan te leh a tlang chhim leh hmar zawnga inkhawh anih dan te han en hian Sorkar hmasa atang tawh pawhin, a tupawh roreltu ni ila duhang thlap a thiltih a har fu mai a ni. Tin, mipui duhdan pawh an duhthlanna an han siamte pawh hetiang zawnga han ngaihtuah hian tihtheih atan pawh tha hlein a lang a.

Ngaihthlak tawh angin harsatna, a lehlama inkaihnawih thil tur a hi uluk taka he rorel khawl seng berah hian ngaihtuah a ngai ve thung a. Chu chu kan population district hrang hrangte pawh hi han en in kan ngaihthlak tawh ang khan Mamitah 62313 an awm a, Kolasib-ah 60077 an awm a, Aizawlah 339812 an awm a, Champhaiah 101388 an awm a, Serchhip -ah 55539 an awm a, Lungleiah 133155 an awm a, Lawngtlaiah 70350 an awm a, Saiha-ah 60823 an awm a. Khangte han en khan kan population hi a inthlau viau a. Khawlian sa bik Aizawl leh Lunglei te, Champha te en hian a thente phei hi chu a in thlau viau mai a. Mamit let nga vel hi Aizawl District-ah hian an awm sa tawh a. Chu chu han belhchhah leh kha chuan a tam chho leh viau mai dawn a. Tichuan Pu Speaker, han sawi zau hret tepawh hi thain a rinawm a. Tun Parliament Session hnuhnung berah khan MLA Constituency leh Parliamentary Constituency kha a number tih danglam lohva delimitation siam thar tura ni tih passed a ni a. Chu chu kan MP zahawm tak Pu Vanlalzawma pawh kha tukinah ka va be nge nghe a. Chu chu Election Commission lamah an pe ang a, Election Commission khan hmuin rawn la dawn niin a lang a. Chutianga Election Commission-in delimitation a rawn siam thar dawn phei chuan kan District ho kha District pakhat a R.O. Khan District dangah constituency ah thuneihna a nei dawn si lova. Chulawelah chuan tul leh tha kan tih tlan em em mipui leh khua lo awm tawhsa tepawh kha kan duh angin District re-organise mai hi rem theih lohna a awm tlat mai a. Chu chu a move tu pawh khan a hrechiangin amah pawn khati zawng lampanga thlir kha chuan harsatna a awm theihna kha a hriain ka ring a. Chutih rual chuan a pawimawhna lam lehlam side atanga a rawn sawi kha a dik ve tho bawk a. Mahse, technically-in tunah Sorkarin lo ti dawn ta ila, harsatna a tam thei tafu mai a. Tunah hian thil Chiang sa awm a awm a, Marpara-II te khu Lunglei District a mi

tuna Phuldungsei biala la bette hi Lunglei lama beh bawk a ngaih hmel a. Chuvangin, kan thuneihna piahlam zawkin thuneitu Election Commission ten an thuneihna atanga an rawn namthlak theih tur thilte kha kan lo kalpui thei ve tlat dawn a ni. Chutianga thil chingchivet nuai mai thil lo awmte chu enin helaiah hian la pass ta mai ila, keimah-niah hnawkna leh harsatna zawk endless problem a rawn awm ve thei dawn tlat mai a. Chung avang chuan hei hi tha ti viau mah ila harsatna kan tawk thei ve tlat mai a, chulai chu uluk deuh a kan ngaihtuah a ngai ve tlat mai a. Kan ngaihthlak tawh ang khan Reiek hi Block Headquarters kha alo ni veleh bawk a, a Block Headquarter kha Aizawl-an lo dah veleh ila Aizawl chungah khan Tlangnuam a lo awm tawh bawk a, Block- in a coverage pawh kha a perimeter kan ngaihtuah nawn alo ngai leh dawn a. Chutiang ang harsatna rawn awm thei tura kha a chingchivet kual em em mai a, heng ang han en hian Sorkar tan pawh duh hle mah ila tute pawh Sorkar mah ila thil chinfel mai theih loh harsatna lo thleng lo awm tawh leh Sorkar hmasa pawhin uluk taka heng hi an lo ngaihtuaha a harsat dan tur leh a nghawng tur hrang hrang ngaihtuah leh population basis te han ngaihtuah a thil lo ruahman tawh hi tuna han tih thut mai hi chuan harsatna rawn thleng thei tur awm tam viau dawnin a lang a. Hetia han en hian a that nmel khawpin a lang a. Mipuite pawh a dik tak chuanin kein khunglaite khu ka kal ve tawhna anih avangin a pawimawhin ka hria, an rilru tur ang leh a move tuin tul atih angte pawh hi a tawmpui awm ka ti em em mai. Khatih lai khan a lehlapang atanga a tak taka thil han tih dawn a harsatna lo awm theite han thlir khan hei hi pass chi niin a lang lova, lo pass ta pawh ni ilangin kan sawi ang khan kan thuneihna piahlam atanga thil lo kal leh atanga harsat leh buai na kan chinfel mai theih loh keini thuneihnain a huamphak loh khan min rawn tuam leh dawn niin a lang a. Chung avang chuan tunah Sorkarin hei hi duat takin nasa takin tan lak a ni a. Kawngpuite siamin mechanise-in Bulldozer te, JCB te nen kawng an lai tlut tlut mai a. Kan han hriat danah phei chuan Darlung pa phei chuanin an en thin a. Bulldozer leh JCB ten hna an han thawk kha hna pawh kan thawk hlei thei meuh love hmuhnawm kan ti lutuk a ka mung emaw ka ti rum rum thin a, mi bialte pawh a angin ka hria hetia han leih tak tlut tlut mai a hi a ti hial e an ti a. Khatiang deuh kha tunah hian kawngpui nen nasa takin an tana awlsam zawka hmun dang nena inpawh theihna tur ngaih pawimawh hmasa berah neinin Sorkar pawhin a bei tlut tlut a ni a. Chutiang karah chuan an tan pawh he lai khawharthlak leh harsatna han awm thina pawh kha rei rakloah hi chuan sutkian ani tho dawnin a lang a. Sorkar hian a ngai pawimawh tak zet zet a, a ngaihpawimawh ber no.1 zingah an awm a ni tih a hriat chian theihna chu tuna thil kalmek leh kawnglah mup mup atang hian thil chiangsa a awm a. Chung avang chuan heng Aizawl khawpui chung, District chungah awm han nihte an duhna em em rilru a kha hriatpuiin enfel hi an rilru ina a duhna leh mamawhna kha kawng dang zawnga tihhlawhtlin sak hi ni ta zawk selangin Sorkar pawhin hei hi a hria a, kan sawi tawh ang khan duh sak em em mah ila harsatna leh State

Sorkarin kan thuneihna piahlam thilte ina min rawn nang chho zel tur a awm avangin he resolution hi ui em em leh duhsak em em chung siin ka tihtheih piahlam turin a ni a nghawng turte thlirin pass chi niin ka ngailova. Chuvangin Pu Speaker, hei hi tha hle mahselangin kan House-in a pawm mai chuan tuna Sorkar dinglai mai nilovin a hnua lokal lehzel turte tan pawh harsatna a thlen theih tur tam tak thlir hian pass chi niin ka ngai lova, kan sawive a ni e.

PU P.B.ROGANGA

: Pu Speaker, tlem chu kan sawive ang e. He resolution hi kei chuan pass tha ka ti a. A rawn move chhan chu mipuite awlsam zawkna atan tih a ni a. Hei hi a dik mai a, hei ngaihtuah vang vang pawhin Bawngthah khua ni ta ila, Sorkar District Sorkar dawr lo theilo kan lo ni ta a. Aizawl paltlangin Aizawl atanga km 100 chuang Mamit zuk pan a ngai ta a. Chumi ina a bial pumpui a, mimal a nghawng theih sum leh pai sanso a ngaih tam hleih zia ngaihtuah pawhin mipuite awlsamna atan han tih hian a kengfiah em em mai a. District Headquarters te hi dawr lo theilo kan ni a, khawtlang aiawhte leh mimal harsatna chi hrang hrang kan nei a, Court thuchhia kha chhia thlengin. Chungah chuan loh theih lohvin an kal dawn a. Vawiin niah he House-a Member pawh hian han in bel chhin chiah ila Darlungpa ni ila, Mamit-a Court zuk kal turin emaw, Sorkar a thil thlen duh nei a han kal chu a let tak meuh meuhin phur a rit a ni. Chuvangin, mipuite dinhmun ngaihtuain heng thil hi House pawh hian uluk taka ngaihtuah a ngai a. District ramri te hi a awmlo pawh siam a ni a, ramri a lo awm thar a ni mai a. Thuneituten awmse an tihin alo awm a ni mai a. Chuvang chuan he resolution hi a nghawng tur khua te tana ngaihtuahin a dik tak chuan he House pawh hian kan pawmpui a awm hluah hluahin ka hria a. Beiek pa ni ila Aizawl kaltlanga Mamit zuk dawr chu a hreawm viau a ni.

Tin, ka hmaa sawitu Member ten an sawi then khat e.g. Mualkhang - Lungdai tihte chu Kolasib District-a an awm hian lehlengin Kolasib hi an dawr thei vek a ni. Aizawl atang pawhin lengin kan kal fova, office kan dawr a, kan haw leh mai a. Kawngpui tha tak, National Highway-in a paltlang vek a kal man pawh a tam lutuk lemlo. Mahse Darlung atanga Mamit tenen chuan khaikhin' rual a nilo. A harsa hlei lutuk, zan riak kherlo phei chuan kaltlangna a awmlo. Chutiang chh anih vangin mipuite chanvo han thlir hian he resolution hi a tha hlein ka hria. Tin, Election thil kan sawi te kha Pu Speaker, entirnan - vawiin niah Champhai District leh Serchhip District chu Constituency angin a inluh theih tlat mai a ni. Ram riah hian khua a in luhthelhsa tlat mai a, thil awmsa tho a ni a. Chuvangin, kan Member ten an sawi kha thil awmsa reng a ni. Thil awmsa

anah avangin helaia han tih danglam hian hmun danga mi awm-sa reng a, a buaithlakna a awm chuang reng renglo. Chuvangin chhuanlam dawrawm deuh a ni.

Tin, population chungchang thua British hunlai atangin Saiha District leh Lunglei District te Aizawl District han tih chu population a in anglo sa em em a. Chuvangin, population base hian a tlangpuiin District an then lemlo. British hun atang khan Administrative convenience zelin heng District ramri te hi an then a ni. Chuvang takin Mizo tepawh thenin kan awm kan tih hi, Chin Hills ami leh Assam hnuai Aizawl District Administrative convenience min then rawp rawp a ni a. Helaiah phei chuan chutiang kawngah chuan harsatna a awmlo population ringawtah chuan.

Tin, Development thil a harsatna a awm loh zia mai chu Aizawl District leh Mamit District leh Lunglei District ani emaw development chu a nihphungin a kal a, tun hma atangin a ratio pawh mumal takin siam ani thin a, keini hun hma daihin Lunglei leh Aizawl Chhimtuipui ratio te pawh development fund allocation thua kalphung neisa veka tih a ni a. Population an tlem chuan an chantur a tlem dawn a ni a. Kan hotuten chhuanlam an sawi kha chhuanlam tling niin ka hrelova.

Tin, Election thil pawh kha harsatna a awm theilo hian ka hre tlat a ni. Lehlamah mipuite mamawh han en hian ngaihtuahna hmang thei te chuan hengte chu a awm a lawm a tih theih lawmni. Party thil ngaihtuah lovin a tulna ngaihtuahna thil kan thlir anih chuan harsatna kan sawi kha chu chhuanlam dawrawm vek a ni.

Vawlin nia House a Member zahawm tak tak mipui tana thute hian mipui thatna tur leh awlsamnatur kan ngaihtuah anih chuan he resolution hi kan pass tur ani dawn lawmni. Chuvangin, khawngaih takin kan ngaihtuahna fim hmangin he resolution hi i pass ang u tih ka han support ve a ni e, ka lawm o.

PU C. SANGZUALA : Pu Speaker, ka lawm e. Pu J. Lalthangliana Resolution 'Mipuite awlsam zawk nan heng khuate Bawngthah, Darlung, South Sabual, Bawlte, Kanghmun, Lungphun, Hreichuk, Khawrihnim, West Lungdar, Reiek leh Ailawng te hi Mamit District hnuai a awm lovin Aizawl District hnuai dah ni rawhse' tih hi thil pawimawh tak a ni tih ka hriatpui a. Engzawng zawng pawhin sawi dawn ila, khulai leilung khu hriat chian ve tawhna tak ka nei a, engemaw chen ka lawmve angin, sawive awm takah ka ingai a ni.

Kanghmun tak pawh khu hlafu awmin ka hrena a, kei hi kal lawng lawng mi ka ni a. Heta tang a ban, khuta tanga ban chho leh mai thin kha ka ni a, heta tang hian a hla lutuk lo a ni a, he thu hi lo lut awm pawh a ni viau ve ka han tihpui phawt duh a ni. Tin, mihring inzawmna kawngah hian awm kan tihpui em em na a awm a. Mihring inzawmna kawngah pawh tun hma ata helam nga inzawm reng zawk an ni a. Leilung thuah tlangdung tlang khan hrang, luipui dan ve ve nimahse Aizawl hi an vai dawrna te alo ni a. Kha leh chen cha helamah hlir kal tura ngaihruatna alo awm tawh sa a. Kohhran ho khawmpuih Kanghmun to Lengpui -via- Aizawl anga kal a ngai thin a, hetiang a buaithlak thu hi sawi thin a ni a. Mihring hi kan inkal pawhna avang hian kan inzawm thui a ni reng a. Tin, a leilung thuah pawh hian Mamit lam ai chuan a hnai zawk deuh a, a chhim tawp, Bawngthah te, Darlungte tan phei chuan Aizawl hi a hnai zawk ngial ngei ang. Tunah hian Mamit District nih hi an zir tan chiah a ni a. Hengte ngaihtuah hi chuan he rawt-na hi rawt awm reng niin a lang a ni. Hetiang a an sawi thin, bialtun tihawm taka an ngaih, a rawn tihsak a ni a. Amaherawh chu Resolution beitu dinhmun awm kan ngaihtuah hian, hei hi tha fu mahse, resolution tur a ni ang em? Ama Constituency, Phuldungsei Constituency haithen zawngin thil a rawn ti a ni a, hei hi thiltihawm tak a ni em? tih chu min ngaihtuahtir mai mai a.

Chutiang chuan kei pawhin awm tihpuina kan nei thluah a. Amaherawh chu, kan Sorkar te thil lo tih tawh thin hi, alo fingfu a, alo thafu a, teh-na criteria hrang hrang hmanga teh a ti an ni tih hi sawi-chian hian a ngaihtuah theih a. Khawthlang lam, hemi area hi ka ngampatna leh ka hnenah pawh lokal vefo an ni a.

Amaherawhcu, Sorkar lam leh heng thil ruahmantu ten District then chungchang an lo ruahman dan han ngaihtuah chuan tuma then dan hi pawmawm taka ngaih-na ka nei a. Tin, remchan zawkna pawh awmin ka hria a.

A hmasa berah chuan technical lam thil kha a ni a, tunah khan Ngopa bialtu khan an sawi nual a. Tin, kan Parliamentary Affairs Minister pawh khan an sawi tawh a. Aizawl North-I bialtu khan a sawi tawh bawk a. Hemi MLA Constituency Administrative thil atanga thlir khan District danga helai khuate behtir hi technical lama remchan lohna awm anga sawi kha han ngaihtuah chian deuh chu ngaiin ka hria a. Helai House-ah fan budam te keu lemlo a a tih theih a ni tia han tih nghal thawt thawt tur chu a ni lo awm mang e, engemaw remchan lohna tak a awm anih min rintir a. Tin, kawng dang lehah chuan mihring tam dan te, khaw tam dan te, area zauh dan te pawh an thlir vek niin a lang a. Chung han ngaihtuah chuan Mamit District khu kan awmtir zel dawn anih si chuan khu aia han then tet leh khu a remchang

lo viau ang. Inbuk tawk thawkhat a an lo then niin a lang a. Tin, a leilung thua pawh Mamit atanga Bawngthah thlang khuan, tlangdung pakhat ang deuh mai, luite pakhat Dial-dawk leh Tut in a daidang chauh a. Tlang khan khat kha khulamah an bet vek a ni. Kawng an siam zawh hunah pheih chuan helam nen ai chuan a inpawhna a awlsam hle dawn a ni. Tin, heng hi chu engpawh lo nisela, he thil hi vawihinah lo aw ta puat ila zulin a zui ang tih ka hlau khawp mai. Tuivawl chhaklam khi Champhai District in a huam a. Letling an ti ve hlein ka ring a ni. Mualkhang te pawh kan han sawi kha, Kolasib District-ah a awm chu letling an ti a. Tichuan, Kawlkulh te, Dulte tepawhin letling an ti ang a. Khati khan zul a zuitu tur buathlak, nakina chinfel sen loh hi a nghawrchhuak ang tih a hlauh awm viauin ka hria. Mipui han tihphur nan chuan thil sawi a tha a ni thei e, amaherawh chu, fimkhur taka ngaihtuah chi, rorelna a sawi luai luai chi pawh a ni awm lo mang e tiin min ngaihtuah tir a. Tin, a hnai lam lam han tih kawngah ngawt hi chuan keipawhin a hnai tih ka hriat avangin awm tihpui na tak ka nei a, awm ti zingah ka tel tho va. Amaherawhchu a hnai lam lam tih hi chhuanlam tha, chhan tha a tling vak lova, a hnai lam lam kan tih chuan Reng ram khua Bangla-ah kan bet dawn an ti mai ang. Chutiang deuh hlek chuan keini pawh hian India khawpui laili te ai chuan Myanmar kan hnaih zawk daih mai a, Myanmar (Burma) ah kan tel mai ang. Chutiang zel chuan Vaitengte te khuan kan Cachar district dawn an ti ang a, khatiang zel kha a ni ve thei a. A hnai lam lam kan tih ringawt kha chu chhan tha tak pawh niin ka hre lova. Tuna a awm ang hian han kalpui phawt ila, ngaihtuah leh theih pawh a ni a. Tin, technical thil te pawh alo awm bawk a. Fim deuh hleka ngaihtuah chi a ni a. Tih tawh loh kum khua tur tihna pawh a ni lova. Tin, mipui pawhin awm renga ngaih hun a neihve mai hi ka beisei a. Nakin lawkah mipui an inpawh tak tak hunah chuan nuam tihzawk hun an la nei ka ring a. Dik takin Mizoram-ah khawthlang lampang khu kan leilung thatna a ni a. Economic thilah pawh beiseiawm zawk an ni. Vairam nena indawrna pawh khulalah khuan a awlsam em em a. Chung thil han ngaihtuah chuan Aizawl khawpui khawro tak lama tel ai hian, khulam khawpui thang mek, duh thusama than tir tura duan theih lama tel hi an thatpui zawk ka ring. Nuam tih zawk hunte pawh an la nei lovang maw? Aizawl lamah chuan 've' chauh nih theih a ni a, khutah chuan 'ber pawl' an nih theih hunte pawh ala awm ang, ti te pawhin duh sak takin ka ngaihtuah a, fuh an tih zawk hun tepawh ala awm thei ngei ang tih ka beisei sak a ni. Tin, ka lo thlir ran a, huatthu a chang lovang a. Resolution neituin tihsual a rawn hmuh hun kha a tlaive angreng hle a. Hei hi printing mistake mai pawh nisela, Assembly Secretariat tihsual pawh lo nisela, he resolution an chhutchhuahna kha a rei hle tawh a. Hrilhfiahna nena lo lut mai awmah kei chu ka ngai a. Resolution neitu hian a interest tak taklo a ang hle a. Tin, Opposition Member te pawhin an phurpui lo hle mai hi engatinge ni te ka ti a. A member puite hnenah a sawilo em ni? Chu chu ka rilruah chuan a awm a. Ngopa bialtu zahawm tak khan tlem kan sawive ang e a ti chauh mai a. Ban takin a ni lehngal a.

An phur khawtlai dawn em ni zawk ? Pu Speaker, tichuan a chhan hi mipuite awlsam zawkna atan tih a ni a. Kawng thuah Rural connectivity hian a tiawlsam hle dawn a. Tin, mihring inzawn tawna pawh kan tawng tain hawlo sela. Mipuite awlsam zawkna hi khulamah khuan a awm zawkin ka ring a. Kawng pui tha tak pawhin khulamah khuan a thlunzawm tha hle dawn a. Helamah chuan kawng phuahchawp ala kal rih a ni. Dik chiah chuan kan kawng siante hi chutiang chu ala ni a. Khutah chuan Tutah lei tha a awm tawh a. Hetah chuan Tlawngah lei tha a la awm velo. Kawng pawh laih mek a ni. Khumi Rawpuichhip atanga kawng lokal khu tha deuh mai a ni a. Mipuite awlsam zawkna han tihte hi kawng thute a ni ang a. Mihring indawr tawn thuah te pawh a ni ang a. Tin, nakina sumdawnna kal zel atante pawh a ni ang. Hengte pawh hi khu lamah khuan a awlsam zawk lawngmaw ka ti a ni. Pu Speaker, chuvangin, tun rup rupah a tha love tia hnawl thut lovin la ngaihtuah leh atan emaw hunin ala hril chhawm chhuah atan emaw tiin dah rih mai ila a tha law maw tih kan dinpui ve a ni. Pu Speaker, ka lawm e.

PU K. THANGZUALLA
MINISTER

: Pu Speaker, tawite kan sawi ve ang e, Ka sawi duh hmasak chu a rawn moved tu khan tu tan mah hlahna awm lo tih kha sawiin

ka hria a. Amaherawh chu a khua han rawt zingah khan Reiek leh Ailawng hi Mamit Constituency chung ami niin alang a. Hei a bial neitu Brig.T.Sailo a awmlo nghe nghe a, vawinah hian. Ama bialchhunga khaw pahnih Reiek leh Ailawng amah nena inrawna pawh awm lemlova lakchhuaha Aizawl District-a bet tura han rawt sak mai kha a remti ang-em aw ? tih kha min ngaihtuah tir a. Chuvang chuanin bial dang daih ami a neitu pawh telve lova sawn daih tura han rawt mai kha thil tih chi a ni em aw tih ka ngaihtuah a. Tin, a Map han en hian in, kang khaw sawm pakhat vel a han rawt zingah khanin, a bul hnaiah khan khaw dangte pawh han telh ve awm tak kha a awm a. Amaherawh chu kang kha telh leh si loh khan a then kha a han select a. Kha pawh kha a ti rau rau anih chuan, kha ti lai area ami tih kim vek lo lo awm tak a ni tih tepawh ngaihtuahnaah a awm a. Tin, hetiang rawtna alo luh dawn hian, Phuldungsei constituency chung a mi kha, area thenkhat kha rawn select-in leh khaw thenkhat rawn selectin, awlsamna a awm zawk a nge tih khanin a chhanah khan rawn sawiin Aizawl District a telh tur khan a rawn rawt a. Awlsam zawk dawna a hriat rau rau chuan a bial pumpui kha, rawt law law awm. Bial thenkhat chauh han tih kha, a bialchung mipuite pawh an lawm kim ang em aw tih tepawh kha ngaihtuah theihin ka hria a. Khatilai bialte kha awlsam bik turin a duhin a han thlang bik a. Aizawl District abet tur khan a han duhsak bik a ni. Lo hlawhtling tak tak ta sela, abial area a telh ve loh te kha an vui thei angem tih tepawh kha a ngaihtuah theih viauin ka hria. Heng mipuite rawnin, mipuite remtihna a bialchung mipuite an hlimtlang ang em? an lungruat ang em ? tih te pawh kha a move-naah a sawi tello niin ka hria a. Khangte pawh kha thil ngaihtuah tul tak niin ka hria.

Tin, a dawt lehah chuan District Jurisdiction then hrim hrim mai hi keini hetilaia bial aiawh te, Administration lamah emaw, Law & Order thilah emaw leh Planning chungchang thu Deve lop thlengin expert tak tak te an awm lain kan vaim kan expert kuta dah. Sasak zet a, En irnan, Security thilah leh Law & Order chungchang thuah mithiam Police lampang te telvena chi, tin, Development thilah tepawh Planning lampanga expert te, telna chi. Tin, Administration thilah te leh Administrative convenience-ah tepawh administration lama kan mithiam Officer fel tak tak kan neihte pah involve a, kawng kin taka ngaihtuah ngai niin ka hria a. District area han then hrim hrim a hi District area han then hrim hrim hi tilai-ah vawin resolution alo lut a, keinin a hmanhmawh taka nikhat thil thu a han lehan mai chi niin ka hrelo hrim hrim mai a. Heng kan expert thiam tak tak Law & Order thilah tepawh a convenience (kher em tih thuah khan) expert Police lampangte pawh rawn a tha lawm ni. Chutiang thlengin administration thlengin khatiing ang expert rawn hmasa lova heti laia nikhat thil thu leka lo lehan theih mai niin ka hrelo reng reng mai a. Chuvang chuanin hengte hi a tula kan ti chuh dawn anih chuan vawin-ah hian hmanhmawh taka pass mai lova, mithiam kutah dah phawt a, khuti lai area kher lo pawh khatiing zawng khan ngaihtuah ngai tur tam tak awmin ka ring a. Chuvang chuanin vawin niah hianin hmanhmawh taka mithiamte ngaihdan pawh la hmasa lova, heti laia keinin kan lo pass mai hi kan tifuh lo hlein ka ring a. Tin, a lehlahmah Aizawl District hrim hrim hi ngaihtuah leh ila, Aizawl District hrim hrim hi a heavy em em sa ringawt a. Tunah hian burden dang bial dang han rinluh belh atan hian Aizawl District authority tepawh hian an zo reng em? kan zo ang tiin ngaihdan a. siam thei reng em? tih te pawh hi hriat tul hlein ka hria a. Tunah hian Aizawl District hi a heavy em em a, Officer pawh hi an indaihlo viauin ka hria a. Chuvang chuanin Capital thuthmun alo ni leh nghal nen, an hnenah phurrit dang pe leh tura an mahni lampang mithiam tepawh rawn hmasa lova, phurrit han bel ngawt mai hi vawinah hian kan pass tur em ni ang tih pawh min ngaihtuah tir a. Chuvang chuanin chutiing kawng hrang hrang a han ngaihtuah chuanin, vawin niah hian pass lovin uluk zawkin mithiam kutah dah zawka chungho in an la rawn ngaihtuah a, proper channel te a helai lo thlen tul pawh a, Assembly lo thlen hunah la sawi hauh niin ka hria a. Chuvang chuan vawinah hianin hmanhmawh takin ngaihtuah loin pass loh hi tha ka tiin ka rawn rawt a ni. Ka lawm e.

PU K.SANGTHUAMA
MINISTER

Pu Speaker, vawina kan Resolution hi kan vuaicha ang reng hle mai a, a sawi ang tho lo deuh nge ni, veilama thute

khan Pu Speaker, an support vaklo nge ni ka hrelova, han sawi deuh hap hap sela tichuanin vote han lak pawh a nuamin a phurawm deuh hlek turah te kan ngai a. Hei heng khua Bawngthah, Darlung, S.Sabual, Bawite, Kanghmun,

Lungphun, Hreichuk, Khawrihnm, W.Lungdar, Reiek leh Ailawng. Hemi khaw 11 tena Mamit District atanga Aizawl District a beh an duh thute House zahawm tak mai a, Resolution bialtu zahawm takina a rawn putluh hi a zahawm hlein ka hria a. Vawiinah hian thil ngaihtuah tur tam tak a awm a, thatna lam leh thil lohna inhniah tur pawh a awm-in a rinawm a. Aizawl District-ah bet ta se, a hnemhnan-na tur leh a that zawkna tur thil tam tak sawi tur a awmin ka hria a. Keipawn sawi tur tam tak ka nei ang a. Tin, kan sawi vek sorg lovang a vawiin hian.

Tin, a that zawk lohna pawh sawi dawn ta ila, sawi tur tam tak a awm ang a. A hmasa ber atan chuan kan Sorkar hmasa tena District an lo ruahmannaah hian fel takin ngaihtuahna thui tak hmangin uluk takin District chhung leh a area te ruahmanna siamin lan mithiam ten thui tak, kan Sorkar hmasaten ngaihtuahin hetiang ang hian vawiin niah nian awm ta ila a tha ang e tiin Sorkar hmasa khan alo ruahman tawh a. Hei hi a zahawm hlein ka hria a. Rorelna kiah reng rangte, hemi Rom rorelna kiah chuhlo pawh, kan rorelna kiah chauh lo pawh, kan rorelna kiah reng reng hian rorel hmasa tuten an lo rorel tawh hi a thalo hul hual emaw tihdanglam ngawih ngawih ngai ang chi te anih loh hi chuan inzah sak tepawh hi a tha hlein ka hria a. Hei vawiin niah pawh hian a resolution hi a zahawm hlenain kan Sorkar hmasa tena khulai area atana awm awma Mamit District chhunga awm thei awm leh a area pawh harsa lutuk lova, kal theinna awma an lo ruahmanna hi vawiin niah hian a zahawm hlein ka hria a. Chuvangin Sorkar hmasa lo rerei tawhte leh District chhunga awm tur anga khuate an lo ruahman tawha hi vawiin niah zah sak hram hram pawh a tha in ka ring a. Amaherawh chu thil thalo zawk anih chuan tihdanglama hi thil theih tho phei chu a ni a. Roreltuten tha zawk nia an ngai a, henga hi awm zawk anih chuan tihtheih loh bur phei chu a ni lova. Mahse, a tlangpui a thil an chhut leh han ngaihtuahin vawiin nia Mamit District a awmte hi a map han en pawh hian a awm viau a. Tuna mi han sawi helai mapa an ziah hi a dik tawklo nge, Map kan han en a, helai pawh hian MLA zahawm tak Phuldungsei bialtuin a rawn suggest khaw 11 bakah pawh hian khaw hnih khat emaw hi chu la tel tur awmah hian a lang viau lehngal a, a Map hi a diklo ngeni? A khaw hming hi an ziak diklo chu ka chian chiah lova. Vawiin nia area hrim hrim leh a ruahmanna hmasa lo kal hrim hrim hi a that tawk lohna ka hrelo a, a awm viau a hriatna ka nei a ni.

Pakhat leha chuan mahni District hi kan bial chu khawthl ng lam ani. Kawrthah bial kan ni a. A District han ngaihtuah hian District lian kan ni lova. Mihring pawh kan tamlo ang reng hle a, khawthlang lampang hi. Mamit District-ah hian 62313 kan awm a. District-ah chuan a te ber kan ni bik lova, keini aia te District pathum lai an awm nghe nghe a. Aizawl District hi a lian hle mai a, 339812 kan awm a, hei hi vawiinah la

then leh ta ila, area hrim hrim alo te bawk ang a, a hring kha engemaw zatin khawthlang Mamit District khu kan tlem pah dawn ta a ni. District liar nih pawh a chakawm hle a, District te takte a han in tihsiak nikhuaah te, thil dang danga engemaw han sawi kha n niah pawh District te tak te a han awm hi chu a zamawm thei rum rum a. Chuvangin Aizawl District-a han behtir hi chu a fel awmlo mang-e, a bialtu zahawm tak pawh khan ngun takin ngaihtuah Chiang sela, a ma Constit enc; bik District hrana danbehtir hrim hrim pawh kha thil fel ber a ni emaw tih kha ngaihtuah ngun leh zawk t se a resolution neituin, tih kha kan sawi duh bawk a.

Tin, a hrim hrimin Aizawl District hi kan lian deuh a, mihring nuai thum chuang zet kan awm a ni a. Keima mimal han ngaihtuah danah phei chuan District hrana han phel leh tham zet kan ngai a. Hei khawchhak lamah phei chuan kan la thawl ang reng a. Hemi Saitual atanga Darlawn tlangdung khimi chho helai vel hi District hran daih la ni hial zawkin kan ngai a. Chuvangin Saitual angte pawh kh. District khawpui atana hmun rem tak mai, Mizoramah chuan hmun rem ber, ruah a sur pawha khua a chon tlut tlut pawh a min hlauhawm velo ram rem, ram tha khawpui atana buatsaih pawh tling a ni a, Saitual khi. District pawh kan han beisei ve a, amaherawh chu, a aia remchang zawk dang leh tha kan hotu ten a hmasa an lo tih tawh avangin kan chang velova. Khingte pawh khi District hrana han siam a, Aizawl District hi han lak hran leh pawh hi a mihring han chhut phei chuan a awm viau zawk nghe nghe a. Chutih nak laia khawthlang District mihring tam vaklo Mamit District han lak hran leh hi chu a Mamit khawpui te, tin, keini lamte Zawlrung lam thlang pawh khian mipui ngaihdan la dawn ta ila an ni ve hlein ka ring a. Chumi kawngah pawh chuan vawiin a kan Resolution hi a zahawm hle rual hian a in rual khai dan deuh mihring cheng tam dan deuh te ngaihtuah a, kan rorel tu hmasa ten ngun taka an lo ngaihtuahna hi vawiin niah hian han pass ringawt mai hi chu a rember lo ah kei kan ngai deuh hlek a.

Tin, pakhat lehah chuan Constituency khat si han in thlan pawha a hran daih mai a vote neih te, District hmunkhat a mi si vote a hran daih mai ahan awm hi chu a rem vaklo a hriatna kan nei a. Hei ent-rnan, hemi Phuldungsei Constituency-ah pawh hian Lunglei District lama mi Aizawl District ah vote nei daih maia kan han siam hi chu a rang thei ang bera a ti thei tu chuan tihdanglam vat thain ka hre nghe nghe a, hei hi inthlan lehah chuan anihna ang taka kal thei tura ngaihtuah vat turin vawiin nian hian kan ngen nghel duh a. Chuti anih loh chuan han inkalthelh seng mai ang te hi a thalo em em mai a. Chuvangin, a rualkhai deuh anga ngaihtuah thiam hi kan tih tur pawh niin a lang a. Hei vawiin niah hian kan Resolution neitu bialtu MLA zahawm takin a rawn tih ang phei hi chuan ti ta ila khaw sawm leh pakhat h. Aizawl District-ah kan in lalut ang a.

Inthlan nikhuaah pawh a inkalthelh sung mai ang e. Han chhiar chungchangah pawh khn Returning Officer te khan a Constituency wise khan an han enkaw leh bawk dawn si a. Hengah pawh hian harsatnate thleng thei mai dawnir a lang a. Chuvangin, hemi kawng khat ringawt atang pawh hian vawiina kan Resolution hi chu a thatna tam tak awm mahse, a zavaia han support hi chu a hovin ka hria a. Kan rilrua awm ber tura ka duh chu District kan han siamte pawh hian in lenhleih lutuk lo, a rualkhai deuh fahrah lutuklo deuha District tepawh hi awm ta se a the lawm ni tih hi hetilaia kan roreltu zanawm tak tak thukhawmte hi chuan ngaihtuahna hmangeta ila a fuh ber mai awm. mange aw kan ti a. Nichina kan sawi ang khan District tetaktea han awm chu kan han inkhel a, tante alo na ve thir bawk si a. Lian zawkte kan han hneh lova. Tunlai thangthar pheih chuan Football te kan uar a. Hetah ringawt pawh hian patling kan inseh lo chauh a ni mai a. Hetiang kawng han ngaihtuah pawh hian te taktea han awm a, District tea Constituency han nei pheih chu a MLA han nih pawh tan a na duh hle mai a. Aizawl District te alo lian si a. Tan a na duh hle a ni. Mahsi chhia leh tha hriat naa ngaihtuahna han hman pawh hian a ta lam hi chuan siam lo ila. Mawni District-ah hian hman dang dang hi la lut ila tih hi kei ka lo ngaihtuahnaa awm lai hian kan MLazanawm tak tena Aizawl lama kan inseng chho chu engemaw chenah chuan hamthatna tam tak chu a awm ang. Aizawl District a awmte chu a chakawm ang. Khuti-laia Pu Sanghmingthanga bial Lungdai tepawh hian an duh a. Hetiang lampawh hian bialta hi ngaihtuahna siamtir ta lo ila. District lian zawk leh zahawm zawk mihring tam zawk inelna leh thil engkim Development lam pawh inelnaa hma kan sawn theihna zawk turin District lian ami zawk hi Mamit District-ah hian lak then tumin tan la zawk ila, ti-chuan masawna tam tak keimahniah hian kan District theuh-ah hian awm thei turah ngai ta ila, a the awm e. Awle, Pu Speaker, sawi tur tam tak awm mahsele, hun a tawp ta tlat mai a. Chuvangin, ka lo duhtawk mai ang a, ka lawm e.

S P E A K E R

: Awle, kan chawl rih ang a.
Dar 2:00-ah kan lut leh dawn
ni a. Meeting Adjourned at
1:00 P.M.

2:00 P.M.

DEPUTY SPEAKER : Session kan chhonzawm zel anga, sawi lah dang kan la awm em ? Pu H.Rammawi.

PU H.RAMMAWI : Kan sawi hmasa ange, Pu Deputy Speaker, Kan Resolution hi Resolution dang-dai deuh mai a ni a hei hi.

A neitupa tan pheh hi chuan tihawm taka lang tih loh awm taka tha ni bawh te pawh hian a lang a. Vawinnia kan sawiho hi a lehlahah chuan sawiho awm tak a nihna lai pawh hi awmin ka hria a. A chhan chu, Mamit District hnuai atanga Aizawl District hnuai khaw thenkhat dah tunna a nih avang hianin engemaw ti zawng taka ngaih chuan a awm viaw lawm ni tihna lai hi awmin ka hria a. Amaherawhchu, engemawti zawnga ng ihthlak chuan a lang- len thlak lam pawh ni lem lovin, phuldungsei bial leh Mamit District hnuai phuldungsei M.L.A. bial chhung awm dana hi engemawti zawnga ngaih tuah chuan India ramte pawhin a ang lek lek ka hria. India ram hi hnam hrang hrang, tawng hrang hrang awkhawm kan ni a. Chutiang deuh chuan pu Deputy Speaker, a bial neitupa hian min lo hrethiam sela, phuldungsei bial han tih leh Kangmun tlangdung han tih pawh hi engemawti zawnga ngaih tuah chuanin a lunglen thlak ve hrim hrim hian ka hria. He Resolution hian a thua hian tha viaw mahsela MLA bial, bial dang ang nilo, tunhma District thar kan neih hma M.L.A. bial dang ang ni lovin, heni M.L.A. bialah hian District Administration-te, Geographical contiguity-te, consideration pek tur tih a nih lain phuldungsei bial Marpara South kan tih te saw lunglei District daih kha phuldungsei MLA bialah kha a bet ve hrim hrim a, bial danglam tak chu a hi ve hrim hrim a.

Chu mai ni lovin, hei tuna rawtnaah hi chuanin Mamit MLA bialte hi Administration harsa deuh hlekin, entirnan, MLA bial kan tihna chhan hi Block-ah hian MLA-te Sorkarin pawimawhna min pe a, tiang chuan District Administration-ah hian kan tel a ngaihna chin hi a awm a. Tah kha Mamit District Council, nuaia sawn hi chuanin entirnan, Reiek tlangdungte hi chu MLA bialah hi chuan Mamit bialte an lo ni ta a. Lengpuite thlang hian Rawpuichhip te, mahse, tuna an rawtna ang hi chuanin Mamit MLA bial kha administration pakhat hnuai a awm lovin, administration dangah awm sela, tihna kha a kawh ruh mai a.

Tin, chubakah heni Reiek B.D.O. bial hi a then a hi Mamit District-ah awm sela, a thena hi Aizawl bialah awm sela, tihna kha a kawh leh bawh a, a hmaa compact-a awm kha BDO bial pawh kha then leh kha a kawh leh dawn niin a lang a.

Chawhna lama Member zahawm takte sawi ang Khan M.L.A. bialte pawh hi thil thar a awm ngei pawh a rinawm a. Khatiang a nih kha chuanin a buathlak viau dawn niin a lang a. public convenience tih hian a eng hi nge ni convenience tih kha ngaihtuah a ngai a, nin "ka duh e" an tih vanga kan kalpui ze' lawm a nih chuan Zawlnuam bialte pawh khatianin Mamita lokal ai chuan Kolasib-a lokal hi an tan a hwsam zawk mai thei a, helaliah pu Deputy Speaker, i bialte pa a hian ila, Sakawrdai te pawh Kolasib atangin a hnai daih zawk a, mahse, kalkawng inpawh dante pawh hriat a rai a. Aizawl District-a a awm hian administration-ah a awl zawk. Chuvang chuan tuna a awm ang hi a rem viau zawk a ni.

Chutiang deuh chuan Bial neitute tan chuan pu Deputy Speaker, ka ngaihdan chuan heng inkalpawhna thalote hi chu engangin nge in kalpawhna tha zawk kan neih ang, inkalpawhna atana proposal tha zawk sawilo vat vat ila, kan phur tlang berah ka ngai a. A Resolution zik ang ngau ngau nilo hian, a consequence-te, reaction-te hi ngaihtuah ta ila, a khawlh ve hrim hrim a. Chuvang te pawh ni ang Resolution sawihoah nidang pawh kan ang lova, kan reh thap mai a, thutna lehlam lehlan a ruak tam bawk, kan phurlo tlang a ni ang. A mover pawh a mal phur deuh ni pawh hian ka hria. Khavilaliah emaw problem a awm chuan mipui aiawtu kan nihna angit kan project-a kha chu kan tih tur a ni ve a, kawng tha dap kha chu kan tihpui tur a nih lain, thil reng reng Sorkarin kut a thlak pawh hian thil tha pawh thalo pawh a engzawng pa lin reaction a nei ve hrim hrim a. A reaction lai a kha en ta ila. Hetiang a kan kalpui chuan Reiek BDO bial chu khirkhan deuhin kan siam dawn a ni.

Chutiangin Mamit District Council administration hnuuia a then awm, a then awmlotur anga dah chuan District Administration kha a khawih buai leh dawn a. Khatiang kha kan ni a. Chu ai chuan Marpara Sou th hi phuldungsei MLA bialah a bet thin a, Election Commission ten guidelin, an siam angin Marpara Sou th pheii hi chu buarpui bialah bet rawh se, han tihte hi awm viauin ka hria. Mahse, kan la kuah tot bawk si a, Lunglei District ami kha. Tunhmain Mizoramah tuna District thar a pian hma hi chuan khatiang kha District dangah chuan kan nei lova, District cross-in bial kan nei lova. phuldungsei bialah rawh hi chuan kan nei tlat mai a. Khati chung a lehlam Lunglei District ami pawh kan la kuah laia hetilai ami helamah awm sela tih kha Sorkar hian ti tak tak ta sela problem dang awm leh tur kha engtinge maw ni ang le tih kan ngaihtuah thlen a tul a ni. Chuvangin, pu Deputy Speaker, Sorkar hmasa pawh kha hei hi ngun deuhin an ngaihtuah a, a reaction turte nen, engan in nge ramri thliah rem ang iin, uluk leh ngun taka an ngaihtuah hnuah tiang hian decision an siam a. Tlawng thlanglam han tih hian a rem em em a, khuavang ramri kham sa a awm a. Tuna a kalphung hi pu Deputy Speaker, a rem lohna reng reng kei chuan ka hrelo..

Tih tur zawk erawh chu mahni District chhunga inkalpawh-na remio hi inkalpawhna tha zawk kan nein theihna turin kawng tha ti zawk angu tiin kan kalpui turah ka ngai a. Chutiang nilo a khatiayang zawnga kal kan tih chuan EDO tan te, V/C tan te, MLA tan berte hian a buaithlak ang. District hrang hrangah Committee eng engah emaw hian tel a ngai thin a, mahni bial chhung th l District hrang hrangin a cover hi chu n a buaithlak lutuk ta thin a. Chuvangin District Council pakhat hnuaiyah EDO pakhat hnuaiyah fel thlara a awm hian public tan pawh a lo tha ber zawk a ni. Tiang zawng chuan District ramri pawh hi Sorkarin ngun taka ngaihtuah a an tih a nih avangin tuna kalphung hi a tha mai lawm ni tih kha pu Deputy Speaker, kan sawi ve dah a ni.

Ka lawm e.

PU K.L.LIANCHIA : Pu Deputy Speaker ka lawm e. Min phuroui lo te an ti dawn dawn thin a, phurna chiah pawh ka ngailo a.

A bialtupa in a bial mipui leh V/C te duhdan a rawn thlen tawh a, 'Aw' tih mai turah ka ngai a, sawi ngailo ah kan ngai ania. Han chip in han chip leh tak si ah leh a pahnihna, a dawtah khan tunlai kan ram mipui tam takin an vei Sawhthing Loan ngaihdam chungchanga awm a, khangte kha kan sawi hman theih nan sawi lovin pass mai ila, heng hi sawi ila kan ti a, kan han nghak leh a. Kan nghak chhuak dawnlo tih kan hre tawh a. Chaklo pawhin in sawi alga, be hun hi in hmangral dawn tih kan hriat tawh avang khan kan sawi ve ta chauh dawn a ni tih a kha kan sawi chiang duh a.

Tin, nichinah a rawn move tuin helaia khua a rawn sawi den denah hian Bungmun an ti daih mai a, Lungphun tihte kha an ziak a kha a dik a ni tih an verify tawh hnu pawha thiamloh chantir la tum talhna te kha a dik kat lo reng reng a. A chhan chu a thehluttu hian tidiklo ni ta sela chu engpawh a ni, chumi anih pawha a tan chhuay a thiam loh chantir tumna innembah hrim hrim a kha a ngaimawh awm mange kati. Tih tak takah chuan Lungphun tihte hi chu kan hre chiang em em a, an MLA duhawm tak Pu R.Zadinga, MNE ten an thahna khua kha a ni a, a sentimental a em a ni, keini tan pheichuan, khang ber kherte Bungmun tia an thlakte kha a lawmawm loh em em a. Chuvang chuan, heng hi uluk zawka kan tih a tha e, a ti a, amah pawhin typing mistake a ni e an ti a, tawp mai tura pawh kha tihdik leh tum khan in han tikual kawi vel a kha khan eng eng emaw a siamchhuak mai mai a ni. A bialtupain typing mistake hi a awm ve thei a ni, a ti mai a kha dik tih mi tur a ni a. Tin, a dawta kan sawi duh chu, Democracy ram kan ni a, mi ui duh dan hi a pawimawh ber a, mipui duh dan anga kal a, mipui duh dan tihhlawhtlin hi democracy tum a ni a. Abraham Lincoln-a hrihfhiahnaah pawh khan a ni chiah mai a. Chuvang chuan, helai khaw ho hi a remlo a ni tih kan pawm vek si a, tichuan, an duhdan anih liau liau hnuah an MLA pawhin khulam chu Mamitah pawh a la rem a,

helai ami a rem lova a tih tawh bawk a, an MLA leh mipuite duhdan anih chuan awle lo tih ve mai awah kan ngai a. Chuvangin ka support em em a ni. Tin, nichina an sawi tak ang Khan administration a buai ang kan ti a, Lengpui te pawh Mamit constituency anni a, Mamit District a ni a, a remchan lohna a awm e ka ti a, Aizawl District-ah kan dahlat mai a, Mamit District a la ni reng a, chumi a buai dawn lon chuan engahnge khulai bial chu buai bik tura kan jaih tlat. Mara-II pawh Lunglei District a ni a, Phuldungsei Constituency-ah a awm reng a, eng buaina te vak kha nge kan tawh chuan, chu pawh a theih a, an ni bialina helam hi kan chauahka ngang a ni e an rawn tih a, an duh ve avanga remchang ta lo bik tura zuk ngaihna kha a eng hmanrua nge ni ta. Chuvang chuan randanga a theih chuan tah pawh a theih ve a ni, a theih ve avangin mipui duh dan chuan ti mai ila tih a kha pu Deputy Speaker kan tanchhan leh khani ka support-na chhan point-a pawh kha a ni a. Ngaihndan hi a inang lova, tumah indem theih a ni chuang lova. Tin, kan tih hi a awm ta lova, Serchhip bialtu Minister zahawm tak pawh khan, mithiam kuta dah a, mithiamte han tihtir zet a ti a. politics- chuan kei ka lo ngaih ve dan leh ka lo khelh ve dan chuan ram tana tha, mipui tana tha politician-in kan sawi anga, tha kan tihndan kan sawi anga, kan mithiam ten kha kha an hmer rem tur a ni a. politician duhdan mumai tak siamrem thei a chiah kha mithiam a chu a ni zawk a ni. A mithiam a te tihndan kan zawm zel dawn anih chuan keini ho helaia thut engnge ngai chuang. President Rule-ah awm ila, Governor Rule-an emaw awm ila a ni mai alawm, tiang kha a ni. Hma kan hruai anga, kan hmahruai dan ang chu, kan duhdan a chu mithiam ho hian min tihhlawh-tlin sak zawk tur a ni, a khel dan a kha a linglet zawk-in ka hruai, amah mithiam tak meuh meuh anih avang khan mithiam lam kha sawivawngah ngai ta ila, ka hrethiam thova.

ahse, kan politics ka thlirna ah chuan kei chu a inang vak lova. Tin, Kawr-thah bialtupaina mihring tam deuk hi Sport-ah te pawh hianin kan inel a, chuti knati a ti a, mihring tam rik ngawt hi Sport-ah pawh theihna a ni chuang lem lo. Korea-te pawh khian India hi min sawp hrep mai a ni. kan te hlei em. Chuvang chuan a mihring e zir leh training-na azir mai mai hi a ni a. Helaia Hreichuk lai bawr vel Mamit a va tel avanga chak hluai tur pawh a ni chuang lo. A Mamit Block kha an inbuatsaih that a, an tihtat a kha an chakna mai a ni a. Chuvang chuan khatiang zawnga zuk teh a, kan mipuite an duhna chakna ngawih ngawih awm reng a, awm tir lohna khawp atanah chuan kha pawh kha kei chuan point tlingah ka ngai hauh lo a ni.

Tin, kan Sangau bialtu zah-awm tak pawh khan a rawn sawi a kha dik angreng tak tak mahsela, ni chuang silo a tam ma' a. District pakhatah, chumi District chhungah, Block pakhat hnuaiah te an ti a.

Ka bi lte khi khaw 4 chu Lungdar Block hnuaiiah Serchhip hnuaiiah min dah a, a dang khaw 7 chu Champhai bialah Khawzawl Block hnuaiiah min kaithen daih mai a, hengte hi min sawirem sela tha ka ta a. Ka sawi ka sawi a, ka chiau ka chiau a, engmah a sawt lem hlei lova. Khangce pawh kha entirnan, Lungpho bialtu zaha tak, Lungpho bialte pawh khi a then Champhai District-ah an beh tir a, Block thuan chuan. A then chu Serchhipah an beh tir a, a then Aizawl District-ah an beh tir a, District pathumin Block chungchangah te khian an han khawih a ni a. Chungte pawh chu siamrem hi a va ngai angreng zawk em. Reiek Block pump i pawh kha duh leh Aizawl District-ah an dah anga, anih loh pawhin Chungtlang leh Rulpuinlim te kha hengte hi chuan chhuahka pangngai an nei a, an duhna lam pawh a ni mai thei a, an duh ve loh chuan an duh loh hrut kha a tha chuang lova. Block leh District chu tunah pawh kan ngaipawimawh chuang lova, duh duhnaah min beh tir mai a. Chuvang chuan heng hian, heng hian harsatna a siam chuangin ka hre lova.

Election chungchangah te pawh kan lo ti kumkhua a, Lunglei District ami chu phuldungseiah a bet a, Election-ah harsatna a awm kan hrelo. Election Commission pawhin a object kan hre chuang lo. Chuvang chuan phuldungsei Constituency-a chu election purpose atan ni mai a. Election-ah chuan Mamit District R.O. hnuaiiah emaw Aizawl R.O. hnuaiiah emaw a awm anga, engmah harsatna tur awmin a lang lem lo a ni. Chuvang chuan, nichinah khan thenkhatin khuavang ramri sah sa; Tlawng Lui a luang e te an ti a. Chutiang anih dawn chuan keini pawh Tuichang Luipui khi khuavang ramri angah kan ngai ve a. Vanlaiphai bial **zawng zawng** te Serchhip Luipui kanin an dah a, khawchhak tuiquite pawh khuavang ramri rin sa kan ti thei anga. Keini Tuichangral, Tui-puiral thlanglam **zawng zawngte** pawh khawzawlah min dah mai loh, Khawzawl atangin kan chho beih leh a, Champhai ah khuavang ramri sah sa kanin min kal tir tho tho a. Chuvang chuan, mipuite tana cha ber, a cheng mipuiten awlsamna ber a hi, mipuite tana tha kha Democracy-in a tum ni main ka hria a, chuvangin thil tum dang vak a awmin ka hre lo. Chuvangin, kan phuldungsei bialtu hian a bialte duh dan hria a, a bial mipuite duh dan tihhlawhtlin tum a hotiang Resolution a rawn moved ni sawi sawi lova pass mai awmah ka ngai deu a ni. Kan inhnialna hrang hrangte pawh kha kut tling vak niin ka hre lova. entawn tur leh endik tur awm reng a, tun Ministry ngei Lengpui te pawh Mamit District ami kha Aizawl District-ah a sawn mai a, harsatna kan neih tak pawh ka hre lova, khami rinchhuakt mithiamte kna ruai sela, an rinchhuak leh mai anga, a pangngain kan kal leh mai dawn a ni. A pawimawh ber chu mipuite duhna hi dah lal ber tur a ni. Mipuiten an awlsamna ni a ar hriat a hi chu duhsak tur a ni. Keinin remlo taka dah ai chuan, an duh dan ang takin dah ila, chu chuan Champhai District a ni emaw, Mamit a ni emaw a zu tider-thawng chuang lova. Aizawl District-te pawh mihring nuai 3 chuang kan awm tawh a, min rawn belh leh mahsela harsatna a awm chuang lova, tunhma pawhin Aizawl pumpui

hi District pakhatin kan aww a, kal theih loh a aww chuang lova, administration a that bawh chuan harsatna a awwlo. Helaiah roreltu ten kan rorel a dik phawt chuan harsatna a awwlo. He Resolution hi kan vai hian taipui ila, tichuan, a mipuite lawm zawng kan siam dawn a ni tih kan sawi ve duh a ni.

PU RUALCHHINA
MINISTER

: Pu Deputy Speaker, vawinah kan MLA zahawm tak Resolution, mipuite awlsam zawk nan heng khuate Bawngthah,

Darlung, S. Sabual, Kanghmun, Hreichuk, Khawrihnim, West Lungdar leh Reiek, Ailawng hi Mamit District hnuaia aww lovin, Aizawl District hnuaia dah ni rawh se, ti a a rawn put luh hi han ngaihtuah chuan aww hlein kei ka hria a. Khaw ll lai a huam a, heng khuate hi ranhnuaia kan aww laia kan chenkualna te an ni ve a, h tiang kawnga a bialtuin Resolution tihnachang a rawn hriate hi a fakawm angreng hlein ka hria a. Tin, mipui duhdan hetiang anga sawiho tura rawn thlen pawh hi thil aww tak a ni a. Tin, a mipui tan pa' hian amahni in yaihdan turah chuan Aizawl District lama beh hi chu an duh thlan leh aww an tih zawk a ni fo reng a. Tin, khatiang a kan chenkualna te an lo nih tawh thinna avang khanin mi pawh an nel ve a, engemawtin hei hi chu Aizawl District chungka kan aww theihna turin tul ang angin tan te min lo lakpui ve ang che te pawh an rawn ti ve thin a. Aww hle pawhin keipawn ka hriatpui thin a ni. An harsatna chi hrang hrang a aww ve thova, amherawhchu, administration leh thildang dang kawng hrang hranga hetia han inthendarh takah hi chuanin thawk leh khata thil han tih thut thut te a lo remchang lo thin a. Henglii khua tam tak pawh hianin an duhthuan sawi ve a ni mai a. Tin, bialtuipawhin chung a bial mite duhdan chu a rawn kenpui hi a tidik tho hian ka hria a ni.

Engpawh niselangin, District kan han then hianin a then pawh harsatna tam tak kan nei a, a boundary chungchang thuah te, a khaw huam tur chungchang thuah te, a constituency wise zawnga ngaihtuah pawhin ngaihtuaha a awwlo thei lova. Tin, chubakah chuan District Headquarter ber tur pawh enguange ni ang, khawiah nge ni ang tih a aww lain lain thin a. Tin, chutiangan District han siam dawn pawhin a capital, District Capital ber tur pawh keini a Member-te intiansiakna kha a aww thin a. Chutiang zel chuan District thar han siam dawn pawh hianin, a boundary mai ni lovin, a capital chungchangah te harsatna tam tak a aww thei a, engemaw zawng taka han ngaihtuah phei chuan, channa emaw hlawkna emaw nghawng the. khawpin politics pawh a nghawng thei a ni. Chutiang chuanin harsatna ci hrang hrang a aww thin a, tunah pawh hian heng tlangdunga khaw ll a mipuite ngaihtuah phei chuan, thil tihawm tak an ti lovah a ngaih theih hial a ni.

Tin, leh lamah chuan in Sorkar anga ngain phei chuanin thil lo tih tawh sa leh lo renruat tawh te a population leh administration kal dan phung turte, a constituency zawnga han chhut neuh neuh khanin awm lohna lai tak a awm ve thei ta a. Chulniah chuan thu inchuhte a awm ve thei reng a ni. Tunah pawh hianin hengho khua kan han sawi takte hi Tlawng thlang lam an ni dem vek a, Aizawl District hian Tlawng thlanglam khua a zuk huam lo hrim hrim a, Lengpui erawh chu a special-in administration chungchangah chauh, Airport hmunte a lo nih avangin Aizawl District chhunga awm turin tih a ni chauh zawk a ni.

Chutiang ang chuan, thil harsatna tam tak a awm a, theih loh teh tlur tur anga han sawi tur erawh chu a ni chuanglo. Mahse, a theih e, tih avanga a theih zawng zawng tih hi a tha vek lemlo tih kan hriat erawh chu a tul thung a. Tin, Constituency wise zawnga han ngaihtuhin, constituency, District khat chhunga tlate hi District Headquarter hnuaiiah emaw a nih loh leh khami R.O. hnuaiiah emaw a loh theih loh anga constituency pakhat chauh han thendarh a, R.O. pahnih hnuaiiah awm hi thil fello chuh a ni a. Chuta chuanin, khangah khan tuna a awm ang hi tihdanglam loh hi a that zawk hmel lein a hriat a, mipuite duhdan leh beisei dan chu awm mahselangin khangah khan remchan loh riauna laite a awm ve thin a.

Tin, chubakah chuan, engkimah hianin kan duh ang anga an awm theih loh chin hi a awm zel a. politics thilah pawh a ni a. Tunah pawh hian helai mipuite hi kei chuan ka dem hauh lo a, a Resolution rawn puluttu pawh hi ka dem mich lova. Amaherawh-chu, kan duhna lam apianga awm thei kan ni lemlo tih erawh kan hriat ve hrim hrim chu a ngai angreng chuan ka hria a. Tunah pawh hian kan duhthlang theuh dawn ila chu, Aizawl District-ah hian i awm leh vek angu, ti te pawh kan awm anga, han buk ta ila, tam zawk te pawh kan awm mai thei a. Mahse, khami avang khan tunah chuan kan then tawh a, District engemaw zata kan han inthendarh tawhah hi chuan kha kha chu thil awmlo a lo ni veleh mai thin a ni. Chuvangin kan duh zawkte lo awm thin mahse, kan duh zawknaah kan duh zawk avang khan kan awm emaw, kan duh zawk kha kan neih emaw khier kha remchan lohna a lo awm ve thin a ni tih erawh chu hriat theuh a ni a. Tin, tunah hian khulai bik khu chu engemaw chenah chuan harsatna neia inhria in tunhma atang pawh khuanin sawi neuh neuh chu a awm ve thin a ni. Amaherawhchu, hemi District then dawn pawh hianin Mamit District hian hemi hi a kualkhung anga, Tlawng thlanglam chin chumiah chuan a kal eng tih kaanin ruahmanna a lo awm tawh a. Chung avang chuan tun anga han dissolve leh thut chu thil awlai niin a lang ta lo zawk a ni. Tin, hetie kan han sawi zauh zel dawn chuanin, duh hu han sawiah chuan, Zawnuam Constituency-te pawh khuanin Kolasib District-a awm hi kan duh zawk asin an ti. 'E' in duh zawk chuan awm rawh u, han tih nghal ngawt mai kha a ni lova.

Tin, khutah District Headquarter, Kolasib atangte pawhin emaw a bialtu ka nihna angin Resolution-te pawh han pulut mah ila, Zawlnuam Constituency leh a bial hianin Kolasib District chhunga awm an duh a. Hei hi Legislative Assembly-in min pass sak ru tiin pulut ve ta ila, a awmna laiah chuan awm deuh mai, a puluttu ka lo nih pawhin put loh awm tak a ni ve tlat a. A vang engnge kan tih chuer, mipui duhdan knalalaih khan a awm ve tlat a ni. Kan awlsan zawk ang helama kan awm aiin an ti ve thei tlat mai a. Mahse, khumi avang khanin District hi then then dawn ta ilangin, District thenkhat chu kan pawt ral vek main rinawm a. Chumi a lo nih chuan keimahni bawk kha a mawh phurtu kan lo ni dawn a, kan rorel tawh sa leh thil kan lo reifel sa kha ti-chingpen lehtu mai kan lo ni dawn thei a. Chuvangin, khatah pawh khan a awmlo thei viau a ni tih kha chu a lang tain ka hria a. Zawlnuam lampang Constituency hi han sawikai takah chuanin communication tunah khuanin tlema a that lohna a la awm a. Bairabi leh Zungang inkar laiah khuan Tlawng kan a ngai a, khumi Tlawng kan a ngaih avang khuan Lei a la awm loh avangin duh angin a kalchak zung zung theih lova. Khutah khuanin Leite awmin emaw communication kawng ch' lo tha zawk thei te chuanin Aizawl dawr chungchangah leh inkalpawh nan pawh Zawlnuam lampang chuanin Kolasib lampang hi an thlang mai dawn niin a lang a. Tunah pawh khuan thalah hi chuan khulamah khuan tam tak an lokal zawk a, chung avang ringawta Zawlnuam Constituency hi Kolasib District-ah awm rawh se thin kha chu a inawm lo ve ta tlat a ni. Chutiang deuh bawk chuan helai mipuite hi an lainatawm vena lai tak a awm a. Tin, an duhthu pawh hi tihpuitlin awm tak a nihna lai a awm a ni. Mahse, rorelna leh rorelnaina District a lo then darh tawhte, tin, rei pawh a la nih lohna laiah khan khati teh thuta thil han thlak thlang leh chu thil awm tak a lo ni love a. Chuvang chuanin, tuna Resolution-te hi zahawm hlein han tihpui hle dawn pawh nimah ilangin remlohna chi hrang hrang kha a lo awm avangin a mipui khulai tlang-dunga chengte chu a la remlo a ni e. Harsatna chi hrang hrang hengte hi kan la nei a, chung chu kan enfiah anga, nangni tan pawh District nuam tal in la nih theih tho kan ring a. Development-te a rawn kal dawn a, High Way te pawhin a rawn paitlang dawn a, chungah chuan Communication tha zawkte a lo awm anga, a District Headquarter dawma chungchang thuah pawh communication leh inkalpawhna hmanrua Motor ile fahran pawh changtlung takin in la awm ve anga, chungah chuan harsatna chu in la hneh ve, tho tho anga, chungte han thlir chuan tun tut tut hi chu a tul pawh a tul lo hrim hrim a ni e, ti a kan hrihfiah theih hi a pawimawh hlein ka hria a ni.

Pu Deputy Speaker, heng kan Resolution hi chu engngemaw chenah hi chuan tha thawkhat hlein, a rawn puluttu hi thlawpna chin har nei pawh ni mah ilangin, harsatna chi hrang hrang a la awm a ni. Chung avang chuan heng hi chu tih hrih a rem lova, hei hi chu nakinah hunin a la zir chuanin awmdan pawhin a la hrih zawk ang chu ti a, hei hi chu kan hlamchhian mai zawk hi vawinah kan tih tur niin ka hria.

Nichina kan ngaihthlak tawh ang deuh khanin ama thutpui lampangte khan an support lo viau a a lan avang khanin helm atang phei chuan support-na han pek ngawt ngam pawh kha a nilo a ni. In tider a ni te min ti nghe nghe anga, chuvangin a support zawng phei chuan kan sawi ngam vak lo zawk a ni.

Engpawh niselangin, he Resolution hi chu tunah tak h. chuanin thil remchan lohna tam tak a la awm avangin kan la kalpui thei rih lem lo a ni e, tiin hei hian dam trin inthlah tha mai ila, kei thain ka hre deuh a ni kati Pu Deputy Speaker, ka lawm e.

PU C. THANGHLUNA

:

Pu Speaker, he Resolution hi mipuite awlsam zawkna atan heng Khuate Bawngthah, Darlung, South Sabual,

Bualte, Kanmun, Lungphun, Hreichuk, Khawrihnim, West Lungdar, Reiek leh Ailawng hi Mam District hnuaiia awm lovin, Aizawl District hnuaiia dah ni rawh se tin Member zahawm tak Pu Lalthangliana Resolution hi ka han en vang vang thin a. Helai biala mite hi chuan Aizawl District a awm hi an tan remchang zawk ni a an hriat avangin bialtu M.L.A. hnenah House-ah Resolution a move turin an ngen a nih ka ring a. Chutiang tak chuan a bialtu hian Resolution-ah a rawn pulut a. Amaherawhchu, Member ten enggemaw zat an sawi tawh a, an sawi dan kalphung reng rengah hian a puluttu hian tihpuitlin tak tak atan a ti lem na nge aw, mipuiten an chah avanga han ta ve mai, a hlawhtlinna tak tak tur atana hih ni lem lo. House-a han sawi ve mai mai, hunawl dahkhah nana chai ve mai mai hi kan angin ka hria a. Hei, Pu Deputy Speaker, han en ta ila, tunhma a Resolution kan kalpui dan reng rengah a Ruling lam hian Opposition lam Resolution hi an vote-pui ngai lova, Opposition-ah hian Member 18 kan awm a, amaherawhchu, keini Opposition ni ve bawk, keini group hi he Resolution support ve tur hian min sawm reng reng lova. Anni tan ringawt kha chuan pass ngaihna a awm reng reng lova. Member 12 emaw lek an ni a. Chuvangin hetiangah te chuan lungrual tlanga pass-pui tura insawm ve awm takah pawh ka ngai a, vawiinnia kan Resolution sawiah hian kan ti mai mai deuh ni te pawhin ka hria a, a bial mipuite hian hria nise an thin a rim zawkin ka ring a, House-a pulut ve si, thil tihlawhtlinna tak tak awm silo, thahngaihna awm tak tak lem lo, naupang lawm ang deuh mai mai a thil puluh hi hei hi rei tak chai chi pawh a ni dawn em ni? Pu Deputy Speaker, pulut tuten vote lak an duh lai tak hian vote la mai ila, a tha lawm ni? Hei hi chu chai tam tur awm vak hian a lang lova, thil tha nimahsela, majority of vote hi a pawimawh si a, a majority duh dan nilo a hriat reng si a, chai chai pawh khan awmia vak hi a nei em ni le. Keini lam lah hi min sawm duh der si lova, sawm lo chung chuan kan vote-pui dawn si lova, a tla sa tih hi a chiang reng mai a.

Chuvangin chai reilo hian vote hi min la: tir thei la a. tha mai lawm ni tih kha ka rawn rawt ngawt a ni e. Ka lawm e.

PU H. VANLALAUVA : Du Deputy Speaker, ka lawm MINISTER e. phuldungsei bialtu zahawm tak pu J. Lalthangliana Resolution, mipuite awlsam zawk nan heng khuate Bawngtnah, Darlung, South Sabual, Bualte, Lungphun, Hreichuk, Khawrihnim, West Lungdar, Reiek leh Ailawng hi Mamit District hnuai aawm lovin Aizawl District hnuai dah ni rawh se tih hi bialtu in rawtna an siam nian pu Deputy Speaker, phuldungsei bial mipuite leh Mamit bial mipuite ngaihda hi a la em aw? tih ka zawt duh a. A chhan chu Khawhai bialtu zahawm tak kha a rawn sawi ang kha, kan hriat tur pawimawh ber a chu, mipui duh dan a ni em? tih hi a ni. A rawtnah hian Phuldungsei bial atangin khaw 25 atangin 9 a rawn thlangchhuak a.

Tin, Mamit Constituency ch hian khaw 17 a awm a Khaw 2 a rawn thlangchhuak a. Tichuan, phuldungsei khaw 25 atangin khaw 9 leh Mamit bial khaw 17 a khaw 2 te ngaihda hian Mamit Constituency mipui leh phuldungsei Constituency mipuite ai a awm zo em? A khua han en hian khua 25-ah khaw 9 a rawn thlangchhuak a, phuldungsei bialah hian. Mamit Constituency-ah hian khaw 17 a awm lain a 10 chuang pawh tlinglo khaw 2 a rawn thlangchhuak a. Hei hi phuldungsei bial mipui leh Mamit bial mipui ngaihda hi a ni em tih hi ka zawhna a ni. A chhan chu, mipuite duh dan leh mipuite harsatna leh mamawh vawlinni h he House hian a tanga Nu leh Pa kan nihna angin kan ngaihtuah a nih avangin heng mipuite ngaihda ve ch chuan heng khaw 11 te hi chuan an duh nameuh mai a ni. A ngen pawh an ngen nasa a ni. An sawina pawh a rei tawh a ni. Amaherawhchu, phuldungsei bial khaw 25 a khaw 16 te erawh hi chuan an duh hauh lo. An D.C. pawhin a duh hauh lo tih hi ka information da ve a ni tlat mai a ni.

Tin, Mamit biala khaw 17 a khaw 15 te pawh hian an duh lo niin ka information-ah chuan ka hria a ni. Chuvang chuan mipuite duh dan a kan kal dawn anih chuan he phuldungsei bialtu zahawm takin khaw 11 te duhna leh mamawhna puhru tur a rawn rawtna hi zahawm hle mahse, he House hian pawmpui chi a ni rih lovin ka hria. Thil awmsa thendarh hi a fello fo thin tih kan practice tam tawh a ni. Entirnan, Chhimituipui District chhunga Autonomous District-pakhat LADC Civil Administration, Administrative pahnihah thendarh a ni a, harsatna tam tak a awm a Tunah pawh hian ngaihtuah tur, buaipui tur tam tak a awm a ni. Civil Administration-ah D.C pahaih hnuai ah Autonomous District pakhat hi a awm a, Entirnan Housing Loan Board chungchangah te, a recovery chungchangah te, Administration Kawng tam takah harsatna a awm a, tunah hian Sorkarin a buaipui mek a ni.

LADC, MDC Constituency siamnaah village Council pakhat kha MDC Constituency pahnihah thendarh a ni a, harsatna tam tak khawtlangin a tawk a, administration a buai phah a ni. Chulovah, bial inlungrualna leh inpumkhatna a chhia a, harsatna tam tak a thlen thin a ni. Vawinah he Phuldungsei bialtu rawtna han siam hi Phuldungsei bial mi uite chendarhna leh buaina chawhchhuahna bu a ni lovang tih kan sawi thei em ni ?

Mamit bial khaw 17 te thendarhna leh an kara harsatna thientu tur a ni lovang tih tunge sawi thei. Harsatna tam tak hetah hian a lo piang thei tih kan hriat a tha a. Tin, Ram hruaitu politician-te hian mipuite duhdan leh ngaihdan kan ngaihpawimawh rual rualin an thu ang zela kal tur erawh kan nilo tih hi kan hriat a ngai a ni. Ram hruaitu, politician kan nih chuan kan vawikhat ngaihtuahna mai ni lovin, second thought kan neih pawh a, khawtlang tan, bial tan, Ram-pum tan dik leh tha kan hriatah hi chuan kan mipuite hi kan hruai tur a ni. Ram hruaitu kan nih angin mipuite hruai ni lovin, Ram tana tha turin mipuite tana tha turin kan mipuite hi kan hruai tur a ni tih hi ka, ngaihdan, ka rilru ngheet tak a ni. Chuvang chuan hruai-tyte hi mipuite duhdan zela kal tur ni ta ila, Mob-rule-in Mizoram ro kan rel anih chuan kan tidikin ka ringlo. Chuvangin, ngaihtuahna fim tak hmengin heng a mamawh khua leh a duhtu khaw tlemte mai ngaihtuah lovin, a bial mipui, Mamit bial pumpui leh Phuldungsei bial pumpui, a mipui tam berte duhdan leh an tana tha tur leh an inlungrualna leh an inpumkhatna tur te ngaihtuahin he House hian ro kan rel tur a ni ang tih ka ring a. Tin, election chungchang thua Marpara South Lunglei District an ni, Aizawl District phuldungsei bial h a bet a, buaina hrampa kan neilo, an ti a, ka hriat dan chuan tuneh hian Sorkarin a buaipui a, GAD in nasa takin a buaipui a, amaherawhchu, Election Commission lam inrawlh a ngai si a, tunah hian Election Commission of India lamah buaipui mek a ni.

Tir. Khawhai bial chungchang kha ka hriat dan a sual em ni ka hre lova, R.D. Block tih lovah chuan M.L.A. Constituency thilah thenna a awm ka hrelo. Chuvang chuan tunah hian ngun taka kan ngaihtuahin he rawtna hi zahawm hle mahsela, nguntaka ngaihtuah a, rorelnaah hian thutlukna fel leh dik kan siam a thain a rinawm a. Chuvang chuan ngaihtuah nawn leh atan h. thil hi chu kan kalsan rih mai pu Deputy Speaker thain ka hria a, ka han rawt a ni a. Ka lawm e.

PU LALRINZUALA

:

I a Deputy Speaker, ka lawm e. Ka Resolution No 7-ah hian a awm ve tang avangin kan thlen phak tak mialin

tiin kan nghak a, a pawimawh em em mai, thleng dawn lovin ka hria a. Tuichawng-Tuikawi-Sachan-Marpara kawng hi Mizoram Sorkar hian laih chunzawm rawh se tih hi ka pulut ve a.

...404/-

Sawi hi ka duh em em a. Chuvangin kan insum a, a chhan chu, he kawng hi KM 43 lai Black Topping tawh, KM 60 aia tam laih tawh D.C. lei dawh loh avang ringawta engmah lova chang ta hi a ni a. Hei hi Mizoram Sorkar hian ti rawh se han tih hi han pass ma tur tha em em mai, tah hian ka chhawp a ni a. Mahse, sawine hun ka neih dawn loh avangin he Resolution, a chaber dawttu hi kan sawi ve dawn a ni a.

Kar Phuldungsei bialtu zahawm tak pu J.Lalthangliana Resolution, mipuite awlsam zawk nan heng khuate, khaw 11, an District awmna sawn ni rawh se' tih mai kha a ni a. Mamit - Aizawl-ah, mipuite awlsam zawkna tur kan ngaihtuah a, an awlsam hlau pawl kan tam lutuk hi a vanduaithlak kati em em a. Mipuite tana rorel kan ni a, an awlsamna tur min an rawn zawng na na na a, a harsa ang tih tlat chu, mi awlsamna tur kha engatinge kan duh loh le. Kan cin chhan hi he House hian kan theihngilh a nil maw aw kati a. Chu chuan ka rilru a tina khawp mai. Nilenga heta hun kan hman nachhan hi mipuite hamthatna tur awlsam zawkna turin a ni lawm mawni le, kan tih le tih kha, khami principle kha zuk nga' tuah atan tha kati. Tin, kan han sawi a, ka rilru tina deuhhleik pakhat chu, leh ka rilru tibuai pakhat chu kan State Board Planning Vice Chairman zahawm takina Hreichuk leh Hruuduk thumun emaw an ti hi chu, thingtlang bialtu lam tan chuan na deuh a ni a. A chhan chu, State Planning Board Vice Chairman memh tan chuan..... Hreichuk a rawn ti si a. Hemi Assembly Constituency-a Xerox ka neihah hian Mamit District chhangah 25-naah khan Hruuduk tiin an chhu si a, inang a ni nge'a hran a ni ka hrechiang ve lova, chuvanga rawn zawt ka ni a. Pu Deputy Speaker, kha khan minute vel a la ni a, min lo pair sak nghal la, a h iatthiam loh lai tak kha alawm kan pawt tih lai tak chu. A chhan chu, State Planning Board Vice Chairman te hi chu Mizoram hmuntin hi ka vaibel ti khawpa hrechiang tura ka beisei ngawih ngawih an ni a. Ka bialah Laisawral awmna te pawh hi a hriat vek ka duh a. A chhan chu, khalaiah khan planning a hmasawna tur siantu buli ni ber anih avang khan a hriatchian a ngai a, ka hrechianglo a rawn tih lai tak ka chek hian a ngeihlo tlat a ni. Chuvang chuan, Motor a nei thar tha bawka, kan Session zawh vele hian hrechiang tur hian Mizoram hi zin chhuak sela, tin ka request nghal duh a, chu chu ka'n ngen a nih chu.

Tin, Pu Deputy Speaker, kan Sangau bialtu zahawm takin a District sawn ai chuan, a communication-te hi nawr vut vut ila, road communication te hi nawr nut nut ni sela, Resolution-ah tha zawk tur a tih kha kan ngaithla a, kan Sangau bialtu zahawm tak hi a harh har kati. Session hmasa lamah khan a bialah hetiang problem hi a nei a, hetiang harsatna hi a nei a, Lawngtlai leh Sangau inkar communication awmlo hi Resolution a rawn pulut a, kan nawr vut vut a, House-in kan pass a, kan han pass ta cheng a, a reh veng veng hi a ni si a, tih reng reng h a awm tawh lova, cau bawka chu ti tura han inrawn chu.

E, thiante u, hei hi chu tih chi miah a nilo ania, ti tawh awm tak kha a ni a, mahse, kha kha nawr leh awm a ni ala ti a, awa han sim har tehreng e aw, sim tlak a ni hengte hi chu. Road communication han nawra Resolution han pass-te chu lipuia hrei thlak ang vang vang hi a ni mai a, kan pass ni kha a awm awm tawp a ni mai a, pawl deuh asin. Chuvang chuan, khatiang lamah khan a alternative a awm tawh lova, sum sen ngai silo, an tana awlsam zawk si hi heti zawk hian i siam ang u, tiin he bialtu M.L.A. zanawm tak hian a rawn sawi ta kha a ni a. Pu Deputy Speaker, kan inri a, hei phuldungsei bialtu nen nian a han sawi khuat hi ka kal vek tawh a, keipawh, Mamitah ka kal tawh bawh a, Mamit D.C. hnu ia awm a han buaithlak zia hi chu ka hmuhpui a ni. Sabual atangte, Darlung atangte, heng Kanghmun, Hreichuk, Lungphun atangtea Mamit kal harsat dan chu Aibawk atangin kan han peng thla a, tun ang hunah chuan Bawngthahah a kawng lah chu kal hleih theih mang loh kha a ni a, ke pawh hian kan kal hram hram a ni ringawt mai a ni. Chutiang khawpa harsaah chuan an awm a, Mamit kal tur chuan Bawngthah, Sabual, Darlung atang khan a lo chho ngat ngat a, chho leh chhuk anih chu. Tlawng an rawn pan thla a, ar chho leh ngat ngat a, Aibawk an rawn thleng a, Aibawk atangin an tihfuh hram chuan mi Motor hnungah an rawn chuan phei a ngai ta a, Aizawlah. Aizawl atangin tha tharin Mamit kal tur han tih leh kha a ngai a, Tlawng bawh kha a zu kan thla leh a, a mangan thlak a ni. Chu chu helai amite hian pu Deputy Speaker, hre vek turah ka inggai a. Chuti chung chuan helai amite harsat dan tur zia hi, hei tunah fur an rawn tla anga. Mautuai rin thla kan ti mai a, khawthlang lamah chuan, kan Sorkar lah hi kan han hriat loh dan leh leh te kha, ka mangan tawh reng kha, Mautuai rin thla kan thleng a, relie. thilah, ei leh bar thilah nun chhanchhuak tur chuan Aizawlah buhfai a tam lai khan a tam leh thin si lova. Aizawlah thlen in pawh kan neilo ang tih hlauhawm khawp hi a ni a. Chuvang chuan, heng thil pawimawh em em a rawn sawi i chu tihsak ngawih ngawih turah hian ka ngai a.

Tin, kan L.A.D. Minister zahawm takina a thil rawn sawi a kha mak ka tih a awm a. Phuldungsei Constituency-ah hian khaw 25 a awr a, chung zinga khaw 9 chuan an duh a, phuldungsei bialin an duh dawn em ni a ti a. Pu Deputy Speaker, zawhna tur a n' dawn em ni, khaw 25 sawn thu a awm lova, a duh khaw pakua hi helamah hian i ti angu, a ti chauh kha a ni a. A move-tu khanin. A duhlotute lampang reng reng kha chu sawn tur tumna a awmlo, problem a awm lo reng, hlauhthawn tur pawh a awmlo, an awm vang vang ang, ngaihtha em emin phuldungsei bial an ni reng ang. Chuvang chuan anni khan an duh loh chuan tihluih tumna a awmin a lang lova. Tin, Mamit Constituency-a khaw pasarit awm khaw hnih chauh han tih a, khaw 15 dangin an duh dawn lo a ni tih a lan avang khan a rawn sawi nawn leh a ni a.

Chu pawh chu probler a awmlu. Chuvangin engatinge hlahuh loh tur hi kan hlahuh tlat aw. Chuvang chuanin heng hi chu a ri chin bak hi in hlahu mai mai a ni, hlahuh loh tur hlahuh hi a awm ve chawk ania. Chuvang chuan hlahuhawm a awm love, hlahuiah kan tin kha kan sawi duh a.

Tin, Minister zahawm takin a han sawi dan ang khan delimitation chungchang a rawn sawi a. Mara South kha an buai reng reng lova, anni hi tunhma chatuan khan an buai lova, tunah hian buai-pui ta em ema kan hria hi, in thusawite kha ka han ngai-thla a, a inkawkalh tlat a. Sorkar hmasain boundary a rawn si m a hi tha taka an lo hriat tawh, an lo tih a ni a. Chuvang chuan, tihdanglam kher hi a tha dawn em ni ? kan ti mek lai khan an tih tho chu Mara chu Lunglei District-ah Buarpu Constituency-an min rawn pek belh in tum a, ka tan chuan lawmawm tak chu a ni anga. Min thlengtu tur an tam lehzuat deuh a ni anga, a lawmawm a. Amaherawhchu, anni chu kum tam tak helamah hian an awm anga, Lunglei lama kal hi an tan a harsa em em a, chuvang chuan, anni rawn lo hian a tih theih pawh ka ring chueng lova, in sawilai atang khan election office-te ka phone a, "hetiang hi tumna awm em ni" kati a. Awm pawh an sawilo. Thil awmlote kha shhuanlamah te siam kan han tum hi a buaithlak em em a nia. Delimitation Committee an la thu baw lo. Thil reng reng mai hi a technical thila kan chuanlam han siam tuma pawh kha a ik chuanglo reng reng a ni. Chuvang chuan Pu Deputy Speaker, vawiinah hian mipuite tana rorel kan nih si chuan kan mipuite duh dan anih baw si chuan engatinge maw kan hnial ang a ? Kan Lawngtlai bialtu kha-ka ngen duh a, hei kan insawm mawlh mawlh a, kan lo thiamlo pah anih chuan min ngaidam sela, a bula va thut a, va ngen ka duh a, min pass-pui rawh tih kha. Chuti khawp chuan thahnem kan ngai a. Hei hi kan la serious em em a ni. Kan State Minister-te, kan L.A.D. Minister zahawm takte pawh kha, helaiamiten an duh tih kan hria, chutia mi duh ngawih ngawih pek phalloh chu a mizo lo viau a, a Christian lo hian ka hre tlat a. Chuvang chuan, kan Lawngtlai bialtu pawh, i dinglam erite zang zang pawh he House chung ami zang zang pawh ka sawm a. Mipuite awlsamna tur atan hian hawh u, kan thilung hi chunglamah pawh thawn chho ta la, midangte tan malsawmna ni ang che titu duhdan pawh a nih ka ring. Malsawmna ni ang che tih thupek neitu ringtu vek kha kan ni si a. Chuvang chuan hengho hian mal min sawm rawh u, an ti a, malsawm theitu kan ni si a, an tan hian 'hawh u, Awle, a tha e' tiin mipuite awlsamna tur atan hian heng khua te hi Aizawl District-ah hian i chah mai angu khai, a sualna a awm lovang a, tin hi ka han ngenpui ve a ni. Ka lawm e.

PU AICHHINGA
MINISTER

: Pu Deputy Speaker, ka lawm e. Hei, vawiinah Phuldung-sei Constituency bialtu zahawm tak Pu J. Laltnangliana

Resolution kan sawiho a.

A Resolution hrim hrim a hi ka han sawi hmain helai khua ho hi an problem khawp mai tih hi ka lo hre ve tawh a. Relief & Rehabilitation ka chon lai khan an lokal thin a, kan Silpouline sem dan lah kha a khua zawnga ti mailo khan a District wise khan kan sem a, District tin chanai kha an lak dawn kh. i Aizawl kal- tlanga Mamit a an zuk lak ka u a ngai fo mai a, khalai kha a buaithlak hle mai a. A chang pheih chuan helai atangte in special-in kan a. chutiang chuan harsatna an tawh thu hi ka hre ve a.

Tin, chubakah an mahni pawh kha ka lo ti mai mai a, Joint Resolution-te hi siam ula application hi khawtin hian Aizawl District-a awmte hi dil ta che u, ka lo ti ve mai mai thin a. Amaherawhchu, kan Resolution siamtuhian tun Session-a kan M.L.A.-te Resolution tihdan hi a mak angreng kati a, mahni bial lam ngawr ngawr hi an thlir deuhin ka hria a. Mahni bial lam theuhah an kal a, Chuvangin Pu Thangliana pawh hian a bial lam hi a hmui ve hranpain ka hre deuh a. Rampum thlir zawkin he resolution hi siam ta se, Congress Ministry huan laia District 5 a lo pian dan lai khan heni District administracion area hi a bul atang khan lo siamtha vek zawk sela chu tha tur a nih lain an siam loh tak rau rauah pu Thangliana pawh hian a rawn rawt tak rau rau chuan Zoram pum huapin rawn rawt ta sela a tha zawk awm mange aw, mipuite tana thahnemngaia ngaihtuah a nih rau rau chuan Phuldungsei chuan chung tan chauha ngaihtuah lo hian Zoram pum ngaihtuah hian rawna rawn siam zawk se chu a tha mange aw kati a. Kan hriat tlan theuh angin, Lunglei District-te pawh hi a zau a, Constituency engemaw zat a huam a, District thenkhat chuan constituency 2 te a huam a, a thenin 5 te, kan District boundary siam dan hrim hrim hi a diklo kati ve tho a. Intiran, Lunglei District chhunga Vanlaiphai lam atanga kal tam zawk si te, Hnahthial bial chhunga awm a, Lunglei District-a an awm tlatte, helmah awm se chuan communication awlsam zawk turte a awm a. Chutiang bawh chuan, District Council area khat chhuja awm Tui chhak leh Tui thlangte District boundary lehlama an awm tlatte, hmun hrang hrangah Zawlnuam bialte pawh Kolasib biala beh te kha a rem zawk na lai te a awm a. Aizawl District-ah pawh Sakawrdai an han bet tlat te zuk thlar hian kan District boundary pumpui hi siam that hi a ngai zawk a ni lawm ni chu tiin ka lo ngaihtuah zawk a. Phuldungsei huanchhung chauh a rawn rawt erawh hi chu a rawt zim deuh mange kati deuh zawk mah mah a.

Tin, chutih karah chuan kan ngaihtuah tel fo ngaia chu an sawi tawh tho angin kan Constituency delimitation a hi District boundary a pel tur a ni love tih a hi, Election Commission order anih ve si lai hian a bika helai zuk tih a pawh hi leh a ram pum han thlir pawh khan a rem lohna chin te a awm a, tunhnaiteah hian kan hma lawkah Constituency pumpui siamthat theihna belh lem loh pawha siamthat theihna Parliament khan an pass tawh ni te pawhin a lang a,

khami kan tih dawnah pawh khan helai hi chu la thlir tlan ni ta zawk sela, tun hun a bik te a helai lo han tih khanglan pawh kha House tan pawh hian a fel ber emaw ni chu aw kati deuh a. Kan Term hun chhung tawi te kan la neihah pawh hian a huho zawka Party tin aiawhte nen la sawiho zawk a tihah hian a tha mange aw kati a. Helai lo ih hi chu a advance deuh bik lawm ni, dang pawh siam tur tam tak a awm laia a bik a helai lo thehluh a ni a bial bik hi kan vei lutuk tlang deuh niin ka hia. Chuvang chuanin, helai hi chu tun hun atan hi chuan ngaihtuah rih loh hi a tha zawk lawm ni tih hi ngaihdan ka nei ve a. Chuvang chuan, ka Resolution puluttu kan MLA zaham tak pawh hianin tun hun atan lo hian nakina a pumpui zawka ngaihtuah turah rawn chhawp sela a tha lawm ni tih ngaihdan ka nei a, an harsatna hi chu kei pawhin ka hriat-puiin ka hria a. Chuvang chuan, chutiang ang zawng chuan kal ta ila a tha lawm ni, tun hun atan hi chuan hei hi chu dahthat a hun lawm maw nile kati deuh a ni. Chu chu Pu Deputy Speaker, ka sawi ve deuh a ni, ka lawm e.

PU SANGHMINGTHANGA A PAUTU: Pu Speaker, Resolution puluttu Pu J. Lalhangliana, Phuldungsei bialtu zahawm tak han putluh hi Member puite

an ni a, zahawm hlein ka hria a. Amaherawhchu, ka hma a sawi ang khan kan en vang vang a, ka hmuhtirh atang khan heti zawng lo hian ka rilruah awm, Mioram District ho reng reng, District thar 5 lo pian tak atanga (re-draw) drawn that a enthat leh vek ni rawn se, tiang zawng chuan kal sela chu i he lo hianin ka hnen hmiah thei kai a. Siamthat ngai hi ka hma a an sawi tak ang khan ka hmu tam ve mai a, heti zawng zawk hi nise ti a a kawr zai te pawh, a khuavang ri kham sa te pawh han tihfel a, a kawng kal tem zawkte pawha siam awm tak chu a tamin ka hria a. Chuan nilova, helai khurbing zawng deuhva a kal emawni aw tihte pawha ngaihtheih awm hi ka zuk sawisel hran n' lovin, ka rilrua lo lang zawk chu kan lehkhabu thianghlina 'mite ngaiha kawng tha niawm taka lang, a tawp thihna thang nisa' tihte pawh hi min tihrechhuak deuhva. Helai bikte zuk h dawn chuanin a dang a pawh kha a awm thei a. Nichina Khawhai bialtu zahawm tak dinhmun ang kha kei pawh ka dinhmun a ni a. Hei Aizawl District bialah leh Kolasib District bialah ka area hi a awm ve a. BDO nise, pahnih a awm a, thil engemaw complaint-in heng Tui, ElectRICT tihah te pawh han ti ila, a then Kolasib atangin an control a, a thenin Aizawl atangin an control-a, a hahthlak nasa khawp mai a. Chuvang chuan pakhata awm tha hle hle han khawih kha chu, hetilai bik te hi kan khawih lawm chuan, ka rilru lehlahmah chuan Khawivanrial Bu kan tawkdarh lek ni hian ka ring a, a nilo lam lah hian min seh kual ang tihte pawh hi ka hlau deuh va.

Chu avang chuanin a timing thua hemi lai localise tur hi chuanin tinchian deuh a ngai mang. aw kati a pu Deputy Speaker. Tin, nichina Buarpu bialtu zahawm takin a rawn sawi zauh a kha kan zawh lai deuh, kan hriat-thiam loh mai a kha hemi lehkha pakhat Xerox, tun 1998 inthlanpuia constituency list awm thlap chu, chumi Xerox chu ka nei e, chutah chuan Hruidak tih kha a inziak si a, 25-naah chuar. Fetah hian Hreichuk ti khan a rawn ti kha thuhmun a ni lawm ni ka ti a, kan zawhna mai a kha a ni a. Chu ch' a khawi zawk nge tih tur tih ka rawn zawt duhna a ni a, 2 hi a awm si a, lehkha Election Commission pawm a kha a awm bawk si a. Chumi avang chuanin thuhmun a ni mai le maw tih a kha han clarify/sawi hova kan zawhna a ni a, chulai chu kan sawifiah duh lawk a.

Tin, hei kan ran leilung awmdante han en hian, ni e, tlangdung zawng hian, hmar chhim zawngin an kal a, kan hunte pawh chuti vekin, a vang zawng han tar tur hi chuanin remchang tak, hawng siante, leihawm te pawh a ngai nia. Kan h e tlang viauva, an rawn sawi tawh ang khan khu Zawmuam te pawh khuan Kolasib bialtu awm an duh a, an sawi chamchi a, hei NEC tanpuinain Bairabi bulah khuan Tlawng kanin Lei dawh tum a ni a, chumi han dawh zawh anih hnuah phei chuan Lei dawhna piah maiah Mamit hawh tlangin kawng a kal anga, thlang lamah a kal bawk anga, khami a lo nih chuan thalah pawh Kolasib a hnai da'h anga. Chuvangin, anni chuan khuta awm/beh an duh em em a ni.

Tin, ka bialah pawh Lungdaite pawhin strike tumin an bei ut ut kha a ni a. Amaherawh chu, thil awmdante kan inhrilhfiah a, a nitak e, tiinan hrethian em em a. Chuvangin a rampui zawk District Boundary hi Siamthat ai ta sela ti zawngin Resolution chu kal sela ka Amen thlap mai a. Amaherawh chu, Pu Deputy Speaker, he lai hi localise deuh riau a kan tih chuan sawi tak ang khan Khawivanrial bu kan hawh darh anga, chutiang khatiang an ti anga, kan buai viau mai ang tih ka hlau a. Thil awmsa pangngai han khawih danglam tur hi chuan a chhan leh avang necessity compulsion te pawh kan ti ang chu. Chutiang ang loh theih l'na nasa viau natural calamities avangte emaw thildang. eng eng emaw avanga loh theih loh thilte a lo awm anih chuan Sorkar chuan opposition member-te nen uluk taka ngaihtuahin hotuten chutianga tihawmah chuan kan ngai a. Chumi anih loh chuan tuna normal kalphung ang deuhva han tih atan chuan nichina Lawngtlai bialtu zahawm takin a tih ang deuh khan a puluttu pawh hianin mahni member-puite opposition group te lo sawm miah lova hetia a chungu pialtlep tlak cawp mai a, han thehloh hi chu a nilo deuh munge kati a. Kei pawhin Lawngtlai bialtu zahawm takin an sawichhuah kan hriat kha chuan a khai, pass lak tak hi min duhpui lo anih hi kati deuh a ni. Duhpui chu ni sela chuan keini lamah te pawh chutiang khatiang chu kan problem a ni a, tiin rawn campaign deuh te pawh awm turah ka ngai deuh a, chung ang chu kan hre der mai si lova.

Hei hi chu Pu Deputy Speaker, for the sake of resolution a tih ve mai mai anih ka ring deuh a. Amaherawh-chu, khami avang khan a resolution hi a chhia e tih lampanga sawi ka ni hauh lo ania tih kha a puluttu member zahawm tak khan min lo hriat sak se ka duh a.

Tin, hemi khua han tih khan nichina member zahawm tak tak te'n an sawi ang khan, hemi Electoral Roll Constituency hi a in khawih tel deuh reng mai a, District kan tih dawn hian. A chhan chu Constituency-ah Election Commission kan ngam der si lova. anni in an lo pawm tawh te kha nakinah administration-ah thil lokal chho sela, hemi hi lo kai-lut ila ka hmaa an sawi ang khan harsatna kan nei ngei ngei dawn a, anniin an rawn en tur chu kha kha a ni a. Chuvangin, tuna Parliament-in an lo passed tawh Constituency-a leilung demarcate-a, number erawhchu increased chuang lovin, nei kal remlo tak tak a awm a, entirnar, Ngopa bialtu zahawm tak, pu Rosanga bialah ce pawh khan Hnahlan tlangdung an kal dan tur, tunhma te kha chuan Champhai bulah Vapar atangin luh leh a ngai a, chumi anih loh chuan hun k a a uihawm a khi tiangte khi a remlo sen em a. Tin, Khawbung Constituency lamahte pawh Bulfa zawl lampang te a chang daih mai a, Champhai lama het tur ni awm zawk tak a ni. Hetiang inkar a bik lutukte hi siamruala, Parliament-in an rawn phasa an rawn siamrual hunah chuan hetiang lampangte ngaihtuahna neih a, roreltuten la sawiho hnua ti te anih chuan thuhranah ka ngai a ni. Chutiang anih loh chuan piece-meal, deuhva han beih thut mai hi chuan ka sawi tak ang Khanin Khawivanrial bu kan hawh darh vek turah ka ngai a ni. Enngun deuh a ngai munge aw i. he resolution hi a zahawm hle chu kati a. Amaherawhchu, chung ang zawng zawng avangte chuan Aizawl District hnuaiah awm rawh se han tih thut mai chuan kan lo inring hman lo mai dawn a ni si a, hei kan la inhrilh chian a ngai hlein ka hria ni.

Lo tih nisela, ka bialah a nghawng nghal vek dawn a entirnar, Lungdaiah hnaita a ni a, Aizawl lokal a awl em em a, tahchuan, helama beh an duh em em a ni, awm pawh ka ti khawp mai a. Amaherawhchu, thu awm tawh sa a Map re-drawn alo ngai dawn a, ka bialah tho pawh Mualkhang chuan Kohhranah pawh chutiangin, Kohhranah Sairang lamah te kan awm a, an ti a, sawi tur an ngah nasa mai a. Khatiang khan a rawn inkaihnawih zel a, a sawi pawh ka sawi ri ngamlo reng a. Amaherawhchu, bial hote tha takin ka sawipui a, heng hi chu engtikah emaw kan hoku ten an hria a, tih hun chu a la awm ngei aga, harsatna a Constituency ah pawh kan tawh a, a boundary-te heng hi chu la inrawn ho hun chu a awm ka ring e, tiin kan hnem ngawt a. Tin, hei kan Chief Minister pawhin a hre khawp mai a, a beng te pawh a thleng zing a, a pumpui angin nise, chu chuan Mizoram District 8 hi a boundary hi i entha angu, i siamtha ang u, tih zawnga lokal chu nise ka pui thlap mai, za a zain (100%-in)

Amaherawhchu, a piece-meal a han ti tur erawh hi chuan helai bik kan tih chuan harsatna kan tawh ka ring deuh hlek a, pu Deputy Speaker, tun atan hi chuan la hai mai thain kan hre deuh kati. Ka ngaihdan a ni a, chu chu kan sawilang ve rawih a ni. Ka l m e.

PU L.N.TLUANGA : pu Deputy Speaker, phuldung-sei bialtu resolution hi kan support hle a, ka thinlung tak takin ka support a.

Amaherawhchu, pu Deputy Speaker, Treasury Bench lam atangin an support dawn emaw tih tur khawpin an han sawi a, a tawp lamah an sawi pelh leh vek zel mai si a. Chuvangin nei hi kan kaltlangpui dawn tak tak mang lova, pawl kati khawp mai a. Wawiinni chu hei, Treasury lam amiten thil an sawi thiam zia, ka hriat chhuah phah a, an sawi mawl tun zawk pawl ka hrethiam lawk thin lova, min support dawn emaw ka tih lain, thiam deuhin an herliam zel mai si a. A bupui hriat phak loh dehte, hriat phak awm te, ril pui pui an han sawi a, rethiam phak deuh tan chuan an sawi mak mange, tih turte pawl hi a awm a ni a.

Wawiinnia kan sawiho atan resolution No.3 Kawnpui bialtu zahawm tak pu Sanghmingthanga H.Pautu resolution leh No.6, pu H.Rammawi resolution-te hi kan sawi zawkah lo tang se kan ti angreng khawp mai a. Hei an rawt dunte nge ni, an mahni irawm chhuak ve veah Aizawl atanga Lengpui Airport, Rope-Ways siam thu ve ve a ni a. Heng hi kan sawi zawk ta lo chu pawl hi kan ti angreng khawp mai a. Han sawi ta ila, an number tam zawk na nen an tawngkam thiam zawkna nen min pass-pui ngei anga, kan suangtuah a nih chu. Kan pass hnu chuan kan Leader zahawm tak hian Delhi-an an keng chhuk anga, he House pass anih avang khan an keng thla anga, an report anga, outah chuanin Planning Commission atangin emaw expert an rawn tir anga, a en dawn ta a ni. Tahchuan, expert team chuan an thlir vang vang anga, pu Zoramthanga chu an ko anga, pu Zoramthanga Ji, i leadership hnuaiah hetiang resolution hi in pass-a, expert ka han tir a, expert-te chuan i House-a i pass-pui in resolution hi zaah panga pawl awm an tilo ongtinge hetiang hi in pass-pui theih an lo ti turte kha ka suangtuah vel a. Chuvangin No.3 leh No.6 a lo chhuak lo te hi pawl kan ti rum rum zawk mai a. Kan Member zahawm tak tak ten heng resolution an rawt thei te hi mak ka zu ti zawk . He House-a rel tur hian ram leh hnam tana kan mamawh leh, kan Sorkar theihna baka India Sorkar te pawl min tihsak atana kan duh tak keng khawm te hi kan zawng thin dawn emaw kati a. Tun ang dinhnauna Aizawl leh Lengpui inkara Rope-ways siam han rawtte hi a mak angreng e aw te ka zuk ti a. Tichuan, pu Deputy Speaker, hei World Cup Foot Ball te hi mumal deuhva en ve kan chak vet vet tawp khawp a. Tichuan wawin chu darli velah te chuan mi banpui thei hram la. Sawi zo dawn mahila a dawttuah min kalpui chuang dawn si lova.

In tih thin danin pakhtah min nilenpui tho tho dawn a, kan sawi chak taka chu pahniina hi a ni a. Mahselangin, sawi sei hian awnzia a nei chuang dawn si lova. Chuvangin, mawihnai deuhin a ranglamin hu. dik takah dar 4-ah hian min tawppui mai t h a. Ka lawm e.

PU LALCHAMLIANA

: Pu Deputy Speaker, vawiinni ah Private Member Resolution sawiho theihna kan han nei leh hi a lawmawm

hlein ka hria. Hmanah ka sawi tawh a, Zirtawpni Private Member Resolution sawi theih ni atana kan hruaitu hmasa ten an lo ti hi a lawmawm hlein ka hria a. Amaherawhchu, kan Sorkar kalphungah Parliamentary Democracy hntaiah hian party kalphung, inawp dan kalphungte a awm a. Mimal thu Member mal thu hi a lel theilo hrim hrim erawh hi chu a hahthlak deuh zawngin ka hria a. Vawiinah phuldungsei bialtu zahawm takin a bial mipui thenkhatte tana resolution pawman tak mai a lawmoulut hi a titha hlein ka hria a. Nichinah kan hotu pakhat Khan MLA te hian kan bialte ringawt hi kan ti ta, a rawn ti deuh na a, MLA ten kan bialte kan ngaihven lohvin, tu in nge min ngaihven sak ang le, tihna te pawh kha ka rilruah a lo lang deuh zuai zuai a. MLA ten mahni bial mipui te tana thil tha ngaihtuah a, hetiangah han tih hi a lawmawm hlein ka hria.

Tin, a bik takin kan phuldungsei bialtu hi kan zingah a upa pawl a ni a. Amaherawhchu, a viak tha pawl, a bialte pawh hi hahthlak tak, kan hnih/kar thunte pawh zuk chenchilh a, amahni chin pawh zuk hrechiang thei a ni a. Tin, a move thiam bawk a, heng khaw 11 (sawmpakhat) te Mamit District atanga satthla a, Aizawl District-a dahlut tura a rawn tihna an sawi kha a pawmawm em emin ka hria a. Tin, District chungchang kan han sawi hian kan hriat theuh angin, Sorkar hmasa hunlai atanga thil lo awm tawh kha a ni a. Sorkar hmasa khan thil tha engemaw zat an ti a. Chungah chuan District thar panga han siante pawh hi chung zing ami chu a ni ngei ang tih a rin thei a. Amaherawhchu, mi zawng zawngin an pawm tlan theih thil tih a lo har zia chu District siam chungchangah hian kan hmu a. Atirah ngaihtuahnaah chuan mahni District han siam dawn pawh hian, ka hriat dan a sual loh chuan, Lengpui pawh District Headquarters nise tih te kha a ni a. Mahse, a kal a kal a, a ni a lova. Mamitah dah tak a ni a. Tin, khawchhak lamah District thar siam a nih dawn chuan Khawzawl Headquarters ni rawn se tih kha, Congress hunlai Cabinet-te pawh khan an ngaihtuah niin ka hria. Mahse, an leak out nge ni ka hre lova. A tawpah phei chuan Khawzawl bialtu Minister khan a ban phahte a ngai a. Chuvangin District han siam hi a har em em niin a hriat theih a. Tichuan, a lehlahmah chuan, kan bial ve Bilkhawthlirte pawh khu han thlir ila, khaw pahnih Saiphai, chu chu Kolasib atanga KM 45 lek a ni a.

Chuta tanga KM 20 velen chuan chhim chhakah Saipum a awm leh a. Chungte pawh chu Kolasib District-a beh tir lovin Aizawl District-ah beh tir an lo ni a. Nichina kan ngaihthlak tawh angin, hante Lungdaite chu Kolasib-ah a chhuk daih a. Khatiang kha a lo ni a. Tin, a lehlahah chuan vawiinnia mitinin ka. hriat chu Hnahthial mipuite chuan Hnahthial chu District Headquarters ni ve ngei tura ngennate, cunhmaa an lo thlen tawh pawh an la ngen mek zel a ni tih kan hria a. Chutihlai chuan, kan ngaihthlak tawh ang khan, Lai Autonomous District Council-a MLA bial pakhat Sangau bial chu Saiha District administration hnuaiyah dah daih a lo ni bawh a. Chuvangin hengah hian felhlei tam tak a awmin a lang a. Chuvangin, phuldungsei bialtuin heng a bial chhunga khaw pakua leh Mamit bial chhunga khaw pahnih Aizawl District-a chhawn luh a rawnate hi thil awm tak pawh a nihna lai a awm a ni. Mahse, kan sawi sei hret duh chu Pu Deputy Speaker, Sorkar masa khan District pargate siam hrangin Civil Sub-Division engemaw zat a siam bawh a. Tin, R.D.Block-te pawh an puang ul ul a ni. Mahse, thilpawi deuh mai chu, khangah khan engtinge heng hi kan tihpuitlin ang tih kha ngaihtuah ngunna pawh awm lovin, inthlan dawn hnaiyah ki an an puang chuk chuk mai a. Tichuan, inthlan khan a lo zui a, khatia an function tirh te phei kha chuan District thar thonkhata S.P. te chu an mahni petrol takngial tur pawh function thei lovin an awm a. An then-awm District-a an S.P. puite, chutiang ang sanction-te chu an va lak te a ngai thin a ni. Chuvangin ngaihtuah tel lovin, ngaihtuahna tak tak leh engtinge chu chu kan tihpuitlin ang, tihna tello khan hma nasa taka lain thil tam tak an puang a, chu chuan vawiinniah hian Sorkar dinglai, an hnuai lokal leh tan te pawh harsatna tam ta a siam a ni.

Phuldungsei bialtuin a sawi ang deuh khan, West Phaileng te pawh Civil Sub-Division hmuna an puang a, Post pawh awnlo, Budget-ah provision cheng khat pawh awnlo khan an ti a. Chutiang chuan Vairengteah te, Saitualah te, N.Vanlaiphaiyah te, Ngopa ah te an puang chok chu. ringawt mai a. Khatiang ang thil kha chu mipuitling tan chuan thil tih chi vak niin ka hre loya. . . Chung chuan ngaihtuah ngun lo chunga an thil tihna hian vawilnah pawh he resolution hi he House-ah hian luh a lo ngai ta hi a pawh hlein ka hria a. Chu lai chu tlemkan sawilang ve duh a.

Tichuan, Member tam takin mipuite ngaihdana kal tur kan ni an tih kha a dikem em lain, vawiina kan Resolution hi erawh chu tlema han enchian leh deuh thain ka hria a. Hei mipuite awlsam zawkna atana heng khuate a ti a, khaw sawm leh pakhat hi Mamit District hnuaiyah awm lovin, Aizawl District hnuaiyah dah ni pawh se tih a ni ta a. Pu Deputy Speaker, mipuite tih hi khawi mipuite nge ? Eng mipui nge tih kha helaiah hian a tichiang tawh lovin ka hria a. Duhthusam ang chu ni sela, heng khaw mipuite awlsam zawkna atan te hian ti ta sela, a hriat thian theihin ka ring a.

Tichuan District, mahni District sahhekna thu anih avangin pu Deputy Speaker, khami khaw 11 nilo khan, mahni District-a mipuite MLA bialah chuan phuldungsei bial, Mamit bial, Kawrthah bial, Zawlnuam khaw mipuite kha an duhdan a ni em ? Anni awlsam zawkna tur kha a ni em ? tih kha ngaihtuah tel hlek pawh hi ngaiin ka hria a. Thil awmsa tawh tih anglam hi complication tam tak a awm thei thin a. Chuvangin he thu hi an bial mipui tena Aizawl pawh an awlsam zawkna kha chu a dik em em a, a chiang em em a. Aizawl District administration hnuaiah awm se, tun dinhmunah erawh hi chuan awlsam zawkna an nei ang tih kha a chien em em lain Mami District sah hekna thu a nih avangin Mamit District mipuite thu pawh hi kan ngaihthlak ve a thain ka ring a. Tin, chubakah chuan pu Deputy Speaker, hei Sorkarin hma a la a, tunhma U.T. hunlai atang tawha Brig T.Sailoa Ministry hunlai atang tawh a kawngpui tha tih zawng zawng an sawi lai a te pawh kha, khatih hunlaih a takin chang theilo mahsela vawiiniah chuan a takin a lo chang ta a. Ropuichhip atanga Buarpui thlang Motor lian chi kal theihna tur buatsaih anih chhoh takah hian helai tlangdunga khaw tam ber hi chu a tlawh tur a ni ta a. Hei tunah pawh kan hria theuh angin an lai tlut tlut a, sazu mei ang chuan a zuihral dawn ta lo niin a lang a, thenkhat hlauhthawn ang khan. Tihian, tunah hian ka hria dan a sual loh phei chuan KM 10 vel chu Black Top-a lo ni ta a. Tin, kumin chhung ah hian KM 15 dang emaw Black Top tum leh a lo ni ta a. Chutianga nih e chuan helai tan pawh hian Rawpuichhip a chhuah thlak a Mamit a han kal thlak a hi tunhma zawng zawng ai chuan a lo awl tawh dawn a lo ni a. Chuvang chuan pu Deputy Speaker, phuldungsei bialtu zahawm takin a bial khaw chhuna khaw 9 te duhdan a rawn tarlang hi a ropui a, tih pawh a ti thain ka hria. Amaherawhchu, Assembly ema helai thu han pass-a hi chu tun dinhmunah hi chuan a la tul rih lo a nilo em ni. Nichina kan ngaihthlak tawh ang khan hmundangah te pawh fello tam tak a awm a, chungte nen chuan rualkhai deuh te pawhin la ngaihtuah tlan la ni ta se a tha dawn lo em ni. Tin, a lehlamah inthlan chungchang thuah Commission siam tur a ni a. Chu chuan District boundary pela Constituency siam a kha an duh loh pawl tak a ni si a. Chuvang chuan hengte pawh hi han nghak ila. Chuti chuan, ngun taka, uluk taka ngaihtuah chungin heng thil a hi la ngaihtuah that leh ni seia a tha viau in ka ring tih thu pu Deputy Speaker, ka han sawi ve a ni e.

PU LALHMINGTHANGA : Pu Deputy Speaker, kan Member zahawm tak, phuldungsei bialtuina helai Rawpuichhip atanga tlangdung phei, Reiek leh Ailawng khawmawng ping ang deuh hleka awm an ni a. Heng khaw 11 te Aizawl District-a bet tura tualchhung amite a rawn move hi kan rorelna zahawmtak hian remti tlanga pass-pui a tha hlein ka hria a. Member tam khan kawng hrang hrangin thlirna an rawn sawi a,

Treasury Bench lam amite ngaihdanah kha chuan hei hi tih rih loh nisela, tiin zau zawka thlir te pawh nise an han ti a. Mahseng, hei hman deuh lawk khan heni tlangdungah hian heng khaw hrang hrangte hi kan zuk tlawh ve a, chubakah Reiek te, Ailawng te hman ho pawh hi kan tlawh reng reng a, a bialtu MLA hian amah awma thuchhuaka he Resolution hi rawn puluc a ni hauh lova, heng khaw hrang hrangte hian hetia District then thar a lo nih tak hnuah hian harsatna te tak an tawka, chumi an harsatna tawha chu kawng chi tinrengin a ni ta a. A chhan chu, tunlai Sorkar kalhmang leh ram kan inenkawlna ah hian District Headquarters-te hi a lo pawimawh chho tawh tawh a. Mihringin changkanna kawng hrang hrangin hma an rawn la chho a, Sorkar thuneitute dawr lo chuan khawtlang hrim hrim bakah chhungkaw mal mal te leh hmasawna tur atana Department chi hrang hrang khan khuaah va tla lut hnathawhna pawh kha a lo bahlah awlsam em em a, tichuan, amah bialtu zahawmtakin a saw ang khan heng khaw hrang hrangte hian engemaw Sorkar hnenah thu an thlen tawh te ngaihsak hlawh tawka lova an hriat avangin Sorkar lakah lungawi lohna han entir te pawh kei ka kal lai pawh an lo rawt ve thwak thwak a. A ch-erawhchu, a ni thei ngawt nang, hei bialtu MLA a aw a, a hnenah te hhlen a, a ni pawh hianin rorelna sangah te an sawi anga, chutiang chuanin Sorkar zai ngai taka thil tih hi lukhawng a nei a nia ti ten kan insawipui ve a ni a.

Chuvangin Treasury Bench lam atanga rawn thlirtute pawh khan heng thi' hi helam opposition bench atanga resolution lut anih avang hrim hrima duh lohna thinlung pu lovin, rilru zau taka min pass-pui ngei hi a tul a. Kha kha Member ten an han sawi kha venthawn an ngah a, venthawn tur awm pawhin a lang lova. Entirnan, Mamit District-ah chuan constituency hrang chu a awm ngei a, zawlnuam tlangdung ten emaw, anih loh leh W.Phaileng, phuldungsei emaw hian heng khaw ll te hi Mizawl District-ah bet chho ta sela, an lawm lohna tur thu hi a awm pawh a rinawm chuang lova, District khata awm kha tha an tih lai khan khaw hrang hrangte harsatna an hriat chian avang hian Mizawl District-lama lak an nih pawh a Sorkarin a tidik lo a ni ti zawng rilru ar siam hi chu a rinawm reng reng lo a, an lawmpui zawkin a rinawm a. Kan Mizo Pi leh tu atanga kan kalhmang reng rengah hian lawmte inlawmpui leh lungngaita lungngaihpu hi kan hnam kalhmang a ni a. Member zahawmtak leh Minister zahawm tak tak ten a hma lama heng District hi an satthla then a, hetiangah thil kan ti ngawt te anih chuan, a dang ho hi an lawm lo ang tih ang te phei chu thil awm thei tur pawh a ni lova. Mite lawmnaah chuan midang pawh an lawm em em ang tih a Chiang em em a ni.

Tin, engemaw expert-te ruai ila tih zawng pawh kha heng thilah hian expert hranpa awm theih pawh a ni chuan lova. District Boundary hi chu han rin a, chu chang nilo, State boundary chang pawh a nilova, nation boundary pawh an rin a,

Amaherawhchu, kha kha Media persia seal-a nanggeh tawh a ni e, a thlak theih loh e ti ang zawng hian tunlai khawvelah hi chuan a kal lo nrim hrim a, vantlang rorel-naah hi chuan a mipui, a tuartu leh harsatna peite tawrhna chhawk zawng leh a phelh zawng nian Sorkar hi chuan rilru a siam fo thi ni.

Kan Treasury Bench lam atanga rawn ngaihtuah dana. pawh hengte hi tuar rih mahse midangte tih ang zawnga ngaihtuah ngawt kha chu a fel reng renglo a, Democracy-in a tum ber hi chu mimal harsatna paw phelhsak a, hmun tha zawka a dii theihna turin, chutiangan chhungkaw harsatna te pawh chumi chunglamah chuan veng harsatna te, khaw harsatna te khatianga cinhmun harsatna theuh te han inphelh sak zel a, hmasawna sang zawka inhlan choh hi vantlang rorelna in a tum bulpui ber chu a ni tih hai hau lo tur rual vek kan ni a. Ka ngaihtuahna atanga lokal chu, kan Sorkarte pawh hian tuna an hon sawi danah khan heng khuate harsatna hi kan hmuhpui tha duh emaw chu aw, tiin ka rilruah a rawn thawk neuh neuh a, a chhan chu, a tih theih lohna ang an sawi te, a dalu hrang hrang niawm kha helai Mizoram rorelna ina a thiah theih piallam pakhatmah a awmlo a, kan duhlohna thinlung, kan ngaih-pawimawhna thinlung mai chauh kha mih dalu a ni tih kan han sawi atang khan a hriat hle a ni. Hei tunhma atang tawhin heng boundary te chu kan sawi ang khanin Nation leh Nation inkar Sorkar leh Sorkar inkar pawh vawi tam rin that a ni a. Tunhmaa pianglo kha Ram thar pawh a piang a, tunhmaa pianglo kha District mai pawh ni lovin, State tharte pawh keini hriat theih chinch a piang chho zel a, India Independence hnuah te pawh, chutiang tho chuan Mizoramah te pawh District kha U.T.ah kan chhova, U.T. tha State-ah kan chhova, tunhmaa District pahnih chauh ni thin kha pathumah kan han chhova, tunah pathum thin kha pariatah kan chho leh a ni ta a. Chuvangin, hengina a tum bulpui ber chu khaw hrang hrangte leh Area hrang hrangte hmasawna tur remchang zawk an lo neih theihna tur atana Sorkar hmatakna vek a ni a Sorkarin a tum chu. Chuvangin, heng khaw li (sawmpakhat) te harsatna hi a hemi Resolution neitu khan phushchawp a nilo tih kan zavaia hriat theih khan fiah tek main a rawn sawi tawh a, Bawngthah khua atangin a rawn an a, Bawngthah khua chu an District Headquarter zuk thleng tur mimal thilah emaw chhungkaw thilah a ni emaw khawtlang thilah emaw, hani thleng tur hi chuan Sateek ah kea emaw a rawn chhoh a ngai a, thal laite duan Motor pawhin a kal ve mial theihna ni mahna, chutah sawta tanga Bus mana Aizawlah rawn riah a, Aizawl atang khan Tlawng vek zuk kan thlak leh a, Tlawng atangin Dialdawk kan leh a, Dialdawk atang n Tut kan a, Tut kan tawh hnuah Mamit tlangah han chhoh te kha a ngai a ni a. Chutiang ang harsatna chu heng khua zawng zawng Darlung te South Sabualte tin, Bawlte te Kangmun te Lungphun te Hreichuk te Khawrihnim, West Lungdar leh Ailawng te ang zawng zawng hian an tawk a ni. Kha kha keini, nitina tawk velo te hian kan ngaih zam sak viau pawh a ni mai thei a. Mahse, chutiang ang, nitina tawk tu te tan hian chuan nikhat pawh a rei tlat ania.

Chuvangin, heng ho, hemi chhunga cheng mipuite harsatna hre reng hian he Resolution pawh hi kan rorelna sang ber hianin lungruah takin pass thei ila tian kan mover kha kan support a ni e, House hi kan ngen pawk a ni e. Pu Deputy Speaker, ka lawm e.

DEPUTY SPEAKER : Kar sawi tawh thawkhat viau tawh mai a, House Leader hi sawi tur a neih chuan kan sawm anga. Tichuan, Resolution neitu kan sawm leh anga, House Leader i lo sawm ang.

PU ZORAMTHANGA CHIEF MINISTER : Pu Deputy Speaker, ka lawm e. Vawlina kan Member zahawm tak pu J. Lalthangliana Resolution hi anihna takah pheih chuan tihawm tak a niin that pawh a thair ka hian a. Mahse, tlema harsatnate kan nei hlawn a. A bulpui berah chuan kan Member-ten an sawi point chi hrang hrang kha ka zuk thual nawm leh tawh lo anga. Ka sawi duh chu kan Constituency delimitation hi siamthat a ngai a ni tih hi kan hmaa Sorkar siamtuten District an han siama Boundary an han siam pawh khan limitation tih harsat chin an nei ve a. Anihna takah chuan Reiek te, Ailawng te ang chu Aizawl District-a dah awm tak pawh a ni a. Amaherawhchu, Constituency hran anih si avangin dah a romlo tlat a. Tunhma ang kha chu nise khawtin kha a Ballot Box kha kan chawia, a Ballot Box a kha hami polling Station khat a te kha kan chhiar den den a, problem lutuk pawh a awm lova. Mahse, tun inthlan dan tharah Election Commission-in khatia khawtinte polling Station te te a kan chhiar chuan khami hmuna Party khat vote hmuh amna bikte a awm e, chuvangin, a vote hmutlem a kha thlantlin a lo nih si chuan a vote pe tlemu atan khan a hreawm nia hriain Constituency khata vote awm zawng zawng i chawhpawlh vek ang. Tichuan, i chhiar pawlh ang, a thianghlim ber ange tih kha a lo chhuk a, kan chawhpawlh ta vek mai si a. Chumi anih chuan, kha Constituency a vote zawng zawng kan chawhpawlh chuan a chawhpawlh tu ina a chhiarna kha Returning Officer pakhat hnuaiah chhiar a lo ngai ta a. Electoral Roll buaipuitu, Electoral Roll chung a thunei tu a hran bawk, vote chhiarna a Returning Officer a hran bawk, a lo rem ta si lova. Chuvangin Election Commission-in District Boundary kha chu he kan Constituency hian cross lo sela, Election-ah harsatna a thlen dawn avangin tih guide line leh insurction an rawn pe ta a, chumi mil chuan Sorkar hmasa District Boundary siatute pawh khan an zui lo thei lova. Chuvangin hnaivaite a awm Reiek te, Ailawng tih te kha Aizawl Constituency ah a awm loh avangin a Constituency awmna District Returning Officer hnuaiah khan a awm a ngai a. Chuvang chuan tunah hian hlankai an lo ni ta a. Tin, kan Member zahawm tek ten an han sawi ang khan Lengpui pawh kha khalaiah khan a tel ve thova.

Mahsela, kan Capital Airport a ni si a, kan Capital Airport kha administration-ah a buaithlak lutuk a, Mamit District Administration a rawn kai dawn khuan a buaithlak lutuk a, Capital Airport na na na hi chu Capital District Administration hnuah kan dah loh chuan Law & Order ah te Security-ah te a buaithlak lutuk a, chuangin Capital Airport na na na hi chu Capital Administration hnuah i dah mai ang u tiin hei hi a boika kan han dah a ni nghe nghe a. Tin, Marpara South lam chungchang thu kha tunhmain hetiang kan Polling Station-a Ballot paper-te in Constituency khata in awpawh vek tur a ni tih hun hmaa a mal te tea chhian laia lo awm anih avang khan chuti lutukin a problem lova. Chuang chuan District Boundary kalh khan tunhma khan a lo awm thin a. Chumi hnu chuan Lunglei lama bet ngei tura ngaih kha helama bet pawh kha Constituency Delimitation nen khan kan la kal si loh avangin chumi Constituency Delimitation-in hemi khua hi administration District danga avangin chutah a kal tur a ni tih kha Constituency Delimitation order kha a awm loh chuan a tih theih hawk si lova, tun cheng-in kan la kal a khu khu, tihdanglam hram hram kan tum a, exception lian deuh mai anih avang khan tuna kan hma chhawp kan tih ngei tur chi chu a ni a. Tichuan, kan Member zahawm takina a thil rawn putluh pawh hi khawi kawng tax atanga thilr kha chuan a dik chiah reng a ni.

Reiek, Ailawng te, Mamit District-a zuk awm daiha kha chu harsatna a awm dawn avangin Aizawla hetia lo bet tur ngei chi chu a ni a. Chuangin tunah pawh hian heng hi tul hle mahse, a dangah pawh Lungdaithe kha Kolasib-a zuk beh daiha kha chu rem pawh a rem lova. Chutiang chuan hmun tam tak sawmi hmar lamang kiltawpa mi Kolasib District-a bet awm tak Aizawlina a la ken tel pawh kha Constituency kha kan la tihdanglam loh avangin tih a ngai a. Chuang-chu a ni zel a. Chuangin pu Deputy Speaker, tunah pawh hian kan Member zahawm takina a Resolution rawn putluh pawh hi a preliate-tu, la hmakhalhtu tur Constituency delimitation-a hi District wise nena dahkhawm rem a, kan siam phawt chuan hei chu problem a awm hauh lo mai a. Tin, a awm pawh a awm a ni, hemi anga kal hi chu. Chuangin Constituency delimitation hi party pakhatina han tih mai chi pawh a ni lova, ka ngaihtuahna awm a chu tun ter-ah hian kan tinghal ange, a dawt leh lamah kan ti ange, tu pawh lo Sorkar sela, kan Constituency Delimitation-a hi chu enchian leh deuh, a insiksawia hi chu a ngai a ni. Number min puncir thei lo anih pawh in tuna number 40 chhungah pawh hian engemawtia han sik-sawi rem dan administrative District nena kalpui leh dan hi chu party tin aiawhina kan siamrem pawh a rawi khawpin ka hria a. Chutilo chuan, party tinin lungruual taka tih loh chuan tuten emaw anni siam a ni a, ti a, khaw 4/5 emaw dah lo infuihpawrha khati zawnga a kal loh nan khan party tinin inlungruual taka tih a rin erawh chuan Constituency ngai pawhin siamrem chuan khani mil khan District kha a siamrem zung zung theih tawh anga,

harsa hauh lovin hei chu a kal thei ang. Tunah erawh chuan Aizawl District-ah khan lo dah dawn ta ila, a then kha Mamit Constituency a ni anga, chuta R.O. chu Mamitah khan a awm si a, Aizawla R.O. khan a lo handle a ngai dawn ta a. Khumi phuldungsei k ala R.O. ina a handle tura kha hetah Aizawl ina a handle vek a ngai anga, vote chuar nikhuaah "chawhpawlh tur a nilo" ti tlat sela, heta tang khan R.O. a kha a nih leh tunge ni ta ang ? tih te. Electoral Roll buatsaihnaah tuin nge thunei ta ang ti kha tlema insaikalh, tuna kan Election Commission-in a ch dan ang hian a awm avangin hei hi mi: rawn khap a, Guide line leh Instruction pawh rawn siamin Administrative District hi Constituency hi chuan a insu buai tur a ni love, a R.O. a te a thuhmuna ngaih anih avangin tih kha a lokal avangin Sorkar hmasa pawhin a hrelo, a remloin District kha khatia an siam kha a ngai ta a ni a. Chuvang mai chu a ni a. Chuvangin tunah pawh hian han pass ngawt mah ila, Election Commission-in Constituency Delimitation in siamtha a nih loh chuan R.O. pakhatin ama bial nilo, hmun hnih hmun thum kha a R.O. -na hnuasia va dah kha vote chawhpawlh nikhua dawnin a buai ang a. rawn tih kha kan ngam leh chuang dawn lova, hei hi a rem lohna lai chu a ni. Chuvangin hetah hian kan Member zahawm takin a rawn rawta hi thil tul tak leh nakinah phei chuan la tihawm tak a ni chungin, tuna kan system leh kan Election Commission-ina mi: tih danah hian kalpui harsa rih a nih avangin tunah chuan tuna kan awm ang ang hian Constituency Delimitation thar kan siam hma chuan kan kalpui lo theilo anih rih avangin. Entirin, Lungdai pawh khan rawn nawr vek vak mahsela, anih loh leh a thlangah hetah Zanlawn lam pawhin helamah kan bet duh rawn ti mahso, Reikin rawn ti mahsela, tuna kani ngawt na kan tih theih pihlam a nih rih avangin tun ami hi chu han pass mahila, tha hlein hre mahila, pass khan kan thuneihna chin pih lamah involvement thui tak a neih rih tlat avangin tu ah hi chuan pass rih loin kalpui ila, hei hi kan kal dan tur ni awm tak a ni. Ka lawm e.

DEPUTY SPEAKER : A resolution neitu kar sawm anga, pass emaw withdraw emaw rawn dil nghal sela. Minute 2, minute 3 vel kan belh anga, kha kha chu kan remti tlang a ni lawm ni ? Tunah ilo sawm ang u.

PU J. LALTHANGLIANA : Pu Deputy Speaker, vavirin chu lawmthu sawi tur ngah hlein ka inhria a. A hmasa bera ka sawi duh chu, hei ka Resolution, ka ngaimawh em em, kan bial miquite harsatna chhowk zangkhai theihna tur House-a sawiho a ni hrim hrim hi lawmawm kati a.

A peknihaah chuan kan Member zahawm tak t n a bikin i dinglana thute khan hetilala khaw 11 te harsatna min lo hriatthiapui em em mai theuh a, kha kha lawmawm kati hle baw a.

Tin, chubakan heng khaw 11 Aizawl atanga hnai te te mase Mizoramah hian sawi hlawn ngai hauh lo House-ah phei chuan an hming pawh lamrik ngai loh, mameber zahawm tak tak thenkhat phei chuan Hreichuk leh Hruiduk te pawh hre hranglo khawpa lar lo hming ari te hi lawmawm kati hle a.

Tin, heng khua kan sawi tak Darlung, Kanghaun, Bawlte leh Sabual te hi Mizorama ropui tak Lallula Sailo khanin a huntawp lam a hmanma Hreichuk leh Lungphun te hi a ni a.

Tin, I dinglana thute pawh kan ngen duha, heng khua 11 te hi Independent Movement an neihlala theihtawpa lo aupitute kha an ni a. Harsatna namenlo an tawka, chuvangin anmahni pawh an pangchang a ni. Tun fhengin party thilah phei chuan NIF an tam ber a, Chuvang chuan an pangchang em ea a, chu chu min hriatsak sela ka duh baw a ni.

Member thenkhatin a bikcakin Lawngtlai biatu zahawm takin min sawm lo tih kha chu tukin zingah kha chuan ka sawm vek mai a, House chung ami zawnzawn hi. Ina luh kha tankai phei chu nise, hmanni atang khan lo luh char char tu hia ni a, Member te in tinah hian, ka tilo kha min hrethiam sela, ka sawm tak meuh a.

Tin, Pu Deputy Speaker, heng khaw 11, Aizawl District-a behtir harsatna awm theite thiam takin i dinglana mite khan an sawi a. Mahse, thil hi roreltuten an tih chuan tih mai a ni a. Hei hian khawibu thaidarh ang maiin amundangah harsatna min thlen ang tihte kha member zahawm takte khan an sawi a, a tha anih chuan kan tidanglam zel mai ang mawle, kati a ni, a tha ber anih phawt chuan, mipui tana lawlsam zawkna a nih dawn chuan. Tin, technicality hi engmah a awm loin ka hria. Resolution tam tak kan pass thinte kha chu Pu Deputy Speaker, sum tam tak senna tur chite a ni a, expenditure tam tak ngaite a ni a, vawina ka resolution hi chu expenditure pakhatmah a belh dawnin ka hrelo va, budget- dah pawh a ngaiin ka hrelo a. Ni rawh se kan tih hian a ni a ni mai a. Roreltu zahawm takte hian. Chuvangin, pass harsa lo tak a ni tih kha ka sawi tel duh a. Mipuite dul dan hi Sorkar amasate pawh khan an lo ngaipawimawh em em thin a ni.. Chiang em em chu ka bialah hian a lang a, Marpara South, Lunglei District ami pawh khu, Lungleilamah kawng a awm thal em em a, an harsa si a, helamah Aizawl atangin Marpara thleng hian BRTF kawng tha tak a awm a. Chuvangin, kan awlsanna tur a ni, Aizawl District-ah kan awm ange an ti a, an awm mai a, nuam an tiin an hlim em em a ni. Marpara-I khu an hnawk an ti reng reng lo.

Kei, a bialtu MLA pawh hian hnawk kati reng renglo, Marpara-II phuldungsei biala vote an nei hi, mipui awlsam zawkna anih chuan Sorkar hmasaah pawh an ti mai alawm mawle, tih kha kan sawi duh a.

Tin, chulo lehah chuan ka han sawi leh duh a chu helai khaw li te hi khaw te tak te te an ni a, In 200 pawh blinglo vek an ni a, population pawh tam lo tak, an zavai hian naupang non vek 4700 emaw an ni anga, chut' lek chu an ni a. Population-ah khan chuti teh chian in Mamit kha an defferent vak lo. An harsatna chu ka sawi tawh a, zinglamah khan, an harsat ziate chu min hriatpui thei mai anga, i dinglam amite pawh khan an hre hlei hlui mai a. Tin, an lainat pawhin ka hria, khulai khu an hriat zawng tak te pawh a ni anga, tunhma zawng zawnga an awmdante pawh kan hriat tawh kha, Chuvang chuan, vawiin n...ah hian Pu Deputy Speaker, ka sawi tam lovang a, ka resolution pawimawh deuh mai hi he House zahawm tak hian min pass pui tur hian tih tak zetin ka sawm duh a, kan chhian chhuak leh ange, kan zavaia kan hriat theihna turin ka resolution vawina House-in min pass-pui tura ka sawm resolution chu hetiang hi a ni."Mipuite awlsam zawkna atan heng khuate, Bawngthah, Darlung, South Sabuai, Bawlte, Kanghmun Lungphun, Hreichuk, Khawrihnim, West Lungdar, Reiek leh Ailawng hi Mamit District hnuaia awm lovin, Aizawl District hnuaiah dah ni rawh se" tih hi a ni a, he House hian lungrual taka min pass-pui turin Pu Deputy Speaker, tih tak zetin ka sawm e. Ka dawm e.

DEPUTY SPEAKER

:

Tunah chuan Pu J.Lalthangliana Private Members Resolution "Mipuite awlsam zawkna atan heng khuate, Bawng-

thah, Darlung, South Sabuai, Bawlte, Kanghmun, Lungphun, Hreichuk, Khawrihnim, West Lungdar, Reiek leh Ailawng hi Mamit District hnuaia awm lovin, Aizawl District hnuaiah dah ni rawh se" tih hi a pass remtiin'remti' han ti teh ule, remti lovin, 'remtilo' ti rawh u le. Tilo an tam zawk niin a lang a, chuvangin he Resolution hi tun atan chuan hnawl a ni rih ta a ni. Tunah chuan dar 4 munute 5 in kan pel hret a, vawiin atan kan hun chu a lo tawp leh ta a, ni 10.6.2002, Thawhtanni zing dar 10:30-ah kan thukhawm leh dawn nia.

Meeting adjourned at 4:05 P.M.